

*Valerantrosani Monasterii S. Proxadi Roma.*





12-13-K-24

I





# PHYSIOGNOMONIAE COELESTIS


LIBRI SEX,

IN QUIBUS NON SOLUM, QUOMODO QUIS FACILE EX HUMANI VULTUS  
extrema inspectione ex conjectura praesagire futura possit,  
docerur: sed etiam Astrologia refellitur, &  
inanis atque imaginaria demonstratur:

AUCTORE

JOAN. BAPTISTA PORTA  
NEAPOLITANO.

Nunc primum in Germania typis divulgati.



ARGENTORATI

Impensis Lazari Zetzneri Bibliopolæ.

M. D. C. VI.

12 19 K 24

ILLUSTRISSIMO AC REVE-  
RENDISSIMO,

JOAN. ANDREÆ PRO-  
CHNICO, PROTHONO-  
TARIO APOSTOLICO,

*Proposito Cracoviensi,*

SERENISS. POLONIÆ ET SUECIÆ  
Regis in Regno Neapolitano Nuncio.

*Joan. Baptista Porta, S.*



*MICITIA* & consuetudine multo-  
rum nationis Polonæ, quæ mihi jucun-  
dissima semper fuere; illoctus, tuam  
quoque Illustriss. Prochnici, statim ab  
adventu huc tuo, ultrò expetere, ade-  
amque me admitti, cupere non destiti. Volebam nimi-  
rum continuatam eam mihi cum Polonis esse: præterea  
suâ quoque frui, quam mihi non minus gratam fore, tui-  
ipsius mores, illustrissimæ natalium sanè indices pollice-  
bantur serio. Ac dum præstarent, (non me enim meum  
de te fecellit iudicium,) cœpi cum meo volvere animo,  
quam potissimum ratione meum in te amorem ac ob-  
servantiam declararem, totique si illud fieri unquam pos-  
set, orbis testata facerem. Quare ad perficiendum pro-  
positum non incommoda sanè obtulit sese occasio. Sub  
preludum dandus & divulgandus mihi erat liber hic Phy-  
siognomonie Cælestis, non minus utilis, quam curiosus  
& cui ex se apud eruditissimū quemque, sat spero fore cō-  
mendationis. Eum sub tuo nomine emittendū decrevi,

); ( 2

## EPISTOLA

*equâ lance, uti illum à te illustratam iri, ita vicissim ad te quoque ab eo aliquid honoris reditum certo persua-  
 sus, licet tuarummet laudum ingens sit cumulus, in ijs  
 præcipuè, quæ ab ætatis nostræ memoria remota: Sed  
 quatuor pro modestia innata, dissimulata velis, & quorû  
 cognitio aliundè nobis habenda fuit. Nam Gentilitia  
 tuæ nobilitatis primordia si in memoriam revocanda  
 sunt, ea fuere apud vestros Ruthenos semper illustra,  
 antiquissima. Russia etenim prius habuit suos Reges  
 quàm Polonia, adeò, ut etiam ante Christum natum,  
 Majores verò tuos, Duces de Bibel, maximo illic inter  
 suos loco fuisse, nec recenter, ut sic dicam, enatos, facile  
 videre est, tam ex amplissimis bonis hereditarijs, quæ  
 in terris Premisliensi & Leopoliensi possederunt sem-  
 per, quàm ex rebus præclare gestis. Nec deesse ibidem  
 plurimos audio, qui exactam, & quasi per manus tra-  
 ditam, ac si quis volet uberiores, habiturus eam facile  
 ex actis inscriptionum, & variarum bonorum heredi-  
 tatariorum dispositionum olim factarum, quæ ibidè Præ-  
 missiæ, ac Prævorsij asservantur nunc quoque. Majori  
 tamã illud argumento est, maximam fuisse prosapie  
 istius etiam apud externos celebritatem, quòd, Bonfinio  
 verum Pannonicarum scriptore luculentissimo teste, nu-  
 nus ex illis Ducibus in Regem Ungariæ ante sexcentos  
 annos fuerit electus. Qui tamen partis & factionis ad-  
 verse perfidiâ haud diu vivere permissus, sed in spacio  
 paucorum dierum ab iisdem trucidatus est. Cumq; ob  
 facinus tam atrox ad arma utrinq; cõcurreretur, illinc  
 ad vindicandam Regis sui mortem, hinc verò ad sese tu-  
 tandum: asseveratione istius partis, canem se, non Regẽ  
 è medio sustulisse, (medium siquidem canem, supra in-  
 signia*

# DEDICATORIA.

II

signia trium fluminum & supra Galeã in Scypho tua  
 defert familia) sic elusa omnia, ut etiã fuerint pacata.  
 Sed tempus rerum edax, qui nihil sinit eodem perma-  
 nere statũ, eodemve subsistere loco, immutavit omnia.  
 Divinã factum providentiã, quod Russia in ditionem  
 cesserit Polonorum, atq; eã occasione fidem Catholicam  
 Romanam tota ferẽ nobilitas nobilissima illius Provin-  
 cia sit amplexa. Majores tui pertinacius aliquanto in  
 suo Schismate Græco perstiterẽ, indignum fortẽ, si non  
 magnitudine, at saltem constantiã suã rati, qui in re  
 tam seria faciliores sese, quam par erat exhiberent. Ces-  
 sere tamen & illi voluntati Divina, aliorumq; exem-  
 plo de obstinatione sua decessere, avitã religionẽ suã re-  
 lictã, & fide Catholicã à ducentis ferẽ annis receptã. Sed  
 & alia tuam non minus opibus, quam antiquitate ge-  
 neris illustrem familiam incesit mutatio. Crebris bo-  
 norum stabilitũ in stirpes primũ, demũ in capita di-  
 visionibus; tum & foeminarum, quæ aliquibus fuere u-  
 nigenita in hereditate successionebus; factum, ut preci-  
 puis ex ijs quasi è manibus elapsis; Prochnicum Oppi-  
 dum cum Castello, & non paucis villis tantũ in stirpẽ  
 propriẽ cesserit tuã, & à quo jam tua nunc tuorumq; de-  
 nominatio. At hic quoq; iterum, multas eadem, quas e-  
 numeravi cause, nec minores avi tui paterni in curia,  
 intulere progressu temporis mutationes. Illustri tamen  
 loco etiã ex eo, ut sic dicam, nido, tuos majores fuisse a-  
 pud suos semper, vel ipse Martinus Cromerus annaliũ  
 Polonicorum scriptor accuratissimus, Bernardus demũ  
 Vapovius ejusdem Chronica cum suo fragmento adju-  
 ctus, sanẽ mihi & toti orbi testis luculentissimus. Egre-  
 giam facit uterq; multis in locis mentionem Prochnici

## EPISTOLA

orum, Nicolai videlicet Episcopi Camenecensis prudentissimi, cuius operâ Rex suus in multis legationibus per id temporis usus. Nicolai item Castellani Premiſſenſis, Regni Conſiliarij, & Senatoris magna ob uſum rerum autoritatis, demum & Petri, militis tum clari, ut reliquos taceam, cum mihi digito hæc commonſtraſſe intento ſit ſatis. Et jam ad tuâ ipſius perſonam dirigenda mihi eſſet oratio, deq; tuis laudibus dicendū aliquid. Sed ne, vel ego non ſim enumerandis illis ſufficiens, vel tua modestia nō eas velit reſpuere, ſilentio potius te veneror, & meum cultū unice tibi ſanè debitum ex animo deſero. Non, niſi magno tibi debet eſſe honori, & apud tuos Polonos, quum tu præ cæteris Sereniſſimus, & Prudentiſſimus Rex tuus negocijs hoc loci ſuis deſtinaverit, & apud noſtrates hīc, qui tuam in tractandis illis dexteritatem, ac ſolertem diligentia ſuſpiciunt omnes. Quamvis & multa ſint alia, quæ tui memoriam haud facile hic è memoria evelli patiantur multorū. Amabilis omnibus es, miſericordia in pauperes, benignitate in religioſos, liberalitate in egentes, magnanimitate in pares, hoſpitalitate, candore, humanitate in omnes: adeo optime tui cum virtutibus ac pietate contemperati mores, ut vel primo aſpectu quilibet te judicaverit, & nobiliſimo natum loco, & bonum ſacerdotem. Servet te diu incolamem Dominus, loco etiam in Eccleſia ſua nobiliori, quo major, & tibi exercendarū virtutum ~~marium~~ ſit opportunitas, & in te viciffim ex iſdem redundet honor.

Quantum

**Q**uantum apud omnes gentes, omnibusq; temporibus divinationū artes semp præstiterint, argumento sunt tot libri a præstantissimis undequa; viris, tū antiquis, tum recentioribus, Græcis, Latinis, & Arabibus descripti: Inter quas ars, quæ ex syderū natura, positaq; futurarū præscientiā rerū sortitur, præfulsit; utpote, quæ certioribus demonstrationibus præ omnibus subnixā videretur. Ipse ab ineunte pueritia adeo ferventi desiderio ad eā perdiscendā ferebar, satis enixè, curiosq; ejus secreta pervestigando, ut huic scientiæ me totum emanciparē. At postquam summorū procerū jussu è catholicorum scientiis sublata est, quantò eam prius ardore cōquisieram, tantò postea toto animo exhorruī, & ex mēte eliminavi. Cumq; alio judicio examinarē, quā prius didicerā, tandē cōperi Astrologiā non nisi fictā, & imaginariā esse scientiā, & quicquid veri in ea esset, nō nisi ex sola & mera Physiognomoniam esset, sed ab ejus scriptoribus, ut eam magnificerent, & hominibus gratificarentur, inter sydera cēturiata est, utpote ad cœlestes influxus, & nobiliores causas sublata, cœlestior, & diviniior scientia censeretur. Contra hanc Astrologiam multi non dilutæ, aut vulgaris authoritatis viri incesserunt, suasq; ingenii vires exaceruērūt, sed meo quidē judicio supiniori diligentia & perspicacitate, quippe minimè scopum attigerūt, nam dū cœlorum influxus avellere conantur, nō divinationis causas, sed cœlestiū orbium motus, & syderū progressus ignorantia astruunt, ob id à præstantissimis Mathematicis, & Philo-



*P R O O E M I U M.*

sophis satis evigilatè responsum est. Nos verò Astrologiæ inanitatem alio modo destruere conati sumus: nam quod ipsi nil esse dicant, quòd planetariæ nō subiicerēt potestati, nos elementariis qualitatibus, quibus hominis corpus constituitur, famulari dicimus. Ajunt enim, qui Joviam præfecturam sortiti sunt, sunt albi, cum quadā coloris commendatione, capillitii mediocris, nigris oculis, ac benè magnis, ac venerabilis formæ, moribus decorati, magno animo, magnāq; appetentes, & qui ad magnos actus semper inflentur, nobilis, gloriosus, & in gestis imperiosus, lætus, & similia. Sed quæ ipsi syderibus, quibus unūquemq; nostrū emancipari dicūt, & inde formę, morū, & fortunę benignitatē, nos è qualitatib⁹ evenire dicimus: nam imperat ei qualitas calida, & humida, veluti aëreā & sanguinea, & qui hujusmodi temperaturā sortiuntur, & similē formam & mores consequūtur, ut in nostra humana Physiognomonia satis dilucide disputatū est. Mitto quod si hominū mores, & formas vestigantur, ex quibus formentur, clarissimè eorum coarguitur fallacia: nam ex parentū sanguinis qualitate, quæ seminio præest, concipitur foetus in materna alvo, & post quadraginta dies advenit spiritus, talesq; mores fortietur homo, quales embryonis temperies largitur. Quid igitur genitalis hora cum foetu, si mores octo ferè mensibus prius contracti erant? Et quia id tempus ignotū, nescio quid de analogia & convenientia blaterāt inter seminis casum, & è materna alvo egressum, cum nulla inter hæc tempora intercedat symboleitas. Addidimus

## PROOEMIUM.

mus præterea non inutilem doctrinam, quomodo Astrologi id, quod longis temporum curriculis, variisq; experimentis didicerint, unico intuitu, oculos in cælum sustollendo, syderaq; contemplando addiscere poterant: quippe ex eorū Physiognomonia, colore, motu, quantitate, pulchritudine & deformitate dilucidè cognoscuntur. Jovium, ac Venereum sydus peramoeno, ac jucundo fulgore coruscans, cœlesti claritate adeò præcellit, ut naturæ majestatem quandā præsignet, persimiles effectus spondet, venustos & augustos homines reddit, vitam gloriosam, splendorem, & perennes opes largitur, & ob id salutare sydus dictū. Contra Saturnium, quia fædo, luridoq; pallore livescit, q. oculos lancinans, melancholicos, ejusq; morbi alumnos obnoxios viros reddit. Martium, horrificum sydus & minax, rubentes homines, iracundos, sanguinarios, prælia, lepram, & feros lichenés pollicetur, adversa, infœliciaq; dicta, quæ omnia latius universo opere demonstrabuntur. Nos primo hoc libro planetarum physiognomoniā describem⁹, & quos mores, morbos, magistratus, & fortunas præstent: & quomodo ex eorū aspectibus cognosci possint, & hæc omnia non syderum influxu, sed ex ipsis elementorum qualitatibus manare.

# INDEX CAPITUM SE LIBRORUM DE PHYSIO- gnomoniam Cœlesti.

*L I B. I.*

- Cap. I.** Quid Indoles vel Aspectus dignitas sit. pag. 1  
**II.** Sacrorum Scriptorum sententia de ejusmodi caractere. pag. 3  
**III.** Philosophorum de caractere opiniones. pag. 6  
**IV.** Medicorum de Indole opiniones pag. 8  
**V.** Astrologorum de Indole opinio. pag. 10  
**VI.** Medicorum, Philosophorum & Astrologorum opiniones refelluntur & Authoris ponitur de Indole sententia. pag. 11  
**VII.** Astrologorum opinio de Orientali & Occidentali caractere. pag. 13  
**VIII.** Quod non ex Orientalibus Occidentalibusque Planetis, sed ex purissimis, fœculentisque humoribus, prospera & adversa proveniant. pag. 15  
**IX.** Quatuordecim esse simplices hominum Indoles & de his Astrologorum sententia, pag. 18

*L I B. II.*

- Cap. I.** Quam formam Saturnus largiatur ex Genethliacis. pag. 20  
**II.** Quid rectius hominum formas ex Planetarum aspectibus investigare potuissent. pag. 21  
**III.** Quod hominum formæ ex Temperamentis, non ex stellis eveniant. pag. 23  
**IV.** De moribus quos felici Saturno ascripserunt Astrologi. pag. 24  
**V.** Saturniorum mores aptius ex temperamenti proprietate provenire. pag. 25  
**VI.** De infelici Saturniorum Indole. pag. 27  
**VII.** De Saturninis moribus & eorum naturalibus causis. pag. 29  
**VIII.** De forma, quam felix Jupiter suis tribuit pag. 31

# C A P I T U M.

- IX. Quomodo ex ipsius Jovis in cœlo aspectu, formâve rectius de natis judicare potuissent pag. 32
- X. Formam, quam Jovi dant Astrologi, ipsam ex calido & humido temperamento provenire pag. 33
- XI. De moribus, qui ex Jovia forma proveniunt pag. 34
- XII. Ex calido & humido optimo temperamento optimos mores provenire, non ex Jovis stella. pag. 36
- XIII. De moribus quos dat Jupiter, eosque non à stella, sed ab ipso temperamento provenire. pag. 39
- XIV. De infortunata Jovis Indole, morbis & moribus. pag. 40
- XV. De forma, quam Martis stella natis largitur. pag. 41
- XVI. Martii formam ex ipso syderis aspectu dignosci posse. 42
- XVII. Martis formam ab ipso temperamento provenire. pag. 43
- XVIII. Martis stella quos mores largiatur. pag. 44
- XIX. Ex calido & sicco temperamento Martis mores, non ex sydere provenire. pag. 47
- XX. Morbi, quos Astrologi à Marte provenire dicunt, non à stella, sed ab ipsa flava bile proveniunt. pag. 48
- XXI. Forma, mores & morbi, qui ex infelici Marte proveniunt. pag. 49
- XXII. De Solari forma ab Astrologis descripta. pag. 53
- XXIII. Quomodo rectius ex ipso Solari globo potuissent eadem investigare. pag. 55
- XXIV. Solis formam, ab ipso provenire temperamento probatur. pag. 56
- XXV. Mores quos Sol largitur. pag. 57
- XXVI. Ex calido & sicco temperamento, humidoque ejus mores, non à solari stella provenire. pag. 58
- XXVII.

# I N D E X.

- XXVII. De Solaribus morbis, qui non à stella, sed à temperamento proveniunt. pag. 59
- XXIIX. De infelici Solari forma, moribus & morbis. pag. 59
- XXIX. De Veneris forma ab Astrologis descripta. pag. 60
- XXX. Quod ex ipso syderis aspectu, citius omnia poterant prælagire. pag. 62
- XXXI. Veneris formam ab ipso provenire temperamento non à sydere. pag. 63
- XXXII. Mores, quos Venus largiatur. pag. 64
- XXXIII. Quod ejus mores ex calida & humida temperatura proveniant. pag. 67
- XXXIV. De morbis, quos dat Venus, non ex stella, sed è qualitatibus. 68
- XXXV. De infelici Veneris forma, moribus, & morbis. pag. 68
- XXXVI. De forma, quam Mercurio Astrologi adscribunt. pag. 69
- XXXVII. Quod rectius ex ipso stellæ aspectu Astrologi Mercuriales possent judicare. pag. 70
- XXXIIX. Quod Mercurii forma ex ipso proveniat temperamento. pag. 71
- XXXIX. Mores quos Mercurius largitur pag. 71
- XL. Ejusmodi mores à temperamento, non à sydere provenire. pag. 73
- XLI. De morbis, quos dat Mercurius, & de Phisicis rationibus. pag. 75
- XLII. Infelicis Mercurii forma, mores & morbi. pag. 75
- XLIII. De corporis forma, quam Genethliaci Lunā præbere dicunt. pag. 77
- XLIV. Quod rectius Genethliaci cælum aspicientes de Lunari forma ex ipsius syderis aspectu discernere potuissent. pag. 78
- XLV. Quod humani corporis dispositio non à Luna, sed ab ipso proveniat temperamento. pag. 80
- XLVI.

# C A P I T U M.

- XLVI. De moribus, quos dat Luna. pag. 81  
 XLVII. Quod ejusmodi mores non ex Luna, sed ex humido, frigidoq; temperamento. pag. 82  
 XLIX. Morbi Lunares qui. pag. 83  
 XLIX. Quod hi morbi non à Luna, sed ab humiditate & phlegmate redundant. pag. 84

L I B. I I I.

- Cap. I. De Mixtione Saturni cum aliis Planetis. pag. 86  
 II. Quod ex humorum mixtione ejusmodi mores & formæ proveniant. pag. 93  
 III. De participatione Jovis cum aliis Planetis. pag. 97  
 IV. Quod ex copulatis qualitatibus formæ & mores eveniant, non ex influxibus. pag. 102  
 V. De participatione Martis cum aliis Planetis. pag. 105  
 VI. Quod ex miscella qualitarum calidi & sicci cum reliquis, proveniant formæ & hominum mores, non è syderibus. pag. 108  
 VII. De forma & moribus, quos Astrologi Solem dare dicunt, cum inferiorum Planetarum participatione. pag. 111  
 VIII. Formas & mores, quos Astrologi ex Sole & Planetis donant, non ex eis, sed ex qualitarum participatione provenire. pag. 112  
 IX. De formis & moribus, quos Astrologi dicunt Venerem dare, cum inferiorum Planetarum admixtione. pag. 114  
 X. Formas non ex participatione Veneris cum reliquis Planetis, sed ex qualitarum mixtione provenire. pag. 116  
 XI. Quid Astrologi dicant de Mercurii forma cù Lunæ participatione. pag. 116  
 XII. Quod isti dixerunt de forma Mercurii & Lunæ ex qualitatibus provenire. pag. 117

L I B. I V.

- Cap. I. Astrologi cœlestes Imagines magna, parva, pulcra

# I N D E X

- pulcra & deformia hominum corpora producere dicunt. pag. 118
- II. Qualiter ex sola cœli inspectione, ex signorū & stellarum physiognomonia porcerant Astrologi hominum formas conjectare. pag. 120.
- III. De forma & moribus, quos dat Aries, & eorum physicæ rationes. pag. 123
- IV. De Tauri formæ constitutione, moribus & physicis rationibus. pag. 124.
- V. De Geminorum forma & moribus, & de eorum eventu rationes physicæ. pag. 126
- VI. De Cancris simulacro & moribus, & de eisdem rationibus physicis. pag. 127
- VII. De Leonis forma & moribus, quos dat natis, & rationib. ex natura productis. pag. 129
- VIII. De Virginis corporatura & moribus & rationibus physicis contra Astrologos. pag. 130
- IX. De Libræ corporis constitutione & moribus. pag. 132
- X. Scorpio quas dat formas & mores. pag. 133
- XI. De Sagittarii forma, moribus, & eorum physicis rationibus. pag. 135
- XII. De Capricorni corporatura & moribus. pag. 137
- XIII. De Aquarii corporatura, moribus & naturalibus causis. pag. 138
- XIV. De Piscium imagine & moribus. pag. 139
- XV. De Signis mobilibus, fixis & communibus. pag. 140
- XVI. De variis hominum corporaturis & moribus, qui in quatuor anni quartis nascuntur, & primum de Vernali. pag. 143
- XVII. De hominum figura & moribus, qui in Æstiva anni quarta nascuntur. pag. 144
- XVIII. De hominum forma & moribus qui sub Autumnali quarta nascuntur. pag. 145
- XIX. De Natorum forma & moribus eorum, qui sub Hyemali quarta Zodiaci nascuntur. pag. 146
- XX.

## CAPITUM.

- XX.** De aliis Imaginibus, quæ extra Zodiacum reperiuntur. pag. 147
- XXI.** Physicæ rationes de reliquis Imaginib<sup>9</sup>. pag. 152
- XXII.** Sol per duodecim Zodiaci signa quos mores & formam largiatur. pag. 154
- XXIII.** Luna per Zodiacum signa quos mores & formas largiatur. pag. 159
- XXIV.** Saturnus per Zodiaci signa quam formam & mores largiatur. pag. 162
- XXV.** Jupiter per Zodiaci signa quos mores & formas det. pag. 164
- XXVI.** Mars in Zodiaci signis quos mores & formas largiatur. pag. 164
- XXVII.** De forma & viribus Veneris in signis Zodiaci. pag. 167.
- XXIX.** De forma & moribus Mercurii per aliqua Zodiaci signa. pag. 169

### LIB. V.

- Cap. I.** De Maculis Astrologorum, & Philosophorū sententiz. pag. 172
- II.** Medicorum opiniones de prægnantium maculis. pag. 174
- III.** Cur sinistræ partes, dextris infeliciores. pa. 176
- IV.** Quid significet nævus in fronte. pag. 177
- V.** De nævis in aure & fœmoribus, & quid portentant. pag. 178
- VI.** De nævo in supercilio, & in pectine, & extra supercilia. pag. 179
- VII.** Quid nævi in naso recti & obliqui, & abditis & quid demonstrent. pag. 180
- VIII.** Nævi in labiis quid portentant. pag. 182
- IX.** Maculæ in dentibus quid significant. pag. 182
- X.** De iis, qui in mento & liene nævū habuerint. pag. 183
- XI.** Næv<sup>9</sup> in maxilla inferiori & hypogastrio quid significet. pag. 184
- XII.** Nævus in collo & ventre quid portentat. pag. 185



# INDEX CAPITUM.

- XIII. Nævus in humeris & alis quid portendat. pag. 186
  - XIV. Maculæ in Unguibus quid præjudicent. pag. 186
  - XV. Maculæ in oculis quid. pag. 189
  - XVI. De nævis in manib. pedibus & virga quid portendant. pag. 189
  - XVII. Nævus in lumbis quid portendat. 190
  - XVIII. Nævi in pectore quid notent. pag. 190
  - XIX. Si nævus supra cor apparuerit, quid sperandū pag. 191
  - XX. De iis, qui habēt nævum in ventre, quid præfagiendum. pag. 191
  - XXI. De nævo in genubus. pag. 191
  - XXII. De nævis qui in talis quid. pag. 192
- L I B. VI.*
- Cap. I. Facie pulcherrimi quid portendant. pag. 193
  - II. Facie & corpore deformes quid præstent. pag. 197
  - III. Utrum corpore vitiati, sint moribus vitiati pag. 200
  - IV. Monstruosos corporibus esse & moribus & fortunis monstruosos. 202
  - V. De longioribus & brevioribus viris. 205
  - VI. De corporibus magnis & parvis. 206
  - VII. De Evnuchis, & quid portendant. 209
  - VIII. De cæcis, & quid portendant. 210

*F I N I S.*

JOAN.

# JOAN. BAPTISTÆ

PORTÆ NEAPOLIT.

COELESTIS PHYSIOGNOMONIÆ

LIBER PRIMUS.

QUID INDOLES, VEL ASPECTUS  
*dignitas sit.*

CAPUT PRIMUM.



Icabinus hunc librum hominū indoli, sive characteri, vel aspectus dignitati, vulgus (*ariam*) vocat, quam ē materna secum devehunt alvo, ut angusta, spectataq; majestatis, sic servilis, abjecta, angustaq; ex his enim velut ē fonte quodam celestis nostræ Physiognomoniæ præfagia pendent: unde lectores rogatos velim, ut toto ingenii conatu, quæ scribimus animadvertāt, nam potius mentis acie, obtutuq; compræhenduntur, quàm verbis describi queant. Multi sunt, qui hæc nulla arte didicerunt, sed ab incunabulis secum attulerunt, ut in eventibus præfagiendis ex aspectu hominum mentes in admirationem cōverterint. Ex his unum nostro ævo cognovimus Matthæum Tafurium de Soletto, virum in omni doctrinarum genere extra aleam positum, qui inter alias, adeo in hac arte celebriter eminebat, ut solo aspectu mortes, vitæ discrimina, & eventū temporis, ex-

A

nerit: contra si qui despicabili indole, contemptui nobis sint, victos & infœlicia deprecemur. Huic cōtraria altera est indoles servilis, tetrica, lugubris, & nescio quid, secum noxii, miserabilis, & horrifici afferens, ut qui in eos cōverterint oculos, aliorum vertant, aspectum horreant, tanquā aliquod malum, & infaustum aspexerint, unde odio habeant, mala, infœlicitatem & mortem imprecantur. Hi omnes miseriarum, & infœlicitatum pleni, nil eorum, quæ concupierint, adipiscentes, sed ærumnarum & paupertatum hæredes. Hac arte quamplurimos nostros familiares juvimus, ut pericula diverterent & ad dignitates ascenderent. Paulo ante quàm hæc scriberem, amicum admonui, ut infœlicis cujusdam, & tetrici hominis societatem vitaret, renuit ipse, cum se ab eo ditari promissum esset, accidit, ut cum in spelunca à Gubernatore pecuniam adulterare reperti essent, paulò postambo è cruce laqueo pependerint.

*SACRORUM SCRIPTORUM SENTENTIA DE EJUSMODI CHARACTERE.*

CAPUT II.

**O** Peræpretium nobis videtur, antequam nostram sententiam de ejusmodi charactere præferamus, ita cognitu, relatuq; difficili, antiquorum opiniones vestigemus, quid de eo senserint, & initium à sacris scriptoribus, & vetustioribus, ut decet, auspicemur. Inquiunt. n. hanc formam esse munus cœlitus datum, non cœlitus, quasi ab ipsis planetis, fixis

stellis, aut eorum aspectibus, sed ab ipso creatore Deo, qui hoc charactere quosdam præsignat, & decorat. Est enim hic character pulchritudo, splendor, majestas, paradisi, angelorum, ac denique ipsius Dei simulacrum, in quo pulchritudinis, splendoris, & majestatis summa est. Boetius Romanæ eloquentiæ lumen, de eo sic cecinit.

*Pulchrum, pulcherrimus ipse  
Mundum mente gerens.*

Et ob id retinet, moraturque aspicientium oculos: quia pulchritudo est visivæ objectum conveniens potentiæ, & oculi pulchritudine delectantur. Sic contra aliò convertuntur, & rem visam in horrent, ubi Naturæ defectum, & malè concinnatam proportionem aspiciunt. Et turpitudine est inferni, vel potius ipsorum Dæmonum imago, in quibus omnium turpitudinum, & miseriarum summa est. Nam & Porphyrius Dæmones, quorum animi iniqui sunt, corpora item deformia habere dicit. Fuitque veterum Philosophorum vulgatum elogiū, quod Deus animam in corpus missurus, tanquam in suum hospitium, primo & dignum præparat, & animæ, quam ornandam virtutibus providet, speciosissimum corpus sæpius concinnat, quasi exuta humanitate penitus ad divinam gloriam anhelet, veluti à Deo data. Legimus in epistola Lentuli ad populū Rom. de Christo Salvatore nostro, serenam frontem habuisse, divina quadam majestate plenam, vultum venerabilem, quē intuentes possent & diligere, & formidare. Et tradit Nicephorus in historia Ecclesiastica, quod Abarus

gabarus eximiū pictorem ad Jesum miserit, ut accuratè ejus faciem delinearet, quam cum pingere multum ille conaretur, voto frustratus est, divinitus quippe splendor, & gratia in ejus vultu commorans erat impedimento. Idem de sanctissima Maria virgine ejus matre scribit: nam eam in suo oratorio Dionysius Areopagita gratia videndi nactus, contuens oculorum suorum splendorem, & sui vultus majestatem, dixit. Si ignorarē Deum esse purum spiritum, non alium, quàm hanc Virginem Deum esse prædicarem, & nisi fide roborarer, non putarem Deum esse formosiorē. Tantamq; insuper puritatem, & castitatem suo vultu, & oculis demonstrabat, ut quicunq; eam aspexerint, carnis desideria illico in illis retunderet. Et Josephus libro De antiquitatibus, scripsit, quod Deus tanto favore Mosem persecutus est, quod puer visus à Thermute Pharaonis filia, non minus pulchritudine, quàm divina forma excellentem, ut scirpeo lectulo è fluente rapto, eum exceperit, & per adoptionem suum filium fecerit. Davidem multa per Deum facturum decorasse, legitur primo Regum, decora facie, & omnibus virtutum ornamentis. Ecce vidi filium Isai Bethlehemitē, bellicosum, prudentem verbis, aspectu pulchrum, decoraq; facie. Et Joseph ea corporis pulchritudine, & decoro aspectu fuit, ut mulier ad insaniam eum videns pervenerit. Ipse etiam Deus Divo Bernardo Abbati peculiari gratia corpus aptaverat, ut in ejus carne spiritualis quædam majestas videretur, & in ejus vultu claritas quædā

nō utiq; terrena sed cœlestis præfulgebat, in oculis quædam angelica puritas, & columbina simplicitas radiabat, tantaque erat interioris hominis pulchritudo, ut quibusdam inditiis foras erumperet, & de cumulo in terræ puritatis, & gratiæ copiosè perfusus homo quoque exterior videretur: Et ne longius evagemur, poterit quisque ex sacris libris quamplurima de sanctis viris testimonia conspiciari.

## *PHILOSOPHORUM DE CHARA-*

*ctere opiniones.*

### *CAPUT III.*

**N**unc videamus, ecquid Philosophi, Medicique de ejusmodi referant indole. Inquiunt enim; formam hanc nobilitare, & decore plenam à purissimo, & subtilissimo nobilium sanguine provenire: scilicet Regum, Procerumque; adeò, ut, si aliquem insigni hoc caractere indicare vel-  
lent insignitum, regia forma præditum dicant. Themistius Euphrada in oratione de clementia Theodosii Imperatoris inquit: Nascitur Rex inter homines, sed tam raro, & post longa annorum intervalla tūc, scilicet, cum animi pulchritudo cū corporis excellētia conjūgitur, & cōmiscetur, atq; is certè magn⁹ est Rex, cuj⁹ est forma & species integra, omniq; ex parte absoluta, & perfectā. Priam⁹ apud Homerum Agamemnonis formam & majestatem contemplans, & si quis esset, ignorāret, similem regi confiteretur. Hector, ut à Darete memoratur, regis filius dicitur vultu fuisse venerabili, &

li, & animo magnus, civibus clemens, & dignus. Sed argumenta, quæ ad hoc confirmandum afferunt, sunt. Quod Principes & Reges è materna aluo educti, in cunis, & militum brachiis jacentes, nobilissima sanguinis insignia præferunt, ut si qui fuerint, ignorarentur, vultus decor, & præstantissimi splendoris imago, se è magnatibus natos confitebuntur. Argumenta ex historiis petunt. Demetrius, referente Plutarcho in ejus vita, forma fuit oris adeo egregia, adeoque præstanti, ut pictorum, aut sculptorum nemo similem unquã potuerit effingere: nam gratiam simul & terrorẽ, tum gravitatem & mansuetudinem quandam præferre videretur. Aspectus admirabilis splendor, regia quadam majestate conjunctus, ut ad stuporem simul & gratiam hominum concitandam natus esse videretur. Scribit Josephus libro De bello Judaico; Judæus quidam formæ similitudine se Alexandrum esse mentiebatur, sic multos fefellit, multisque muneribus à Judæis donatus, tantaque erat aspectus similitudo, ut, qui eum puerum viderant, illum esse jurarent. Sed Cæsar, qui eum prius viderat, & si is plane sine dubio videretur, ex corporis durezza, & servili forma commentum deprehendit. Romulus & Remus in Tyberim projecti, à lupa, & demum à pastoribus educati, ubi ad viriles annos pervenerunt, non subulcis, bubulcisve similes erant, cum quibus educati erant, sed (ut par erat) formæ dignitate, & animi magnitudine viros Regum, & nūminum satū æditos referebant. Æneam formæ dignitate,

& pulchritudine commendat Virgilius.

*Ipse ante alios pulcherrimos omnes*

*Infert se sociis Aeneas.*

Alexander Magnus suam imaginem ab aliis cōtaminari noluit, sed universo orbi edixit, ne quis suam effigiem temerè effigiaret ære, colore, aut celamine, quippe tantum Polycletus ære, duceret, solus Apelles coloribus delinearet, solus Pyrgoteles celamine excluderet, ut in toreymatis, itatuis & tabulis idem vigor animi bellatoris, & imensa sui excelsi animi indoles, idem ingenium maximi honoris, eadem gloria relicinæ frontis videretur. Idem evenisse memini in Aloysij Estensis Cardinalis vultu, oberrabat enim circa ejus vultum regalis indoles, & majestatis plena, fortasse à Regio sanguine Ludovici undecimi avi sui Gallorum Regis.

## MEDICORUM DE INDOLE

*opiniones.*

### CAPUT IV.

**A**T Medici penitus rem inspicientes, in adversum clamitant, inquietantes. Si ex natalibus, & cunis hanc indolem Magnates præse ferunt, non ex hoc causas exponunt, debent enim causam vestigare, unde id eveniat. Sed Medici causam explicantes, dicunt id ex cibis, quibus vescuntur evenire, quippe delicati, & facile coctioni parentes, optime digeruntur, sanguinemque gignunt clarum, purum, & subtilissimum, qui per venas dilatabens,



dilabens, mollem carnem, delicatulam & coloratam creant. Præterea otio indulgentes, ac dormi viventes, ægerrimèq; labores subeuntes, spectatæ pulchritudinis facies, ac roseo decore renitentes habent. Contra verò subulci, rustici, & pastores, continuò porris, cæpis, alliis, & radiculis vescentes, aliisq; crassioribus eduliis, quæ duræ coctionis, crassæq; compactionis, humores crassos, ac fæculentum gignunt sanguinem. His additur, quod sunt montium accolæ, sub dio degentes asperis in cæli regionibus, & temporibus, frigoris & caloris contrarias tempestates tolerantes, sic etiam vigiliis & summos labores, tetrici, severiq; vultus, & horridi evadunt, dura, sicca, & ferina cute obducuntur, hispidaq;, sicut agresti foris indole, sic intus rudibus morib<sup>9</sup> contaminantur. His causis superadditur, quod qui tenui, & delicato victu utuntur, ac otio indulgent, temperie calida, humidaq; mediocri constant, & hoc temperamentum est illud, quod spectatæ pulchritudinis formas creat, in quibus hæc indoles nidulatur: contra qui agresti cibo, vigiliis & laboribus studiosius se dedunt, sicca sunt cute, deformes, & horrido fiunt oris ductu. Calidum enim & siccum, innata reluctante duritia, ac naturæ inobediens, obstat. Natura enim omnia numero, proportionem, & ordine absolvit, & si ipsa ad absolutam formam & dignitatis specimen anhelet, à duritie prohibetur. Contra humor, & calor à duritia alieni, Naturæ suæ molliciei obediens; egregiam formam, & augusta indole renidentem largiuntur, ut ipsa

suum opus absolvat. Unde liquidò deprehendi potest, nullam ferè, aut raram in calido, & sicco decoram, & conspicuam faciem posse conspici. Arridet ad hanc doctrinam insigne Aristotelis problema. Cur efferis moribus sint, qui nimio vel æstu, vel frigore colunt? optima enim temperies non modo corpori, sed intelligentiæ homini prodest, excessus autem omnes divertunt, ut corporis & mentis temperamentum pervertant.

## ASTROLOGORUM DE INDOLE *opinio.*

### CAPUT V.

**S**ed formam, vel indolem à cœlo fixis scilicet, vagisque stellis manare, inter Genethliacorū placita sancitum est, ac eorum facies majori decorare, & majestate coruscare, quorum in ortu per eorum cursus, recursusque beneficarum stellarum fuerit interventus: imò ab omnium principe Ptolomæo testatum est; Munus esse Jovis venerabilem formam largiri, ac majestate plenam. Eandemq; sortiri potestatem Venerem, nisi quòd fœminæ molliciei, & pulchritudini accommodatior esset. Julius verò Maternus à Sole, quòd luminum prærogativa cæteris præcedat, quasi luminis fonte, formam splendore plenam donari. Hali verò splendidiorē, & quòd sint Planctæ, qui corpora distorta, vilia, & miserrima forment. Et Augustum Cæsarem scribunt, non quòd Accia noctu Apollinis templum ingressam, ac somno sopitam

sopitam draco compresserit, ac decimo mense natum peperisse, & Apollinis filium vocatum, sed quia in ejus natalicio Solis astrum maximè præstiterit. Unde oculos habuit claros, & nitidos, quibus existimari volebat inesse aliquid divini splendoris: gaudebatq; si quis acrius contuenti, quasi ad Solis fulgorem vultum submitteret, ut scripsit Suetonius, Et Alexandrum Macedonem, quod Sole Leonem ingrediente, & Saturno Taurum cõceptus esset, capillorum crispitudinem, citrinum colorem, & oculos claros retinuisse, & ut Sol præ cæteris clarus in Leone, sic universo dominatus est. Ex tauro frontem, & ferociam, torvum aspectum, & multam iram, & robur habuisse. Itemque ex horum benignitate prospera, & salutaria præfagiri dicunt, veluti ad sublimia magisteria, ad magnos honoris gradus, divitias, famam, & ingentem gloriam evehi. Contra autem deformis, mæsta & infœlix indoles ex maleficis stellis evenit, veluti Saturno, & Marte, & ex eisdem adversa, & terribilia minantur, & qui tales sortiti fuerint ortus, ad miserabilem sortem perveturos.

*MEDICORUM, PHILOSOPHORUM, & Astrologorum opiniones refelluntur, & Auctoris ponitur de indole.*

# CAPUT VI.

**S**ed quòd Philosophi & Medici dicunt ex nobilissimo Magnatum sanguine ejusmodi inolem provenire, clarissimè redarguitur. Nam plerosq;



plerosq; legimus ex infima hominum plebe, veluti rusticorum, & pastorum, & tandem indolem hanc, decore, & dignitate plenam secum è materna alvo detulisse, ac denique ad summos apices, ac rerum fastigia decurrisse.

Tamerlanus ex humili loco natus, humillimis parentibus, regiam tamen indolem præseferbat, adeo fuit ingentibus præliis, & victoriis fortunatus, ut maximus Scytharum Imperator evaserit. Carmagnola agrestis viri filius, & subulcus adhuc puer, in eo vivacis ingenii & bellici Ducis indoles præfulgebat, qua à prætereunte milite animadversa, pro armigero puero secum adduxit, per varias victorias ad claros militiæ gradus evectus est, & ejusmodi exemplis jam historiæ plenæ sunt. Sed quam Astrologi dicunt ex stellis evenire formam, nos ab ipso temperamēto, ac characterem illum, regiamq; indolem non aliò evenire, quàm ex elementorum temperata qualitate, & optima earum proportionem, & potissimū in sanguinis temperamento, quasi naturæ aspirantis donum, ut quibus eam dederit, cumulatè bona multa contulerit. Plotinus id videtur sensisse. Esse naturaliter intus bona, quæcunq; sic extrinsecus verè pulchra, quippe quod ex interioris formæ perfectione, atq; seminariæ rationis victoria super miseriam proveniat externa formositas. Contra servilis, abjecta, & miserabilis in phlegmatica, & melancholica sæpissimè visitur. Dixi indolem illam imperio dignam, qua quicunq; caruerit, neq; regendis populis, neque ducendis exercitibus valet.

Est

Est enim illa maximum animorum conciliabulū, ut facile à civibus, & advenis obediatur, suoque pareant imperio. Contra illa, servilis indoles operatur, ut dedignetur homo, animal superbum, deformi, ac servilis vultus homini servire & uti à natura malè formato, ita à subditis spreto. Alexander Magnus faciem majestatis plenam & divinitatis à cælo sortitus, in Indiæ urbem è muro se dejecit, solus in medio inimicorum persistit, Barbari territi à bellatoris vultus majestate, non propius pedem ferre audebant, sed circumfusum telis eminus perebant. Sed quod ejus formæ decus ex optimo provenerit temperamento, inditio erant eius membra & os, ita suavissimum odorem exhalasse, ut interiores tunicæ mirabili fragrantia complerentur. Theophrastus plantarum libro optimum odorem ex temperata siccitate provenire sentiebat. Non igitur faciei decus ex cælo, sed ex ipso provenit temperamento.

*ASTROLOGORUM OPINIO, DE  
Orientali, & Occidentali caractere.*

CAPUT VII.

**S**ed ut ad Astrologorum commenta redeamus, inquiunt: Regias Stellæ cælo fixas, regium majestatis fulgorem præstare, & singulares planetas & simul commixtos, signa Zodiaci, imagines & fortunata genituræ loca regium charactere largiri posse. Sed Orientales planetas, & sidera dubia, & fortunas dicere, contra autem Occider-

cidentales infortunatas, & insalubres, ac Orientales formam dare claram, coruscantem, scintillantem, coloratiorem, majorem, & tandem pulchriorem, & ex inde fortunatos, & virtuosos dici. Contra Occidentales, obscuram, excoloratam, fuscantem, minorem, & tandem turpiorem, & exinde infortunatos & insignis gloriæ expertes, & non virtutes, sed vitia virtutibus proximiora sortiri. Ut si solaris indoles Orientalis liberalem hominem faciebat, eadem Occidentalis faciat prodigum, vitium liberalitati proximum. Orientalis & fortunatus Saturnus parum facit natum, Occidentalis, infortunatusque avarissimum & sordidum. Idem quoque dispositor Orientalis hominem mellini coloris reddit, id est aurei, clari, mediocris crassitie, & aptæ corporis constitutionis, at Occidentalis obscurioris, vel nigri coloris, corporis macilentioris, ac denique turpioris, idque longa observatione, multorumque curriculum annorum observasse, & posteritati mandasse tradiderunt. Est enim Oriens dextera, ideo signa in dextra corporis parte feliciora, in sinistra prodigiosa: ut latius in sequentibus. Quod & si oculos in cælum sustulissent, ex planetarum ipsorum aspectibus cognoscere potuissent citius, rectiusque quod longa, & diuturna observatione didicerunt: nam si quis diluculo ante Solis jubar exortum, ascendentes supra horizontem planetas contemplantur, eos ipsos longè majores, coloratiore, luminis maiestate præcellentes, splendorem undique jaculantes, veluti scintillantes, & tan-

& tandem omninò pulchriores: quorum rationes in nostra perspectiva adduximus. In crepusculo enim aër, ex præcedentis noctis humiditate vaporibus plenus, & adhuc roscidus, aspicientiû acies deducit, ut qui per interpositos vapores inspiciantur, unde majores, fulgidioresque comprehenduntur. Contra autem cum occidunt, quia omnes vapores amoti, ac diurni caloris vi, in tenues auras deducti planetæ sine ulla splendoris prærogativa, omni prorsus ornamento carentes convulsuntur. Unde ex eorum fulgore, ex quo videntur luminum majestate præcellere, prospera, & salutaria spondere videantur. Sic Occidentales ex eorum excoloratis aspectibus, languidisq; adversa, mæsta, & terribilia præfagire.

**QUOD NON EX ORIENTALIBUS,**  
*Occidentalibusq; planetis, sed ex purissimis, faculentisq; humoribus prospera, & adversa proveniant.*

CAPUT VIII.

**S**Ed, ut veritatis ratio liquere possit, commentum aperiamus. Res enim se aliter habet, quàm isti putant, & id non à syderibus, sedè naturæ humoribus, & purioribus, sæculentioribus eveniunt. Sunt enim in aliquibus viris humores adeò tenues, lucidi, defæcati, delicati, & clari, ut faciè candidam reddât, roseo colore coruscâ, vividâ, venustamq; ut maxima jucunditate aspicientiû oculos alliciât, & in sui contemplatione remoretur & hi

& hi sunt, qui honoribus elati, magistratus, principum familiaritates, & imperium voluntatum consequantur, cum quibus familiaritates inierint. Ex optimis enim humorum qualitatibus, optimi plerumque proveniunt mores, ut ab omnibus amentur, desiderenturque. Sunt enim honesti, fideles, benevoli, amici, obsequentes, prudentes, animi regalis, periculorum contemptores, secreti, & tandem quicquid ex heroicis moribus potest provenire: ob id Principibus & Regibus chari, à quibus quæcunque poscunt, obtinent, honores, magistratus, & his instrumentis omnes infortunas evadunt. Sed cur id eveniat, ratio in promptu est. Prudentia, & animi virtute pericula evitant: magnanimitate & liberalitate subditorum animos devinciunt, honestate, fide, & obsequio à proceribus amore prosequuntur, sedulitate acquirunt divitias, parcitate conservant, nullis obnoxii, ob id iis nullæ parantur insidiæ. Unde mores potius à temperamento, quam à stellis eveniunt. Contra autem sunt homines adeò fæculentis, impuris, atris, turbulentis, noxiis, putridis, & atrabile combustis humoribus, ut eorum aspectus reddant obsoleti coloris, squalidos, tectos, horribiles, deformatos, lugentes, mærentes & melancholicos, ut tacita, & noxia quadam tristitia horribilitateque aspicientium oculos sauciet, & conturbet, ut aliorsum vertant. Hisque humoribus subsequuntur ferini barbari, sylvestres, stolidi, & macilenti mores, fraudulentis, ut eorum pessimis moribus odio habeantur & infidientur,



fidientur, in bonis damna patiantur, infortunati, infœlices & miserabiles, continuo infirmitates perpetiantur insanabiles & perniciosas, quia corruptis & noxiis humoribus scatent. Unde non à stellis, sed à pessimis humoribus evenire nullo dubio opinantur. Socrates Alcibiadem Phædrum, & post Phædrum Carmidem adamavit, quos comæ decor, carnum lævitas, & formæ venustas exornabat. Theætetus non amavit, quod simo naso, & turpis esset. Cherephontem etiam sprexit, quod pallidus, & fuscus esset. Ut ex Maximo Tyrio habetur. alii autem, quia servili & abjecta indole dehonestabantur, nil ferè boni ex eis sperabat, illos autem sanguinis nitore, carnum splendore purissimis humoribus constare coniiciebat, & ob id optimè moratos, ut cum illis conversans, optimo eorum genio frueretur. Theætetus & Cherephon, quia diro pallore squalidi, veluti faculentis humoribus, & intemperata temperie cōstantes, eos non nisi dolosos, invidos, veneficos, homicidas futuros judicabat, & ex eorum familiaritate non nisi exilia, peregrinationes, paupertates, & diros sortiri exitus, & id optimo consilio factum putatur. Nec opinionem suam frustravit eventus: nam Alcibiades ad summum Reipublicæ gradum pervenit, & suæ patriæ tyrannus evasit. Si Cæsaris indolem cognovisset Cicero, ei potius, quàm suis inimicis hæsisset, nec capite & manu pœnas dedisset. Habebam amicum, cui mœsta, lugubris, & mœrens facies erat, in risu eam ita contorquebat, & oculos deformabat, ut potius

lugere, quàm ridere videretur: communibus amicis prædixi, fore eum infœlicem: cumq; exagnatorum morte hæreditatibus cumulatus dives evasisset, iridentes familiares meum vaticinium, mihi convitiabantur, quòd homini contraria prædixissem, respondi, suæ fortunæ incapacem futurum, nam aut bona amissurum, aut brevi interiturum, quod paucis post diebus evenit, vix enim elapso mense interiit, quòd si talem fortunam nactus non esset, fortasse diutius supervixisset.

**QUATUORDECIM ESSE SIMPLI-**  
*ces hominum indoles, & Astrologorum sententiae.*

**CAPUT VIII.**

**S**Ed ut videre videtur penitus Astrologorū placita perspicienti, non solum Jovem vidimus venerabilem formam largiri, sed unumquemque planetarum duplicem largiri, fortunatam unam, infortunatam alteram. Fortunatam scilicet Orientalis, diurnus, lumine auctus, & tandem bene dispositus; infortunatā Occidentalis, nocturnus, lumine diminutus, retrogradus, dejectus, maleq; locatus, unde fœlicem planetam fœlicem dare & conspiciendam, sic infœlicem horribilem, spernibilemque, unde cum septem erroneas ab eis numerentur, quatuordecim dari characteres pronunciamus. Ut Juppiter bene dispositus, imperio dignam faciem condonare, majestate plenam, & conspicuam, sic malè locatus, dejectam, & sine decore, sic mores, eventa, magisteria, & morbos.

Satur-

Saturnus *foelix* fuscâ, sed conspicuam indolem, infortunatus, nigram, & squalidâ, mœrentē, & miserabilē: *foelix* contemplationē, religionē, doctrinâ, & providentiâ, infœlix melancholiâ, insaniâ, avaritiâ, & perversam sententiâ de cæteris scientiis. Mars *foelix* præclaram Ducis, & Imperatoris dat indolem, sed dejectus, temerarium, præcipitosum, iracundum, ac violenta morte moriturum facit. Idem de reliquis sentiendum. Nos autē hæc non planetis, sed qualitatibus ascribimus, & Saturnium dicimus frigidum & siccum intensè, cum remissiùs agitur, Mercurialem, & quem illi Martium, nos intensè calidum & siccum, sed calidum siccumque remissè Solarem: Eodemque modo Jovium calidum, & humidum intensè, remissè verò Venerium, & ob id magis ad fœmineam mollitiem accedentem: nam pulchritudinem diximus in humido potius, quàm in sicco reperiri. Nos totidem indoles confirmamus ex calidi, sicci, humidi, & frigidi combinationibus, & aliquando intentiùs, aliquando remissiùs agi, & quam ipsi fortunam dicunt, nos puris humoribus, infortunam illi, nos fœculentis & impuris damus.

JOAN. BAPTISTÆ  
PORTÆ NEAPOLIT.  
COELESTIS PHISIOGNOMONIAE  
LIBER SECUNDUS.

PROOEMIUM.



*Nunc formas conscribemus, quas Astrologi dicunt à planetis simplicibus, & mixtis evenire fortunatas, & infelices, postea de reliquis. Veteres Philosophi has secundas stellas vocabant, nostris corporibus à superioribus impressas: quorum opiniones passim coarguemus, ac nostras semper assignabimus. Conabimur in sequentibus, fixarum stellarum tradere, & quæ in Zodaico, & quæ extra fuerint, ac signorum, & planetarum mixturas.*

QUAM FORMAM SATURNUS  
largiatur, ex Genethliacis.

CAPUT PRIMUM.

**U**T à Saturno incipiamus, Ptolomæus de ejus formâ loquitur hoc modo. Quando Saturnus solus fuerit dispositor Orientalis, hominem facit mellei coloris, mediocris crassitie, pulchrorum, & nigrorum capillorum, & in pectore spissorum, mediocrium oculorum, & aptæ corporis magnitudinis. Sed postquàm à Ptolomæo facile Astrologorum principe initium duximus, pergamus & breviter cæterorum scita percurrere. Julius

lius Maternus. Hominem facit extenuati corporis, pallidi, languidique coloris. Messahala hominem formare dicit coloris inter nigrum & croceum, qui ambulando terram aspiciat, tardus & ponderosus, parvis oculis, & curvis pedibus præditus, nervosa, & sicca cute obductus, raram in maxillis barbam habens, & labia crassa, & depressis naribus. Leupoldus. Huc afferre licet Cassandræ formam, quæ ex Darete Phrygio candida fuit, & rufa, ore rotundo, mediocri statura, oculis micantibus, futurorum præscia.

*Non membris egressa modum, non caca futuri*

*Fulta genæ tereti, suspecto crine cruorem*

*Mentitur, flagratq; acie Cassandra micanti.*

Saturnus si fuerit Orientalis, & solus dispositor, natus erit coloris mellei, & mediocriter crassus, pili in capite nigri erunt, & crispi, in pectore spissi, oculi mediocres, corpus temperatè magnum.

**QUOD RECTIUS HOMINUM FORMAS ex planetarum aspectibus investigare potuissent.**

**S**ed id aptius investigare potuissent, oculos in cælum utiq; surrigendo, nam planetas ipsos cōtemplando, voci compotes redderentur. Maximus ille rerum conditor rerum conditarum formas, veluti oculata pictura, occultas vires, & proprietates effigiavit, ut unaquæque suas vires, & proprietates aptissimè indigicaret, solus, idemq; conditor in omnibus ferè suis operibus eundem

ordinem servavit. Sed quia de his latius in nostris Physiognomonicis tractavimus, illuc lectorem remittimus. Contuendo igitur, cunctatiusque contemplando planetarum, aliarumque stellarum aspectus, figuras, magnitudines, colores, motus, aliaque accidentia, poterit verius, & convenientius hominum figuras, magnitudines, colores, motus, & alia conjectari. Si igitur in Saturni sydus aciem dirigent, illud luridi palloris, vel cujusdam fuscædinis coloratum videbunt, quasi terrestrem proprietatem indicantis, vel plumbei coloris, languidi, vel potius obtusioris luminis inter erroneas, veluti atræ bili valdè congruentis: unde homines colore fuscos & pallidos procreat, nigrorum pilorum, veluti atræ bili obnoxios. Ecce fuscædo in stella demonstrat eos nigris indumentis, & nigris cubiculorum ornamentis delectari. Sic pilorum, oculorum, & cutis color, stellæ colorem imitatur: dejectiones alvi subatræ, somnia terribilia, obscura, cadavera, sepulchra, tenebras, cruciatus dæmonum, & res nigras. Ejus magnitudo mediocris, vel à planetis minor, præter Mercurium, ob id parvæ magnitudinis natos procreat, & parvorum oculorum. In tantæ suæ sphaeræ vastitate tardissimus, triginta enim annis suum motum absolvit, ob id incessu tardos, & cunctabundos producit, nec leniter sursum ascendentes, pulsum dat tardum, sudorem acidum, & gravem. Ejus magisteria sunt tardarum, graviumque rerum, ob id non nare, non saltare, non currere discunt, nec ubi levitas, & corporis agilitas requiritur, sed res tardas & stabiles, uti ædificia construere, agros

plantare, & his similia. Et quia motus velocitas ionum sequitur, tarditas silentium, erunt homines paucorum verborum, patientes in operibus, & laboribus. Sphæra ejus proxima primo motui rapidissimo, qui ab Oriente in Occidentem rapitur, ipsa in adversum nititur, & contrariatur, quippe ex Occidente in Orientem voluitur, ideo amatores rixarum, discordiarumq; rebellionum, & contrarietatum, & cum magis propinquus sit contrarietati; præ cæteris planetis magis id significabit, & quanto magis quis ab eo remotus fuerit, eo magis quietus & pacificus. Et tandem quod ejus aspectus teter, & fædus sit, ideo infortuna dictus, & nobis adversus.

*QUOD HOMINUM FORMAE EX  
temperamentis, non ex stellis eveniant.*

CAPUT III.

**N**Os eorum placita recensuimus, non quod ea probemus, sed tanquam aniles fabellas reiiciamus: nam ipsi eorum fallaciam cohonestantes, & res magnificas & prodigiosas tanquam è cœlo & syderibus provenire confirmantes, tanquam numina hominum mentibus infigunt, quæ è Naturæ fontibus eveniunt. Diximus Saturnios melancholicos, frigidos, & siccos dici, & si Medicorum placita recensemus, Galenus frigidis & siccis & melancholicis corp<sup>o</sup> durū & fragile tribuit: capillos aspectos, humidū, vel lividū colorē, melancholicis nigros & hirsutos capillos, hirsuta & cōjuncta supercilia, crassa labia, & compressas nares

Alij tribuunt eis dentes male ordinatos, & pectus  
 aurgustum: unde hæc non ex stellis, sed ex ipsa pro-  
 veniunt temperie, ut dogmata Medicorū sanciūt.

*DE MORIBUS, QUOS FOELICI*

*Saturno ascripserunt Astrologi.*

CAPUT IV.

**A**sscribens Saturniis suos mores Ptolomæus,  
 ait. Saturnus Orientalis frigidam & siccam  
 largitur complexionem. Maternus frigida na-  
 turæ dicit. At si genituræ dominus opportunè  
 locatus sit, & ei dominium crescens Luna decre-  
 verit, facit homines inflatos spiritu, sublato ho-  
 noribus, bonos, bonique consilii, & quorum fides  
 bono semper consilio comprobetur, & qui nego-  
 tia omnia recti iudicii rationibus compleat, ab u-  
 xoribus & filiis alienos, sed sibi solum vacantes,  
 circa aquas, vel in aquosis locis habentes vitæ sub-  
 sidia, modicum sumentes cibum, & portione nul-  
 la gaudentes. Vita eorum erit laboriosa, sollici-  
 ta, & assiduus animi doloribus implicata. Et ali-  
 bi. Iste, qui nascitur, erit prior omnibus fratri-  
 bus, aut, si quis ante eum natus fuerit, à parentibus  
 separabitur. Stabilis amicitia, longa providen-  
 tia, regale consilium, longas in homine cogitatio-  
 nes secretarum rerum, altum intellectum, ac pro-  
 fundam rerum scientiam. Hali dicit. Si Orien-  
 talis fuerit, vincet in ejus complexione frigiditas,  
 & humiditas. Abdila. Saturnus, si erit optimè  
 constitutus, largitur scientiæ profunditatem & cō-  
 silium adeò perfectum, ut meliorari non possit.

Eorum



Eorum magisteria erunt laboriosa, & aquosa, ut pontes, piscinæ, & emissaria. Alchabitus. Quæ amare cœperint, perfecta, & vera dilectione amabunt; & quem odisse cœperint, quod sæpius contingit, maximè, & diu odio habebunt. Hali. Si Saturnus fuerit dominus significationis spiritus, per se, & separatim, & in bono cœli statu, sicut in angulis: producit morigeratum natum, boni cōsili, profundi intellectus, ut, qui à se ipso suis in rebus consilium inierit, divitem, Regibus charum, & claris hominibus, thesaurorum dominus, compositus, non ridens, non tristis, nec invidus. Mesahala. Callidus, ingeniosus, occisor clandestinus.

### *SATURNIORUM MORES APTIUS*

*ex temperamenti proprietate provenire.*

#### CAPUT V.

**A**T si nobis libeat Medicorum dogmata consulere, demonstrationibus sancitum videbimus, hujusmodi qualitates ex temperamentis potius provenire: nam qui sicca, frigidaque constant temperie, vel melancholico humore, mœrentes semp sunt, imbecilles, & timidi. Melancholiæ comes semp timor. Hippocrates Melancholicorum symptomata in duo collegit, metû & mœstitiam, mœstitia psecuntur omnes quotquot viderint, & timidi, q̃a, sicut externæ tenebræ omnib⁹ pavorē inducūt, sic atræ bilis color, mentis sedē invadens, tenebris opplet, ac timore afficit. Ex melancholico

B 5

sanguine fumi, & vapores cerebrum petunt, spiritumque animale ibi remissum obturbant, ideo varias imaginationes, apprehensiones, cogitationes, studia, & phantasmata ciunt. Unde ex atrabile, velut ex quodam seminario pullulant simulachrorum, & cogitationum germina. Nigris indumentis vestiuntur, non, ut Messahala dicit, propter religionem (quia tunc temporis sacerdotes nigris vestibus induebantur,) sed quia atro humore referti, non nisi atra, & obscura videre semper concupiscunt, & læta & splendida odio habent, ideo obscura, & subterranea loca prosequuntur, & libenter in eis versantur. Sunt prudentes, optimique consilii: nam atra bilis naturalis iudicium confovet, prudentiamque largitur, unde, qui ingenio, sapientia, & consilio claruerunt, melancholicos fuisse tradit Aristoteles Problematum libro. Et quia minimè iracundi, & voluptatibus se abstinentes, etiam prudentes habiti sunt. Et quia deliberando tardi, & segnes in omnibus actibus, optimi consilii existimantur, quia frigidi & sicci, inepti sunt circa Veneris commercia, ob id morosi, cœlibes; alicui ab amoribus filiorum, & sine filiis. Erunt divites, quia parci & avari; avaritia enim in senibus ex siccitate provenit, & majores nostri Saturnum impium; avarum, osorem uxoris & filiorum finxerunt, ut ex Diodoro Siculo habetur. Sunt laboriosi, quia non gaudent voluptatibus, sunt constantes & patientis animi, quia tardi motus corporis & animi. Sunt agricolæ & ædificantes, quia his artibus, quibus se

bus se exercent, labor & tarditas requiritur. Aquosa, & paludosa diligunt, & satis bibunt, quia sicci.

*De infœlici Saturniorum indole.*

# C A P U T VI.

**D**Ixi mus de iis, qui sub Saturno imperitantem genesin habuerint, nunc sub ægrescenti planeta. At Saturnus, si Occidentalis fuerit, inquit Ptolomæus, natum subnigri coloris facit, macilenti, parvi corporis, planorum, rarorumque capillorum, & magnorum oculorum. Hali autem, Saturnus si malè fuerit affectus, facit natum turpem, & infirmum, erit incurvus: magnorum oculorum, habebitque in altero maculam, & alter altero minor videbitur, crispus, magnæ faciei, fœdia aspectus: dentium diversorum: Pectus subtile, vilia vestimenta & nigra habebit; erit gravis, piger, & nunquam ridet. Abdila. Crisporum capillorum, & multorum, angusti pectoris, & fuscii aspectus. Dorotheus. Homo valdè pilosus in corpore, & superciliis apprimè simul conjunctis. Leupoldus. Si Saturnus fuerit Occidentalis, erit natus subniger, macilentus, parvi corporis, planis & raris capillis, aptæ coadunationis, & vincet in eo ficitas. Si in foelicem Saturni figuram antiquorum cuiquam conferre licuerit, aptè Ajaci Telamonio quadrabit, fuit n. ex Darete Phrygio.

*Ajacem Telamone satum coma pulla venustat.*

*In torquem collecta levem modulata serenis,*

*Lingua sonis, mens fraudis hebes, sed strenua bellis.*

Dares

Dares verò crispa coma dixit, qui ex nimia melancholia in maniam deventus, se ipsum trucidavit. Ptolomæus ascribens ei qualitatem, dicit occidentalem Saturnum esse frigidum, sicciorēque, Alchabitus frigidum & humidum distemperatum ex humoris melancholici cum phlegmatis adustione, Hali, si fuerit occidentalis, vincet in ejus complexione frigiditas & siccitas: nam Orientalis humidus erat. Homines facit parvæ existimationis, sese abicientes, incognitos, consulentes sibi ipsis per se ipsos, invidos: timidos, solivagos, deceptores, mœsta loca habitantes, laboriosos, invecundos, mendicos, amicorum proditores, morosos, austeros, sodalium, amicorumq; conspectum subtrahentes. Abdila. At si erit malè affectus, vilia prosequetur loca, cloacarum fossiones, subterranea, fœtida, & paludosa, vitam ducentes in angustiis, paupertatibus, & laborib⁹, atratis vestimentis induentes, comedentes cibaria mala, ut carnes, & pisces fœtidos, erunt dejecti, squalore & situ oppleti, luctuosi, afflicti, mœrentes, suspiciosi malorum, inertes, & imbecilles. Maternus. Asper, fœtidus, vorax, tenax. In eis semper egestas, exilium, nequitia, solitudo, captivitas, damnatio, pertinacia, perfidia, angustia, dolor, funera, luctus, orbitas, malefici, fures, vespillones, & tragici. Alii. Facit invidos, pauci sermonis, infidos, querulos, odiosos, infelices, dejectos, & mala audientes. Naturalis harum inclinationum ratio, atrabilis est. Sunt infidi & suspiciosi, quia timidi, & cauti, quia decipi timēt,  
invidi

invidi & malitiosi. Galeno ascriptus liber De ordine utriusq; ordinis. Nigræ cholera, ait, mores esse furibundos cum iracundia, avaros, timidos, tristes, seditiosos, invidos, habentes sæpius cicatrices nigras in pedibus, vel aliis membris. Sunt dolosi, humor enim melancholicus facit, ut his impensius, quam par sit, delectentur.

*DE SATURNINIS MORBIS, ET  
eorum naturalibus causis.*

CAPUT VII.

**M**Aternus scribit; Saturninos semper malignus humor impugnat, eosque intrinsecus dolor collectus assidua eructatione discutit. Hali, pedum rupturis & fixuris obnoxios fore; id tamen habet in se boni, quod longæ vitæ largitor est, polliceturque divitias in senectute ex cognatorum hæreditate. Sed quod hi morbi non ex Saturni stella, sed ex melancholica complexione eveniāt, testes sunt Medici, quod hircino, & fædo odore vitientur. Galenus, vel potius Actii liber De dynamidiis ex abundantia caloris, vel frigoris malus odor in corpore generari dixit. Pueri non malè olent, quia calor eorum humorem, & sudorem concoquere potest, virorum minimè, proinde sunt iis humiditates crudæ & indigestæ, & ad corruptionem proclives, ideoq; sudores eorum, & resoluti illinc fumi graviter olent, neq; enim calor latenter consumit, ut in pueris, sed extrudit potius, & vapores concitat. Sextus Pompejus, & Cen-

& Cenforinus putant pueros hirquitallos dici, ubi ad virilitatem accedunt ex hircorum libidine, aut odoris insuavitate. Quia duri & ficci corpore, longævi sunt, & qui longævi sunt, sapius ex cognatorum hæreditate ditantur. Quis n. tam solus, qui cognatis careat? Fixuras habebit in calcaneis. Laborabit phlegmaticis morbis, & melancholicis, congelatis, duris, compactis, & qui non curantur, ut squama, epilepsia, elephantiasis, morphea, cancro, scyrro, hydropisi, paralysi, hemorroidibus, dysenteria, coli & renum doloribus, & hujusmodi notæ reliquis. Infirmittates etiam longas, malitiosas, laboriosas, & sollicitas patietur. Horum rationes indicat Galenus libro De tumoribus præter naturam, qui ait, lepram, scabiem, elephantiasin esse melancholicas affectiones. Idemque libro de bonitate & vitio succorum scribit, ex melancholicis succis lepras, psoras, quartanas, scabies, & decolorationes nigras cum lienis tumore, nigras varices & hemorrhoidas. Et in Prognosticis Hippocratis, attrabilarii morbi, elephas, cancer, lepra, melancholia, & febris quartana. Præterea melancholici magna ex parte comitiali morbo laborantes efficiuntur melancholici. Et Aristoteles Problematum libro claros homines atrabile laborare dixit, & epilepsiam esse obnoxios. Herculem ab eo morbo vexatum fuisse, ob id epilepsiam herculeum morbum dixerint, ita Lysandrum Lacedæmonicum, Ajacem, & Bellorophonem: hic enim solitarius avia prosequabatur loca, ille insania correptus seipsum interemit. Quod melancholico-

lancholia diuturnos morbos largiatur, libro Dogmatum Hippocrates non reticuit, & multis in locis in aphorismis.

*De forma, quam felix Jupiter suis tribuit.*

## C A P U T VIII.

**Q**Uando Jupiter utique peculiarē habet dominatum, absolutamque nactus potestatem, scilicet, quando locorum dispositionis dominus fuerit, & Orientalis, facit natos albos cum quadam coloris commendatione, capillitio mediocri, nigris oculis, & magnis, forma venerabili. Hali. Qui patitur Jovis influxum, est albus, ad flavitiem tendens, magnorum oculorum, parvæ pupillæ, mediocrium capillorum & crisporum, non extensorum, barbæ crispæ, & magnæ authoritatis, eminentium faciei pomorum, narium crassarum, boni status, carne nec pinguis, nec macer, & longitudinis similiter convenientis. Maternus, Corpus media moderatione componitur, & erit ipsius corporis forma munda & formosa, ipsi verò candidi, pulchris oculis, & capite, & spissis capillis ornati, fixo gradu vestigia ponentes. Messahala dicit facere hominem album, habentem oculos non prorsus magnos, pulchræ staturæ, pulchrique corporis. Dorotheus, Nigros habebit oculos, pupillā latam, barbam crispam, Abdila. Honestū hominē, barbam rotundam, pulchros oculos, duos dentes anteriores cæteris majores, atque aliquando aliquantisper diversos, in cujus facie color aureus, albo admixtus, incedens terram spectabit.

Leu-

Leupoldus. Juppiter si dictorum locorum dispositior fuerit, & Orientalis, erit natus albus, mediæ capillaturæ, & similiter oculi, aptæ staturæ, & medianæ qualitatis. Dicunt alii pulchris uti indumentis. Regiam Jovis formam & mores prætulit Trojanorum Rex Priamus. Ut enim ex Neopote habetur.

*Celso duci Priamo latè surgentibus armis,  
Effulsit roseum cervix caput ardua, scribunt  
Membra virum, blandoq; genas terrore minaces  
Regius ornet bonos, placida vox nuncia mentis  
Nil tumidum, nil triste sonat, propriorq; precanti  
Mollibus imperiis famulantes instruit aures.*

Fuit suavis, moratus, & omnibus præditus virtutibus. Non absimilem sortitus est formam Magnus Carolus Rex Francorum, albo enim et roseo vultu, fulvis, magnisque oculis, succincta coma, fronte & ore adeo generoso & venerabili, ut verè augustæ majestatis specimen præferret, ut, qui illud contemplarent, quasi divinum venerarentur. Hic bellica virtute illustri, justitia, veraque religione, liberalitate majores omnes superavit.

*QUOMODO EX IPSIUS JOVIS  
in cælo aspectu, formæ rectius de natis judicare potuissent.*

#### CAPUT IX.

**S**Ed, si ipsi cælum circumspectassent, vidissentque utiq; Jovem nitidum, luminosum, pulchrum, gratiosum, atq; adeo Veneri similem, ut non nisi peritissim-



peritissimus Astrologus internoscat, aspectu etiā jucundum & amicabilem, ob id fortunam vocitatum, & hominibus salutarem conclamatum. Est enim forma venerabili, & dignitate plenissima, ob id homines reddit formosæ apparentiæ, compositæ personæ, compositos corpore & membris, dignitate plenos, majestate decoros, & ab omnibus veneratione habitos. Ejus lumen ex auro, & croceo candicat, & venustum est, ob id suos facit natos ex croceo, & auro candicantes, formosos & maximè venustos. Ejus magnitudo grandiuscula, præter luminaria, & Venerem. Ideo corpore non prorsus mediocres, sed majusculos, perpulchros, & apta modulatione compositos. Oculi ad ejus mensuram mediocres, ejus motus à Saturno tardus, ob id vestigia tardè figentes, & incedendo terram spectantes, lentè incedentes, patientes, atque in eorum moribus moderatos.

### FORMAM, QUAM JOVI DANT

*Astrologi, ipsam ex calido & humido temperamento provenire.*

### C A P U T X.

**S**ed quam dederunt Joviis formam Astrologi, nō vi planetarum, sed ex ipsa temperamenti vi demonstrabimus provenire, Ptolomæus Jovis stellam temperatæ naturæ dicit, & magis ad calorem, & humorem declinare. Qui namque humidi, & calidi sunt, quales se esse ipsi Jovii profitentur, hi namque hujusmodi formam nanciscentur, Galenus libro de temperamentis ait, calidos & hu-

nidos multos sortiri capillos, robustos, modicè nigros, nec crispas, nec omninò rectos. Et quia calidi & humidi, ideò recalvestres, fit enim calvities ex siccitate. Præterea pinguedo fit ex humiditate, gracilitas ex caliditate, modò ex his duobus simul contrariis qualitatibus fit eusarchia, scilicet medietas inter pinguem habitum & macilentum. Oculos magnos Democritus Abderita ex superflua humiditate provenire dixit. Herophilus verò ex calido, ex utraque igitur simul commixta magnos oriri oculos par erit. Sic pupillæ laxitatem ex humiditate provenire autumamus: humida namque animalia: ut oves & capræ, laxas habent pupillas, ichincumones verò, serpentes, & ejusmodi perniciosæ animalia parvas habent, quia sicca. Vel pupillarum laxitas oculorum magnitudinem sequitur. Porro calidi & humidi sanguinei sunt, & qui sanguinei, optimè colorati, formosi, venusti, nitidi, hilares, læti & jocabundi.

*DE MORIBUS, QUI EX JOVIA  
forma proveniunt.*

# CAPUT XI.

**I**N Joviis Ptolomæus calidum & humidum prævalere temperamentum confessus est, si Orientalis fuerit, at si Occidentalis, humidum. Alchabitius calidum & humidum, & esse aëreum & sanguineum. Leupoldus. Si Orientalis, humiditas prævalet. Maternus dicit, Jovē natos facere magni animi, magnaq; appetentes, & quibus semper fides habeatur, & qui ad magnos actus semper inflentur, ex quibus plus detur, quam patrimonii, aut paternæ fa-

næ facultatis exposcat modus, in omnibus suis actionibus imperiosos, nobiles, gloriosos, honestos, & mundiciarum amatores, lætos, & qui omni ratione delectari desiderent, plurimum capientes cibum, multum appetentes, & quamplurimos amicos efficientes, simplices, & qui semper benefacere consueverint. Vita gloriosa, notabilis, felicitatis plena, & omnia, quæcunque cupient, consequentur, bonis conversationibus adornantur; ac magnorum virorum testimonio proteguntur, uxores & filios tenero amore semper diligunt, & horum filii dignitatis maxima consequentur augmenta, ita ut & ad ipsos, ex filiorum honoribus magnam dignitatis meritum accedat. Si Orientalis & benè dispositus, erit benignus, justus, honoras senes, cōsultor & adjutor indigentium, & diliget amicos. Magisteria erunt ex lege. Justè & honestè judicare, ponere pacem & concordiam inter litigantes, veridicus, bona & honesta præcipiens, sapiens, & boni intellectus. Juppiter calidus & humidus, sed adeo temperatus, ut ejus propria virtus ad mortalium corpora nutrienda, ac per multiplices temporum soboles propaganda, sit accommodata. Cujus sanè significatio est formæ dignitas, animi nobilitas, sana sapientia & intellectus, tum jura, leges, modestia, gratia, fides, & quicquid æquus benè instituti viri potest animus concipere. Significat regulos, duces, tribunos, ac dignissimos cujusque magistratus authores, spem, gaudium, continentiam, liberalitatem, hominum conciliationem, pulchrum, commodum suorum.

bili temperamento, non nisi propensionem ad justos mores, sive ad justitiam provenire, sic ex calido, & humido temperamento omnium optimo, non nisi ad virtutem justitiam omnium virtutum nobilissimam provènire, & quæ omnes virtutes complectatur, ideò justos efficiet, justitiam amātes, honestum, ac bonum facientes. Eorum magisterium lex erit, quæ docet justitiam exercere, consultor veridicus, sine fraude & dolo, rixarum & litium compositor, & temperamentum, quod in ipsis experiuntur, contrarietates & rixas, vel discordias in aliis videre non patiuntur. Ob id regentes, & gubernatores, & aliis imperitantes, dirigentesque sunt. Ex optima quoque eorum temperie, optima quoque mentis acies; unde prudentes, sapientes, & optimi erunt consilii. Præterea, quia eorum temperamentum aëreum est, & aër est calidus & humidus, ideò quæ in spiritu, & anima sunt maximè aërei, scilicet inflati, tumidi, magnanimi, & magna appetentes, & qui ad magnos actus semper inflentur, & qui plus largiuntur, quàm paternæ facultatis modus exposcat. In omnibus actionibus imperiosi, nobiles, gloriosi, & semper lati. Et qui optimum temperamentum consequuntur, optimam formam simul consequuntur; eorum optimis moribus & desideriis melior fortuna sequetur. Vita eorum gloriosa, notabilis, felicitatis plena, & omnia, quæcunq; cupiunt, consequuntur: dignitatis maxima augmenta. Multum cibum capientes erunt & luxuriosi, qui namque optimum nanciscuntur tempe-

ramentum, quicquid comedunt, citò digerunt, & ex digestionem accedit voluntas comedendi. Præterea qui calidi & humidi sunt, luxuriosi sunt, ex hoc namque temperamento oritur luxuria. Hirci calidi & humidi sunt, ob id semper luxuriosi, & qui calidum & humidum semen habent, sæcundi sunt, gaudentes, & hilares semper, quia gaudium & hilaritas in sanguine est. Ob id Hippocrates, quòd alii tristes, alii hilares sint, causam esse in elementis dixit, nam qui defæcati sunt sanguinis, læti sunt. Homerus dixit ob caloris copiam, ob id læti, & in omnibus rebus delectari se cupientes. Significat justos judices, & magistratus, & significat omne bonum, quo vita fruimur, quia omne bonum in mediocritate consistit, & ipse temperamentum & moderationem significat, quia ab omni excessu remotus. Significat virtutes, quia ipsæ in medio vitiorum sunt, sic etiam sanitatem, quia sanitas in bona temperie consistit, sic consilium ac prudentiam, quia illæ consistunt in bona effectuum temperie, quod nec impetu, nec segniter res agitur. Est patiens quia sapiens, qui ferre potest labores, & incommoda. Dat opes, quia hominem facit laborum patientem, prudentem, blandum, & fidum. Amat uxores, quia luxuriosus, & sæcundus.

*DE MORBIS, QUOS DAT JUPITER, eosque non à stella, sed ab ipso temperamento provenire.*

CAPUT

## CAPUT XII.

**Æ** Gritudines Jovis sunt, quicquid evenit ex sanguinis abundantia; non ita superfluitans, ut extinguit naturam, nec ex sanguine adusto, & corruptibili. Valetudines circa jecur ex vivo faciet, vel ex cruditate, mors verò ab hilaritate, & dejectione victus, vel alvi, ex Veneris usu. Ex Materno. Morbi ex sanguine. Peripneumonia, homoptæ, pleuritide, exanthemate, convulsione, gonhorrea, lienteria, & alii, qui de sanguine, cum in quantitate, vel qualitate peccat, levique quaque occasione sanguinem è naribus, vel de opportuno corporis meatu excernit. Nos autem hos morbos non à stella Jovis, sed quia calidi & humidi, facile nudant, & parumper hircu olent, pulsos habent plenos, pulchrarum rerum gaudet, & rubra latius vident. Pauci sunt morbi sanguinis; sed hoc ab optima temperie. Constans est Medicorum dogma ex optima temperie malum pervenire non posse, modò ex calido & humido optima temperies, unde pauci, vel nulli oriri possunt morbi. Temperatum, sive eucraton statum dixerit Aristoteles, Theophrastus, Stoici, & Athænici sequaces, caliditate, & humiditate pollentem, sed morbis laborabunt, quibus pueri, qui calidi & humidi sunt. Et quia sanguis verè abundat, idè tunc temporis ægrotare solent æstate, & hyeme benè se habebunt, minusque læduntur autum-

no, ut ex Galeno habetur Aphorismorum secundo. Et quia sanguis in jecore generatur, ibique perficitur, diciturq; sanguinis officina, ideò morbis à jecore.

*DE INFORTUNATA JOVIS IN-*  
*dole, moribus, & morbis.*

CAPUT XIV.

**P** Tolomæus ex Jove Occidentali nasci viros colore albos, sed indecenti, recaluos, aut rigidis capillis, statura mediocri, ac humido, magis distemperatos. Hali. Si Occidentalis Jupiter, formosior erit, quia ejus oculi mediocres, & caput parvum. Messahala verò, habere nares breves, & non æquales, calvum, in aliquo dentium habentem nigredinem. Maternus. Verùm Juppiter ex accidenti aliquo, ob nimiam fortasse de se confidentiam, incōsultum significat rerum aggressum, atque difficilem, quandoque ex tali causa operum exitum, significat enim patientem animam, sed ultionis avidam. Hali. At si status hujus planetæ diversus fuerit à prædicto statu, facit mores, & spiritus nati similes his prædictis, nisi quòd erunt debiliores, & gignentur ex hoc diversi ingenii, eritque vice liberalis, destructor, & loco casii, & religiosi, credens in aliqua magna credulitate, & loco māsueti timidus & loco nobilitatis vilipēdet homines, ex loco faciendi bonum, collocabit illud in malis locis, & his similia. In complexione ejus, quod magis apparet, est humiditas. Benatus,  
Est

Est ignarus benè faciendi, versatus circa veritas operationes, studebit hipocrisiæ, morabitur in locis orationum, in cripus, & cancrucosis locis, & speluncis, & illa occasione futura prædicet, nullos habebit amicos, filios abhorret, cum nullo conversabitur, infidus, malus, debilis, insipiens, laboriosus, & electionis parvæ. Quæ omnia & si in pejus ruant, ex physica ratione accidunt, ex nimia scilicet humiditate, quæ temperamentum corrumpit, nam humiditas cum calore temperata, coloratos homines reddit ob id albos, ait, sine coloris decentia. Recalvus fit ex luxuria, quippe si complexio ad humiditatem vergit, luxuriosus evadit, unde & calvities. Maculæ in capite ex defectu temperamenti, unde maculæ ex Occidentali Jove, in dentibus eveniunt ex defectu caliditatis. Mores prædicti erunt debiliores, quia ad humiditatem accedunt, id est ad muliebrem mollitiem. Ideò loco casti, parum lascivi, loco religiosi, debiles in religione, loco mansueti timidus, ex loco faciendi bonum, aliquando malum, & quantò peior est fœmina natura vivi, tantò peior Occidentalis Juppiter ipso Orientali. Ex Occidentali enim Jove, plures, & ferè omnes eveniunt infirmitates, nam in Orientali paucæ, in declinanti multæ,

*DE FORMA, QUAM MARTIS  
stella natis largitur.*

CAPUT XV.

**P**OSCIT ordo de Marte verba faciamus. Inquit Ptolomæus. Cum Mars Orientalis ex-



titerit, ejus forma erit rubedinis & albedinis particeps, bonæ quantitatis. & idoneæ carnositatis, oculi ejus varii, capilli spissi. & mediocres. At Julius Firmicus Maternus. Mars dominus genituræ facit hominem rubeis capillis, & oculis cruentis, & deformem. Hali. Si Mars ex Oriente effluxerit, est inter album & rubeum, corporis mediocris, pulchri status, oculorum Zarchorum, capillos habebit spissos inter crispas & extensos. Messahala. Facit hominem facie rubeum, habentem capillos rubeos, faciem rotundam, leniter eam dehonstantem, oculos magnos, & croceos, in pede dextro maculam habentem, & id ex rarò fefellisse. Dorotheus idem quod Messahala. Sed Abdila dixit. Caput curvum & crassum, color faciei rubeus mixtus cum nigro, ut qui per Solem incedunt, quasi non verè ruber, aut niger. Menelai forma Martem indicat, erat enim ruffo capillo, ac mediocri statura, animosus & præstans in armis, iracundus, clamorosus, ut ab Homero describitur, ex Darete Phrygio.

*Gratior equato Menelaum forma venustat,  
Fulta statu, vixusq; coma geniale rubentis  
Mens domat, ipse astu mentitos indice crines  
Arguit, acceptos noto, gratisq; merenti.*

**MARTII FORMAM EX IP SO**  
*Syderis aspectu dignosci posse.*

# CAPUT XVI.

**S**i oculos in cælum attollimus, Martis rutilum  
sydus, igneum, & veluti carbonis accensi  
rutilans.

rutilans aspiciemus, ob id pyroxis appellatum, quia color flammæ similis, æstuantis, igneæ qualitatis nobis referens argumenta, & rubræ biliis, ideò horroris, & formidinis plenum, ut meritò ab antiquis infortuna dictus sit, & ejus naturam ex ipsius stellæ colore tractam videmus. Inauspicatum sydus, & non salutare, & prosperum, sed minax & terribile, ideò infœlicis vitæ, violentæ mortis, & igneorum morborum nobis notas inurere, ut nec socii ejus societate delectentur. Græci ἀρης, διὰ τῆ ἀναρπείν, hoc est à corrumpendo, aut διὰ τῆ δέης. Phornutus scribit à damno & interitu nomen adeptum. Ptolomæus Martis stellam urere, & arefacere dixit, sicut competit igneo ipsius colori. Quia rubeæ igneitatis, & iracundiæ, ideò nobis rubram auget bilem, faciem rubri coloris, rubros, & cruentos oculos ingerit. Flavæ bili præest. Sydus corpore non est magno, ob id natos facit corporis moderatæ qualitatis, duobus annis suum circuitum absoluit, ideò natos non tardi, nec concitati gressus, ob id in ambulando magnos passus, & non tardos facient.

*MARTIS FORMAM AB IP SO**provenire temperamento.**C A P U T XVII.*

**C**alidæ temperaturæ signa ostendimus in nostris Physiognomonicis esse carnem tangentibus calidam, hirsutam, & minùs habentem pinguedinis, colorem rubeum, & capillos nigros. Alii dicunt. Citò crescentes, venas apparentes, anhelitum manifestum, vocem firmam, fortē, & agrestē, citò sudant, & digerunt

digerunt benè, pili crassi, & crispì; mores lascivi. Siccæ verò, corpus gracile, & durum, carnem tactu asperam, juncturas manifestas, capillos, & pilos asperos & crassos, coloris rubei. Comedunt & digerunt benè, in laboribus durabiles.

*MARTIS STELLA QUOS  
mores largiatur.*

CAPUT XVIII.

**P** Tolomæus inquit. Si Mars in Orientali effulxione, in ejus complexione vincet caliditas & siccitas. Alchabitius dixit, benè calidam complexionem. Leupoldus. Vincet in eo caliditas, & siccitas. Maternus. Facit invictos, & qui nullis rationibus subigantur, immobiles, contentiosos, tardos, violentos, audaces, periculosos, & qui a suis decipi soleant, multum comedentes, & carnes crudas non benè cœctas, & cibos digerentes, imperitos, & principalia sibi semper vendicantes potestatis insignia, neque circa uxores, neque circa filios, neque amicos bonos habent affectus, ut qui res alienas invida cupiditate desiderant. Artes, quas exercent, erunt ex igne, & ferro ignito, idest præcisiones & combustiones. Hali. Si Mars fuerit dominus significationis spiritus, & in bono statu, gignit natum fortem, amabilem, iratum, amatorē armorum, & rerum armis convenientium, audacem, quoniam amat diligere, & agitare prælia, exponit se periculis, nulli obedit, nec se submittit, renovator rixarum, locutor factorum, & audacium

cium facinorum, & jactat se de his, & acutus proponit se rebus & factis. Vilipensor rerum omniū, amarvincere, auris, semper iratus, & nihilominus prudentium morum in suis rebus. Addunt alii. Gaudent rubris indumentis, circa filios & uxores non propensi, ob id optimè finxerunt Poetæ Herculem uxores & filios occidisse, non nisi bella audenti animo concupiscunt, & bella ferere conantur. Ad exemplum magnum Sfortiam afferemus, fuit enim statura corporis erecta, mediocri; macro potius, quàm succoso habitu, prævalidis artubus, firmissimo quodam nervorum nexu, cruribus ad suram maximè perstrictis, manu ampla, digitorum compage adeò firma, ut distractam in diversum, utraque manu ferream equi solem facile disrumperet, lato pectore, latisque humeris, ventre adeò restricto & castigato, ut angustissimè cingeretur, quandoquidem in medio à duobus primis ab utraque manu expansis, lunatisque digitis facile præcingi posset, erat facie subagresti, parum læta, rubro pallore subfusca, oculis cæsiis minacibus, ac intra cavos orbes reconditis, naso adunco, sed tamen os præclaro quodam militari decore ornabatur, ut mira indoles ex agresti vultu effluebat, ut Martios decet, ut ad ingentia facinora natus ex humilissimis natalibus videretur. Fuit vulnere, & periculorum contemptor, nunquā ab acie, nisi victor discessit, excitabatur diu, noctuque ad magnorum ducum nomen, & si quid ei bello præclare gestum nunciaretur, commoto animo suspirabat. Ad omnes militiæ præfecturas  
foelicitè

foeliciter ascendit, ad opes, & honores. Sed ex agresti, & parùm lætò vultu, aliquid infœlicis Martis nunciabatur, quippe violentam mortem minaretur: nam equum in Aeternum amnem adigens, tunc fluctibus intumescens, cœnoso subsidente vado, posterioribus cruribus defecit, ac gravantibus armis submersus interiit. Fuere multi Marti, præclaræ indolis, qui egregiè in armis floruerè, sibi quæ immortalem gloriam peperere, quorum memorant historiæ. In præsentiarum subeunt in memoriam Galeatius, & magnus Sfortia. Fuit enim Galeatius facie rubore perfusa, oculis flagrantibus, ignitisq; , sub crispa & fulva cæsarie, lato pectore, erecta cervice, decenti statura, impiger, audax, ad pericula belli subeunda promptus, unde citò per omnes bellici muneris ordines decurrit, honore, ac divitiis auctus. Sed cum lethalis & vehemens febris invasit, nihilq; de sævo impetu remittente, triduo assumpsit morbus, ut Martiis contingit. Ex antiquis historiis Pyrrhus à Daretè Phrygiò describitur. Fuit magnus, virosus, stomachosus, blesus, vultu bonus, aduncum, oculis rotundis, superciliosus, Nepos.

*Ore virum fastus, indignatiq; minaces  
Suspendens cervice genas, livore superbo  
Obliquat socios Pyrrhus, scribuntq; ferocem.  
Ardua membra, teres oculus, projectior alvus?  
Texendis vox aqua sonis, teneroq; laborans  
Eloquio, lingua blesos frustratur hiatus.*

Erat enim ignei coloris, ita dictus Pyrrhus πύρρος à fulvo capillorum colore, Politem, & Priamum occidit, etiam ipse ab Oreste obtruncandus.

*EX CALIDO ET SICCO TEMPERAMENTO Martis mores, non ex sydere provenire.*

CAPUT XIX.

**A**T ejusmodi mores non ex stellis, sed ex ipso eveniunt temperamento; quippe Galenus & alii Medici sexcentis in locis dicunt, qui flava bile affecti sunt, ad iram propensi & concitatiores sunt. Argumento quoq; esse potest hominis ætas: nam ab anno quatuordecimo, usque ad quintum & vigesimum rubra bilis dominatur, & nunc homines cholericis, biliosis, audaces, iracundi, & insolentes efficiuntur. Sunt præterea audaces. Galenus in eo libro, quod animi mores corporis temperaturam sequantur, ex biliosis humoribus (ex Platonis auctoritate) corpus pervagantibus, & animæ penetralibus se permiscuentibus, audacia efficitur. Idemq; in eo libello de natura, & ordine cujusq; corporis, ex bilioso humore, audacia, furor, inconstantia provenit. Cum calor efferbuerit, in flammam evolat, unde Martius æstus provenit, & præcipites reddit, ut qui præposteris consiliis omnia agant, & periculis temerè se dent. Præterea ab ipsa bile animi solertia, memoria, ingenii acuitas, & elevatio provenit. Ex commentariolo de dignitatibus Hippocratis. In libello de anatomia vivorum ait. Rubra cholera facit homines ingeniosos, & acres, & multum comedentes, & coeuntes. Et quia calidi sunt, comedunt, libenter carnes crudas, quia humidioris cibi appetentiores sunt, & faciliè eos concoquunt, Sunt sine amore, quia amantes in calido

& sicco sunt temperamento, ideò uxores & filios non diligunt. Mobiles sunt, quia præproperi in agendo, ideò stare loco nesciunt. Leves sunt, ob id peregrinationes facilè subeunt; & quia inconsulti, & festinantes, absque ratione, & commoditate itinera suscipiunt, ob id angustia, labores, & incommoditates eis accident. Ad summum valida complexio superbos, imperiosos, inconsultos, & audaces facit.

*MORBI, QUOS ASTROLOGI  
à Marte provenire dicunt, non à stella, sed ab  
ipsa flava bile proveniunt.*

## CAPUT XX.

**S**Ed præstantissimi Astrologi prodidèrè, quòd pulsus habent magnos, & colores & urinam flavam, igneam, mordacem, sudorem acrem, falsum, & amarum, dejectiones flavas, somnia ignita, incendia, homicidia, lites, furta, & febres calidas, quæ omnia fiunt ex cholera non adusta, dat phrenesim veram, & non veram, pustulas sanguineas, impetigines, & valetudines adventitias, quæ fiunt in corpore præter naturam, cum asperitate atque sæditate, pruitus, lentigines, & patientur pavores, & cogitationes horribiles, homines inquietantes, & quicquid tandem cum inflammatione caloris. At ejusmodi morbos non è syderibus, sed ex humoribus provenire sanciant Medicorum dogmata. Galenus namque super Aphorismos Hippocratis, pustulas biliosas per totum corpus

pus dispersas, erysipelas, id est serpigines, tertiâs, & ardentes febres ex biloso humore provenire dixit. Et libro de naturalibus facultatibus. Calidi morbi à flava bile, sic libro de utilitate reipirationis.

*FORMA, MORES, ET MORBI, QUI  
ex infœlici Marte proveniunt.*

C A P U T XXI.

**P** Tolomæus. Mars si Occidentalis extiterit, natus tantum rubri coloris erit, & moderatæ corporis qualitatæ, parvos habet oculos, capillos raros, planos & flavos. A quo Leupoldus. Si in occidua statione Mars fuerit, rubeus tantum erit, corpore mediocri, parvis oculis, capillis raris, planis, & flavis. Julius Firmicus. Mars genituræ dominus facit homines rubeis capillis, & oculis cruentis. Hali. Mars si fuerit Occidentalis, est rubei coloris, simplicis rubedinis, parvorum oculorum, corporis mediocris, capillorum ad albedinem tendentium, faciem habet rotundam, & fortè in ea maculas, magnum caput & anteriùs prominens, in fronte percussionem aut signum, magnas aures, aspectum acutum, dentes longos, carnem modicam, in suo incessu magnos faciet passus. Messahala dixit, quod facit hominem rubeam faciem habentem, capillos rubeos, faciem rotundam, leviter eam dehonestantem, oculos magnos & croceos, aspectum horribilem, habentem in pede sinistro maculam, & hoc rarò fallere



Dorotheus de aspectu illud idem. Sacerdos. Mars dat homini curvum habere corpus, ipsumque semirubrum, ita quod non verè rubrum, nec verè nigrum, sicut habent illi, qui nimium morantur in Sole, vel diutius per calorem incedunt. Et aliquando Martius habet grana rubra in facie, & ut pluriès raros gerens pilos in barba, velut spado. De ejus complexione Ptolomæus dicit. Vincit ficcitas. Alchabitius calidam complexionem, & ficcam, distemperatam, igneam, cholicam, & amari saporis, Leupoldus idem, quod Ptolomæus.

De ejus moribus Hali hæc habet. At si natus Martem habuerit malè constitutum, facit eum sine verecundia dehonestatorem, amatorem interfectionum, & suppressorum clamorum, quoniam alta voce loquitur, innovatorem rixarum, levis & pauci sensus, deprædatorem viarum, quia in eo non est pietas, sed est malefactor, permutabilis in rebus suis, abhorret cõsanguineos, & ipsi eum. Ignorat Deum, nec scit, quid ipse sit. Maternus. Natura calidus & ficcus, iracundus, vehemens, incitata sæpius iracundia præceps. Cujus significatio est proditio, pugna, cædes, audacia, temeritas, timor, fugæque difficultas, perfidus, obscœnus, ineautus, amator, facilis offensio, varia cogitatio, nullum consiliũ. Significat quoque violentos principes, feros, inhumanos, alienæ semper cædis appetentes, perjuros, dolosos, inconstantes, maledicos, incõpositos, omnia contaminantes, omnia polluētes, divina & humana p̃miscuè habētes, ingeniosos tamē, ad omnesq; conatus suos mutabili quadam

quadā versutia promptos, Significat enim deformem, inverecondum, ingratum. Chyrurgiam ex artibus exercet, & quicquid cruenti sanguinaria quadam voluptate perficitur. Hali. Facile peregrinationes subibunt, in quibus accident labores & angustia, & prædationes, libenter offendent miseros, & quos poterunt, gaudent effusione sanguinis, combustione, & decapitatione. Sequentur fures & tabernarios, superbos, & mendaces, perjuros, falsarum monetarum decifores, & chartarum, abscissores viarum, ductores exercituum, præproperi in agendo, & inverecondi, minaciter loquuntur, incedunt per ignem, per enses, rapaces, contumeliosi, furiosi, & pravorum morum. Græcum Metionem infœlix Mars accusat, nempe mediocri statura, rufum, corpore jucundo, vitiosum, pertinacem, crudelem, impatientem describit Dares, à quo Nepos hæc addit.

*Impia præcipitem natura Metiona mergit  
Invidiæ cinctum stimulis, curaque tenacis  
Defessum excubiis, teretes cumulatur in artus,  
Carnea massa tumens, animumq; ebullit Erynnis,  
In caput, in corpus reliquum lævescit inustum  
Sanguineis pectus maculis, gena disputat bydrio  
Inditio pectore virens & mentis anhelans  
Accusant, furiasque flammæ incendia crinis.*

Morbi & pericula, quibus incurrere debent. Maternus. Vitia exiguae, & ferro, id est, præcisiones & combustiones, atque ex altissimis locis frequenter periclitantur, & extrema corporis frangit, mortem verò dat repentinam, atque vi-

¶

*Joan : Baptista Porta Neapolis.*

lentam. Dat febres calidas, quæ fiunt ex cholera adusta, & sine causa, dat phrenesim veram & non veram, pustulas sanguineas, impetigines, albaras, & valetudines adventitias, ægritudines comedentes corpus, ut cancri, & similes, ignem sacrum, patientur pavores & cogitationes horribiles, & quicquid ex inflammatione caloris. Sed expositis exemplis, multa quæ scribimus rudibus erunt aptiora. Fuit & Petrus Navarrus vir Martius lato ore, ac decora indole, sed nescio quid funesti, vel lugentis in eo videbatur, color carnis & pilorum rufus, aut mavis ferrugineus, corpore mediocri, magnis oculis, cruentisque, facie & barba rotunda, capite magno & antèrius prominenti. Fuit in rebus bellicis vir præpollentis ingenii, ac in excavandis cuniculis, immixtis tormentarii pulveris fomentis, violentia obluctatis flammæ, turres, oppida & arces subverteret; multas victorias consequutus, sed victus, & præliando captus in arce nova Neapolitana, quam ipse cœperat, carceribus detentus fuit, postremo carnificis manum non aufugit, quin strangulatus interiret. Sed hæc ex physicis eveniunt rationibus. Nimia siccitas, & immoderatus calor perdit potius, quàm fovet, ut qui ex igne generatur, corporis vitia producit. Ex intemperato ardore, & vehementi bilis commotione intemperata, & vehementes in homine perturbationes excitantur, & violenti & inconsiderati effectus producuntur. Ad summum, quia calida complexio superbos, violentos, & inconsultos facit, ob id homicidæ, grassatores viarum

viarum, periculosi, & qui ab amicis sufferri nequeant, malè morati, sui profusi, aliena appetentes, summis viribus res arduas tentant, superciliosè loquuntur, ceu cæstro perciti fuerint, litem ubique movent, & ex lite litem componunt, fel in ore, ignem in corde. His moribus si solertia & ingenii acuitas addatur, quam diximus ex flava bile provenire, fiunt decisores monetarum, chartas falsificantes, ut facilè evenire possit, ut vulneribus confossi, igne, capite, & violenta morte mulctentur. Hæc enim vitia hæ solitæ sunt sequi pœnæ. Galenus libro de differentiis febrium, herpes, & erysipelas ex flava bile. Et Plato, referente Galeno, libro de decretis Hippocratis. A flava bile sacri ignes, erysipelata, herpes, & inflammationes omnes, quæ in corpore accenduntur, proveniunt. Et libro de naturalibus facultatibus. Calidi morbi à flava bile. Sic libro de utilitate respirationis. Biliosus sanguis si in vapores biliosos solvatur, ad phrenesim, id est ad mentis percussione[m] inducit. Et tertio de locis affectis ex eadem bile fiunt ferina deliramenta. Ex his igitur deliramentis ad præcipitia & nefarias mortes inclinantur, gaudentes igne, sanguine, & carnificina.

*DE SOLARI FORMA AB**Astrologis descripta.**CAPUT XXII.*

**P** Tolomæus Solem & Lunam non dare nativæ peculiarem formam, sed unumquemq[ue] plane-

tarum adjuvant, quibus associantur in figura, sed specialiter formositatem, & magnitudinem largiri. Idem ab eo sensit Hali. Leupoldus & Dorotheus. Sed Maternus, cum Sol genituræ domino cōiunctus fuerit, Agamēnonē quia magno corpore & venusto, ac indolem maiestate plenam præferebat, ac imperio dignam speciem, Solarem fatemur: præterea consilio, prudentia, & humanitate pleno, quæ omnia Sol largitur. Nepos ex Darete.

*Martius ornat honos Agamemnona fusa vigorem,  
Celsaque membra favent, vultu præcone potestas  
Enitet, & Regem species armata profatur.  
Mixa virum phalerant, cirrho candente decoro  
Virtus, nobilitas, dives, facundia, prudens.*

Sed Maternus: cum Sol genituræ domino conjunctus fuerit, facit homines corpulentos, & moderatè compositos, & quorum caput flavo capillorū crine luceat. Messahala. Si Sol Orientalis fuerit, facit hominem colore inter croceum & quasi nigrum, & tectum quodam rubore, vel æmulum: brevis stature, ut in quibusdam crispum, & pulchri coloris. Dorotheus. Figura Solis crocea, habens parū rubedinis capillorum, & oculi ejus aliquantulum crocei. Abdila. Facit homines carnosos, pulchræ & albæ faciei, oculorum quandoque magnorum, in quorum facie color albus, citrinus, conjunctus, pulchram & plenam barbam: capillos etiam gerit extensos. Et quando fuerit in ascendente, erit in facie nati signū, capillos habebit inter croceos participantes quodam rubore. Hali.

Sol

Sol facit hominem crocei coloris, crassum, albū, & oculorum aliquantulum foràs prominentium, faciei rotundæ, & lucentis, capitis magni, & extensorum capillorum, pii aspectus, raucæ vocis, mediocris longitudinis, compositè incedentis. Hali. Facie leonina, capillo flavo, facie pulchra, & in pueritia gratiosa.

*QUOMODO RECTIUS EX IP SO SOLARI globo potuissent eadem investigare.*

CAPUT XXIII.

**S**ed prisca illi cælorum interpretes ex ipsius stellæ aspectu, & naturæ opiferam & salutarem faciem cognoscere potuissent. Sol est colore croceus, vel rubeus ad album tendens, ob id homines gignit albæ & crocæ faciei, & capillorum. Et quia ejus radii circa corpus extenduntur, & circumfulgent, aureo colore crispantes, ob id capillos extensos, flavos, & crispas facit. Magnitudine inter planetas satis conspicua, omnium maxima, rotunda, venusta, & satis digna conspici. Ob id oculos magnos, facie & capite rotundis venustos, corpulentos, gloriosos, pii aspectus, & conspicuæ formæ. Ejus corpus quasi foràs extat, semiglobus protuberat, ob id oculos foràs prominentes producit. Inter planetas mediocriter incedit nec piger, nec festinus, nam anno uno suum motū absolvit, ideo in motu, nec festinus, nec tardus, sed compositos

in incessu ratos facit. Ejus motus uniformis non variatur, nec alteratur, sed semper similem servat incessum. Inter planetas lumine sæpè orbat, & eclypsim patitur, ob id vitia oculi quàmlibenter largitur, orbitates, & cœcitates, & est, ut in cœlo fons luminis, sic oculus in homine, quo videmus. Non errat, ut alii planetæ, ideò parum errantes, & eorū rationes obstinatè defendētes facit. Quia splendidus & luminosus, ideò splendentes & venustos facit. Quia in medio planetarum consistit, tres à superiori habens parte, totidem ab inferiori, & circum circa ab eis stipatur, & veluti quodam satellitio obsequitur, super omnes principatum obtinet, & omnes corroborat.

**SOLIS FORMAM AB IPSO**  
*provenire temperamento comprobatur.*

**CAPUT XXIV.**

**I**N primo Apotelesmatum Ptolomæus Solem dicit vim habere calefaciendi, & leniter deficiendi, quæ affectiones facilius sensibus percipiuntur, quàm aliarum stellarum propter magnitudinem, & evidentem anni mutationem in suis viribus, & temporibus. Sed quos isti solares vocant, nos vehementer calidos, & in sicco & humido temperatos dicimus: ex humiditate enim & caliditate fit homo corpulentus & carnosus, faciei carnosæ, albæ, & mediocriter compositus, id est non brevis stature. Ex caliditate verò & siccitate capilli evadunt flavi, crisp,

erispi, & extensi, & rubri vel crocei coloris, & plena barba, sic prominentes oculi ex caliditate, humiditateq;. Vox firma ex caliditate, raucitas ex humiditate, sic compositus gradus, aut incessio ex intemperata humiditate, & caliditate: nam intensa caliditas celèrem gradum, & superflua tardum, ex utroque composita incessio, composita erit.

*MORES, QUOS SOL LARGITUR.*  
CAPUT XXV.

**S**oligitur, ut Maternus inquit, quando cum genituræ domino conjunctus erit, facit homines fide plenos, sed cujusdam superbix spiritû inflatos, sapientes tamen, & omni æqualitatis moderatione compositos, humanos, & qui suos parentes integro amore colant. Facit agricolas, patrimonium propria virtute quærentes, efficaces, cordatos, & qui semper aquosa regionum delectatione latentur. Facit enim tales, qui omnes actus cum maxima honestate perficiant, sed hi ab uxore, & à filiorum erunt affectibus separati. Alibi. Significat quoque Reges, & Principes, non atroces, non difficiles, non iniquos, sed justos, affabiles, ac tractabiles, mansuetos, & omni virtutum genere honestatos, superbix tamen spiritus quandoque inflatos. Significat grave eloquium, maturum consilium, severum judicium, & splendidum cujusque rei, magnificamque penitus actionem, omnem quoque nitorem, & claritatem, atq;



regium apparatus, fortitudo animi corporisque, honestas, magnificentia, victoria, perspicua munities, incredibilisque apud omnes expectatio, & quicquid videtur ad regiū apicem pertinere. Hali. Dat regna, magistratus, & honores, facitque homines dignos, quibus honor habeat, gratos Principibus, sermone raros, ambitiosos, sublimem animum, honestum, largum, gloriosum, ac sumptuoso vestitu gaudentes, non multū cibum sumentes.

*EX CALIDO, ET SICCO TEMPERAMENTO, humidoq., ejus mores, non à solari stella provenire.*

## CAPUT XXVI

**C**Alida, humidaque complexio, vel calida, siccaque superbos facit, sic inflatos, ambitiosos, generosos, largos, ac sumptuosos vestibibus utentes. Ex optima igitur hac compositione, sapientes, cordatos, & qui omnes actus maxima honestate perficiant. Et quia quando compositio optima & æqua est, ut diximus in Physiognomonicis, facit homines omni æquitatis moderatione compositos, humanos, & qui parentes suos integro amore colant. Si verò in siccitate plus abundaverit, pudicos facit, ob id non uxoribus gratos, nec filiorum amantes, sed quia, ut diximus, nobiles, magnanimi, generosi, inflati, ambitiosique, gravis aspectus & generosi, ob id potestates consequuntur à Principibus, & eis gratissimi erunt.

*DE SOLARIBUS MORBIS, QUI  
non à stella, sed à temperamento  
proveniunt.*

CAPUT XXVII.

**A**strologi dicunt calidas & siccas infirmitates largiri Solem solere, ut venenum calidum, & corporis purgationes, vitia & infirmitates oculorum. In hominibus dextrum, in fœminis sinistrum, quæ omnia à siccitate & caliditate veniunt complexionis, non à stellis.

*DE INFOELICI SOLARI FORMA,  
moribus & morbis.*

CAPUT XXVIII.

**P**tolomæus ait. Si Occidentalis fuerit, homines facit habentes statum plusquam mediocre, colorem æmulum, capillos flavos & extensos, & aliquantulum crispas. Maternus. Ambitiosa existimatio, omni honorum cupiditate. Facit morbos frequentes, ex igne comburi. Mortis exitus in peregrinis locis, violentos, subitosque decernit. Sic & morbos comedentes carnem, quæ omnia à sicco, & calido intenso proveniunt.

Cum Solis participatione, aut solarem Hæc tora fuisse natum judicamus, nempe Sol aut Luna paululum impediti, oculos natis impediunt, nam cecos, strabos, & debiles visus faciunt. Dares de Hæctore. Blesum, candidum, crispum, strabum, perniciosibus membris, vultu venerabili, barbatum decenter, bellicosum, animo magnum, civibus clementem, dignum, & amoris aptum. Nepos cumulatius vertit.

*HE.*

*Hector magnanimum librato culmine pectus  
 Erigit, intorto candet coma crispa capillo,  
 Succinctum complexa caput, blandeq, recisos  
 Furatur vox blanda sonos, pernitia membra,  
 Mens placida in cives, faciem lanugo serenam  
 Induit, ac visus acies obliqua cadentes  
 In geminas spargit partes, semperq, supina  
 Occiduum stabilem contristat lumine vultum.*

*DE VENERIS FORMA AB A-  
 strologis descripta.*

CAPUT XXIX.

**E**X numerosissimo stellarum choro, benefica, salutaris, adiutrix, & humanæ naturæ amica est Venus, genitale astrum, & ejusdem nobiscum temperaturæ. Ptolomæus ait. Veneris opera Jovis operibus assimilantur, propter quod ea, quæ per ipsam contingunt, pulchriora sunt, & magis recipiuntur, ejusque pulchritudo, mulierum pulchritudini magis assimilatur. Erit enim melioris figuræ, & corporis melioris. Ex ipsius proprietatibus oculos subruffos facere, & idoneos. Leupoldus eadem. Maternus. Venus genituræ domina si fuerit effecta, dat corpus longum, candidum, oculos gratos, venustatis splendore fulgentes, spissos capillos, aut molliter flexos, aut gradata pulchritudinis venustate componit, aut crispis crinium facit, bostritis conatos, æquales. Alibi. Ex habitudine corporis pinguedinem potius significat, sed venusto decore ornatam, debilem autem &

tem & adversa sæpiùs valetudine fatigatam. Per  
eam significatur omnis decore, omnisq; venustas,  
ornata vestimenta auri subregmine elaborati cul-  
tus, argente, aut tyriæ murices purpura hone-  
stari. Hali. Venus similis est Jovi, nisi quòd ex  
peculiari quodam beneficio ei contingit esse for-  
mosiorem, ac majoris venustatis, melioris con-  
ceptionis, & pulchrioris formæ, quoniam formo-  
sitate significat convenientem formositati mu-  
lierum, & est magis mansuetus, & corporis blan-  
dioris, & propriè oculi ejus sunt inter Zarchum,  
& nigrum, & pulchrum. Aliqui dicunt, quòd  
jam aliquantulum bazus cum rubedine mixtus,  
debilis, pulchri aspectus, nigredo oculorum suo-  
rum major albedine, subtilium superciliarum,  
& junctorum, & subtilium labrorum, multæ car-  
nis in facie, angusti pectoris, brevium costarum,  
crassorum crurium, blandi aspectus, & saporosi,  
& pulchræ faciei, ludit oculis suis, & credit id pul-  
chrum esse, capillos habet aliquantulum crispas.  
Messahala dicit. Hominem album declinantem  
ad aliquam nigredinem, & ex inde videbitur ma-  
gis decens, pulchram habentem staturam, pul-  
chros oculos, quorum nigredo aliquid major,  
quàm in aliis reperiatur, tamen decens, pulchros  
capillos, faciem rotundam, non tamen magnam,  
neque maxillas. Dorotheus dicit, hominem face-  
re pulchram faciem habentem, pulchros oculos,  
quorum nigredo erit plusquàm apparens, pulchros  
capillos & multos, crassum, album & rubore in-  
fectum. Abdila dicit, Venus pulchros facit ca-  
pillos.

pillos, & pulchra supercilia, ineundo se nulliter gerit, aut aliquid agendo, mediocris staturæ. Hali Rosci coloris dat faciem, oculis fulgentib' humidis, & q̄ facile ad flexū inclinētur. Forma eximia

*QUOD EX IPSO SYDERIS A-*  
*spectu, citius omnia poterant præagire.*

### CAPUT XXX.

**S**Ed, ut in aliis diximus, si oculos in cœlum sustulissent, ex ipsa syderis facie hæc omnia, & sine inter eos contradictione, certius poterant præagire. Quia ut Juppiter à nostro aspectu blandius excipitur, imò oculos nostros allicit ad ejus inspectionem, unde fit, ut eam dicant amicam, & salutaria spondentem omnia. Et quia Jovis stella fulgore similis aspectus, & pulchritudine: ideò similes effectus largitur. Et quia minus splendet, & magis molliter, blandius & amicius nostris oculis se insinuat, pulchriorq; apparet. Ob id homines facere pulchros, ad scēmineam pulchritudinē facile accedentes, & homines molliusculos, & delicatulos, & in motu, & in negotiis segnius & cunctatius se gerentes. Ejus color ex candido in atrum languescit, vel roseo fulgore micat, ideò oculos subruffos, vel ramos, vel nigros efficit, gratiosos & venustos. Et quia præ cæteris fulget, ut etiam ejus lumen umbram faciat, ut Luna, & scintillet, ideò oculos fulgentes & scintillantes, quasi ludentes facit, & lascivius se moventes: Sydus est magnum, ob id corpore longos, & staturam benè comp

compositam, roseam, & stellæ colore coloratam,

*VENERIS FORMAM AB IPSO  
provenire temperamento, non à sydere.*

CAPUT XXXI.

**V**idemus Venerem croceo albo radicantem, tum humectam dicunt, & naturæ indicare temperamentum. Ptolomæus Jovem dixit calidi, & humidi temperamenti, & Veneris formam ferè eandem cum ipsa Jovis. Sed caliditas magis temperata cum calido est, quàm erât cum Jove. Ob id venustas & pulchritudo Veneris est magis muliebris, blanda, molliuscula, & delicatula, & in rebus agendis tardiuscula. Roseus in ore fulgor ex sanguine superabundanti, qua scætet complexio, & nimia humiditate oculos, ut in vase aquæ se moventes demonstrat, ex eaque humiditate eorum oculi fulgore quasi scintillare videntur. Sic subtilia supercilia, & labia, multæ carnis in facie, angusti pectoris, brevium costarum, magnorum crurum, sequuntur scæmineam complexionem, ut in nostris Physionomicis de muliebri, & virili forma retulimus. Sanguinei enim sunt crassa corporis habitudine, color albus cum rubedine commixtus, corpore, visuque floridi, venusti, hilares, & rubicundi. Rubro vestitu gaudent, quia sanguinei, & tauri, quia sanguinei, cum rubrum colorem aspiciunt, adeo gaudent, ut offerentur. Quæ omnia Galenus in libro de dynamidiis copiosius pertractat.

Neque

Neque à Paridis forma abhorret, quam describit Nepos ex Darete.

*Imperij cupidus, habiles prolatus in armos,  
Siderea vernat acie Paris, ore serenus,  
Eloquio lenis, pede princeps, strenuus armis,  
Vertice flavescens frontemq; auctura superbam  
Præferat tonsura genas, in summa recurrens  
Tempora, nè ve vagans forma furetur honorem  
Cæsaries, utramq; comam sua detinet auris.*

MORES, QUOS VENUS LARGIATUR.

# CAPUT XXXII.

**D**E Veneris moribus loquēs Hali, dicit. Quando Venus fuerit significatrix spiritus nati, separatim & per se, & fuerit in bono statu, procreat natum quietum, mansuetum, bonum, minimè vitiosum, lymphidum, bonarum cogitationum, is etiam amat saltare, & est magnus Zelotypus, rixas abhorret, amator magisteriorum, & subtilium operum, bonæ formæ, bonorum signorum, veridicorum & bonorum somniorum, facit se diligi ab hominibus, factor boni, pius, benè dat, & benè accipit, fœlix, & communiter major pars suæ voluntatis erit in causis mulierum. Maternus. Venus facit homines delectabiles, lætos, assiduo luxui vacantes, amabiles, gratos, venustos, amatores, libidinosos, justos, pios, apud quos integra, & incorrupta amicitiae vicissitudo permaneat, potumulto gaudentes, ac parvum cibum sumentes: omnes

Omnes cibos facillè digerunt, qui semper venereos coitus, & crebrò cupiditates ardore desiderant, in omni vita nobiles, & mundi, & quorum vita, animus & institutum musicis semper delectationibus inhærescant. Tùm balnea, fuci, odorataque opobalsama, gratia, jocus, *Camenæ*, in chorumque locupletatus applausus. Significat quoque formosas inprimis virgines, jocosâ sponsalia, amores, elegias amatorias, indignationes, insidias, querelas, pacis rursus atque amoris redintegrationes. Significat etiam convivia, jentationes, dulciaque tragemata, sive bellaria, & quicquid sapore dulce, ac volupe est. Significat etiam mutuam hominum dilectionem, pietatem, fidem, credulitatē, summamque in omnes humanitatem. *Hali*. Cantores & lepidos facit, omnes amicos habent, florū & munditiarum amantissimi, cuticulam splendidam curant, sibi ipsis placent, statum corporis decorum habent, molli capillo, in cute delicatulo, gignendæ proli, & propagando generi deditissimi, pietatis, & misericordiæ studiosissimi, viuentes ociosè, & delicatè, delectabitur muliebribus ornamentis, utetur pro ornamento sui corporis pulchris indumentis, & mundis. Magisterium ex eis, erit perfectè perficere, & sine labore. Erit homo ludi, risus, alacritatis & gaudii, libenter delectabitur societatibus, comestionibus & potationibus, confidens aliis, & sæpè deceptus. Erit larg⁹, & cupit audire sonos, erit suavis moribus, & bonus aulicus, induet vestimenta alba, sapores diligit onctuosos, benevolus, dulcia & mollia effudit ver-



ba, dulcissima habet eloquia, oscula jungit amica.  
Corporis & sui vultus studiosissimus, pulchris figuris delectabitur, & odoribus, facile ad fletum pronus, ob id & misericors.

Mulieres, quæ Veneream formam sortitæ, hæ sunt, quæ ex antiquis & recentioribus historiis suppetunt. Helena, ut Dares Phrygius narrat, similis fratribus fuit Castori, & Polluci, capillo flavo, oculis magnis, facie pura benè figurata, corpore deducto, ore pusillo, cruribus optimis, inter duo supercilia nævum habuit. Cornelius Nepos ita vertit.

*Tyndaridis geminis geminum nihil, unicus ambos  
Oris honos ambit, similis flavescit utriq;  
Crinis, par hilares auget risus in orbes.  
Æquis membra modus, concordæ pectora motus  
Conciliant, spirantq; unum gena, lumina, mores  
Sola pares variis presumunt nomina formas  
Distinxisse notis, aut victor vindice vultu  
Eludit dubios error, vocumq; repugnans  
Disidio, alterno confundit nomine nomen.  
Inclita cognatos æquat Spartana Lacones  
Vultu, crine, genis sociæ cunabula stirpis  
Paroris testatur honos, at plenius haurit  
Sidereum Ledeæ Jovem, totoq; per artus  
Lacta materni spirant mendacia cygni.  
Nativum frons fundit ebur, caput e xerit aurum  
Æquatis crinale comis, gena candida byssum  
Æquat, dextra nivem, dens lilia, colla ligustrum  
Auris in expleto crispata volumine, visus  
Excubitor, nasusq; vagi venator odoris.*

*Poscunt*

*Poscunt alternum titulo certante triumphum.*  
*Productum modicè mentum candescit, & alta*  
*Lenius ut pressis insidant basia labris.*  
*Parcius in roseum consurgunt ora tumorem.*  
*Fundit apex humeros pressum tegit ubera pectus,*  
*Ilia succingit levitas, tractusq; lacertos:*  
*Pes brevis incesu terram libante supino*  
*Lascivum suspendit iter, currumq; decora*  
*Mobilitas compto libramine ponderat artus.*  
*Sola supercilis labes interflua raris,*  
*Andaci macula tennes discriminat artus.*

Fuerunt & apud nos nobilissimæ mulieres, Veneris formam referentes, ut ipsæ Veneres essent, sed omnes lasciviæ deditæ, jocos, choreæ, cantibus, & sonis, deliciisque vitam, pugionibus, vel veneno periëre, etiam me admonente, ac præsagiente.

**QUOD EJUS MORES EX CALIDA**  
 & humida temperatura proveniant.

### CAPUT XXXIII.

**G**alenus libro de usu partium ait, ex sanguine principaliter fit sperma. Et in librum Hippocratis de natura humana, ut non immeritò calidi & humidi temperamenti homines sint luxuriosi, & perpetuò coitu gaudentes, fornicatores usque ad mortem, ideò fervidi, & ad sobolem procreandam idonei. Propterea sanguinea temperies, sive calida & humida, ut superius diximus, facit natos delectabiles, assiduò luxui vacantes,

amabiles, gratos, pios, misericordes, bonos, amicos, multo potu gaudentes, delectantes musica, odoribus, & sui corporis ornamentis sumptuosos, pulchris, & mundis, & cultu suæ faciei: nam formosi videri desiderant. Et ex eo dicit Galenus de dynamidiis libro, sanguinem homines blandos facere & formosos, sanguinemq; etiã bonum facere animum, simplicem, modestum, & blandũ.

*DE MORBIS, QUOS DAT VENUS,  
non ex stella, sed è qualitatibus.*

CAPUT XXXIV.

**A**strologi morbos Venerem præstare ajunt, qui accidunt in membris genitalibus, quando est malè affecta. Ob id Maternus ait, vitia facere circa naturalia, & necessaria, mortes verò notas, gloriosasque decernit. Morbos circa genitalia, gonhorream, obstructionis rerum, vesicæ, uteri, & pudendorum dolores. Nos autem dicimus, quòd luxuriosi usque ad mortem luxuriantur, & luxuriosi cum meretricibus versantur, ut facile ejusmodi morbos contrahant.

*DE INFÆLICI VENERIS FORMIS, moribus & morbis.*

CAPUT XXXV.

**Q**uæ de Jovis forma infælicis, moribus & morbis diximus, scilicet illicita stupra, incestus, adulteria & cætera id genus, eadem de Venere imaginandum.

*D E*

*DE FORMA, QUAM MERCURIO  
Astrologi ascribunt.*

CAPUT XXXVI.

**M**ercurius quando Orientalis existit, referente Ptolomæo, natus erit coloris mellis, eritque in quantitate corporis moderatus, aptæ coadunationis, parvorum oculorum, capillos habens mediocres. Maternus. Si Mercurius dominus genituræ fuerit, facit semper corpus modicum, & gracile, & quorum faciem tenuis pallor inficiat, oculos verò pulchritudinis honestate exornat. Hali. Facit hominem pulchræ apparentiæ, & compositæ staturæ. Et alibi. Quando fuerit Orientalis, facit colorem nati sicut mellis recentis, & est modici corporis, parvorum oculorum, mediocrium capillorum. Dicitur etiam de Mercurio, quod est coloris viridis, mixti cum bazitate capillorum mediocrium, villosus, angustæ frontis, crassarum aurium, pulchræ faciei, natis compositæ, superciliorum conjunctorum, amplorum membrorum, & blandorum, minorum dentium, raræ barbæ, macer, boni status in corpore, in incessu suo est passuum minorum, ac minorum membrorum, patiens. Messahala. Homo erit non albus, nec multum niger, habens frontem elevatam, faciem longam, nasum longum, oculos pulchros, non ex toto nigros, raram nigramque barbam in maxillis, longos habens digitos. Abdila. Homo gracilis corporis, staturæ sæpius mediocris, habens pulchram barbam, & rarâ, & parvâ,

subtilia habens labia & nasum. Bonatus. Color castaneolus, sive olivaceus, membra satis apta simul coadunata, oculos parvos, capillos mediores, tam in quantitate, quam in colore, in cujus complexione prævalet caliditas. Hali. Parvum dat corpus, gracilem faciem, & pallidam, oculis parvis, & pulchris, puerile quoddam referentibus.

*QUOD RECTIUS EX IPSO STELLÆ aspectu Astrologi Mercuriales possent judicare.*

### CAPUT XXXVII.

**S**I quis in cælum oculos sustulit, videbit in eo Mercurialem stellam, in qua omnium colorum mixtura reliquorum planetarum renitet. Videbit in ea Saturni luridum, Martis ignem, Jovis candidum, Veneris flavum, nec non utriusque nitor, hilaritasque, & ob id non peculiaris formæ, sed eorum formam capit, cum quibus associatur, ob id in describendo ejus colore Astrologi differunt. Alii dicunt Mercurio non esse faciem unam, ut qui virorem quandoque repræsentat, nunc fuscenedinem, nunc aliud, quod crocei coloris aliquid ostendet, ob id in Mercuriali colore describendo omnes sunt differentes. Ptolomæus natum facere dicit mellini coloris, vel subnigri, vel crocei participantis, & oculi colorati, ut caprarum oculi. Sed Maternus pallida dicit facie. Messahala, non album, nec nigrum clarum, oculos non ex toto nigros, nigramque barbam. Hali verò. Mellini veri

veri coloris, oculi nigri. Est autem stella aspectu parva, vel non magna, ob id corpore parvo, puerili, & parvorum oculorum, intra cavos orbes recessorum, subtilia labia & nasus, & cætera membra parva, minutorum dentium, exilis vocis, angustæ frontis, & minutorum membrorum: est enim vivissimi luminis cæterorum planetarum, ob id acuti intellectus hominem facit, non festinus in motu, sed moderatus ut Sol, ob id moderatus erit natus in incessu, & minutorum passuum.

*QUOD MERCURII FORMA EX  
ipso proveniat temperamento.*

CAPUT XXXVIII.

**N**obis Ptolomæus insinuat Orientalem Mercurium calidum, Occidentalem verò siccū. Quidam sentiunt potius frigidum & siccum, unde ex siccitate corpus fit gracile, & pinguedine carens, macilentus. Et ex nimia siccitate oculi fiunt cavi, & interius positi, sic & labia subtilia, & vox exilis: oculi crocei bile tincti sunt, idque ex nimia siccitate provenit, ut sunt oculi caprini.

*MORES, QUOS MERCURIUS  
largitur.*

CAPUT XXXIX.

**H**Ali inquit. Si quando Mercurius fuerit significator spiritus separatim & per se, &

E 4

fuerit in bono statu, facit natum subtilis intellectus, & cogitationis, ac benè figurandi, & retinèdi omnes rationes, sicut gesta, & relationes gestorum. Hic etiam lucra diligit mercimoniorum, benè ratiocinatur, & loquitur, in naturalibus rebus versatur & perquirat res, benè intelligibilis & acutus, & dominabilis. Amat scientias, maximè quadrivium, scrutator secretorum, & fœlix. Ex Materno. Genituræ dominus si fuerit Mercurius, facit cordatos, ingeniosos, cuncta discantes, modestos, & omnia artium secreta discere cupientes. Modicum cibum potumque sumentes, ex quibus omnium scientia literarum meritò conferatur, & qui propter literas, & propter docti sermonis ornatum assiduis soleat legationibus fungi: & quos secretarum, ac religiosarum literarum areana delectent: facietque magistros, aut Grammaticæ artis, aut Oratoriæ, aut physicarum literarum interpretes, ac magistros, & qui omnia negotiationis officia facili ratione pertractent, accipientes pariter, & dantes, & exhibentes facili commercium. Erunt sanè in omni negotiatione solliciti, utiles, & qui substantiæ facultates suis juribus colligant patresfamilias, sanè ab omni luxuriarum sepoliti voluptate, iusti, sibi vacantes, & à cōversatione publici strepitus separati, & qui omnes religiones quadam animi trepidatione suscipiant. Alibi Mercurius commixta est naturæ, aut ei cui pariter commiscetur, vel aliqua forti radiatione conjunctus p̄fomiscuo commixtionis assensu, non difficulter adhærens: ejus significatur peritiâ, ingeniû, ratio, faciundia, iracundia,

cūdia, deceptio, jocosūq; furtū. Tūm enthymemata, syllogismi, sophismata, Poëtica, Musica, astronomq;, & totius Matheseos perscrutatio. Significat fideles amicos, vates, sortilegos, augures, ac divina interpretatione decoros, mercatores quoque, legatos, Oratores, & qui fraudulenta sapius calliditate decipiant. Significat etiam cujusque artis lucubrationes, rerum occultarum, ac secretorum inventionem, blandum sermonem, sanū consilium, delicias, voluptates, ambitiones, quæstus, ac æraria tributa, & quicquid gloriæ potius, quàm utilitatis causa conquiritur. Tūm simulatā conciliationem, dubium atq; involutum affectū, vilem animi commiserationem, ingratam vocis modulationem, sed in omni acuto cujusque artis opificio solertem manum, accommodatissimumque ingenium, tūm ad rerum occultarum miram inventionem, tūm ad earum celerrimam perfectionem.

*EJUSMODI MORES A TEMPERAMENTO, non à sydere provenire.*

CAPUT XL.

**G**alenus ait biliosos homines esse acutos, lenes, ac macilentos; Astrologi Orientalē Mercurium calidum dicunt, ideò Galenus biliosos, calidos, & siccos dicit quàm plurimis in locis. Oculi crocei & capilli flavi idem arguunt. Præterea Galenus in libro dogmatum Hippocratis ait, bilis est sensus acuere. Et libro de anatomia vivorum



fuerit in bono statu, facit natum subtilis intellectus, & cogitationis, ac benè figurandi, & retinèdi omnes rationes, sicut gesta, & relationes gestorum. Hic etiam lucra diligit mercimoniorum, benè ratiocinatur, & loquitur, in naturalibus rebus versatur & perquirat res, benè intelligibilis & acutus, & dominabilis. Amat scientias, maximè quadrivium, scrutator secretorum, & foelix. Ex Materno. Genituræ dominus si fuerit Mercurius, facit cordatos, ingeniosos, cuncta discētes, modestos, & omnia artium secreta discere cupientes. Modicum cibum potumūc sumentes, ex quibus omnium scientia literarum meritò conferatur, & qui propter literas, & propter docti sermonis ornatum assiduis soleat legationib<sup>9</sup> fungi: & quos secretarum, ac religiosarum literarum aræana delectent: facietque magistros, aut Grammaticæ artis, aut Oratoriæ, aut physicarum literarum interpretes, ac magistros, & qui omnia negotiationis officia facili ratione pertractent, accipientes pariter, & dantes, & exhibentes facillè commercium. Erūt sanè in omni negotiatione solliciti, utiles, & qui substantiæ facultates suis juribus colligant patresfamilias, sanè ab omni luxuriarū sepositi voluptate, iusti, sibi vacantes, & à cōversatione publici strepitus separati, & qui omnes religiones quadā animi trepidatione suscipiant. Alibi Mercurius commixtæ est naturæ, aut ei cui pariter commiscetur, vel aliqua forti radiatione conjunctus pfomiscuo commixtionis assensu, non difficulter adhærens: ejus significatur peritia, ingeniū, ratio, faciūdia, iracundia,

cūdia, deceptio, jocosūq; furtū. Tūm enthymemata, syllogismi, sophismata, Poëtica, Musica, astrorumq;, & totius Matheseos perscrutatio. Significat fideles amicos, vates, sortilegos, augures, ac divina interpretatione decoros, mercatores quoque, legatos, Oratores, & qui fraudulenta sapius calliditate decipiant. Significat etiam cujusque artis lucubrationes, rerum occultarum, ac secretorum inventionem, blandum sermonem, sanū consilium, delicias, voluptates, ambitiones, quæstus, ac æraria tributa, & quicquid gloriæ potius, quàm utilitatis causa conquiritur. Tūm simulatā conciliationem, dubium atq; involutum affectū, vilem animi commiserationem, ingratam vocis modulationem, sed in omni acuto cujusque artis opificio solertem manum, accommodatissimumque ingenium, tūm ad rerum occultarum miram inventionem, tūm ad earum celerrimam perfectionem.

*EJUSMODI MORES A TEMPERAMENTO, non à sydere provenire.*

CAPUT XL.

**G**alenus ait biliosos homines esse acutos, lenes, ac macilentos; Astrologi Orientalē Mercurium calidum dicunt, ideò Galenus biliosos, calidos, & siccos dicit quàm plurimis in locis. Oculi crocei & capilli flavi idem arguunt. Præterea Galenus in libro dogmatum Hippocratis ait, bilis est sensus acuerē. Et libro de anatomia vivorum

ait, virtus moralis dicit evenire inconstantia, subtilitas, & acuitas, solertia, audacia, elevatio, memoria, & velocitas responsionis. Et libro de natura humana. Animi acuties & intelligentia per succum biliosum, & sic sexcentis aliis in locis. Ob id istos Mercuriales cordatos dicunt, & intelligentes, & omnia secreta discere cupientes, faciliusq; perdiscunt Rhetoricam, & Grammaticam, scilicet sermonis ornatum, & ob id frequentibus legationibus funguntur. Humor acutus est, & ob id sollicitos reddit, præsertim cogendarum divitiarum. Et quia ficci, non luxuriosi, & non nisi ad illicitam, & profanam libidinem invitantur: ob id uxores & filios spernunt, & quia ficci sunt, avidi, parci, subeuntes pericula, & labores propter lucrum.

En Joannis Pyci Mirandulani effigies.

Fuit Joannes Pycus Mirandulanus, coloris fulvi, gracilis, ac commensuratae quantitatis corporis, oculis parvis, flavis, facie obducta, naso prælongo & tenui, tenuibusq; labiis, facie puerili, sed tam decora, ut ferè angelica videretur. Fuit & tanta ingenii altitudine & memoria, ut meritò inter mortales Phœnicis nomine appellaretur, incōparabili in disputando & scribendo facundia, ut omnes à scribendo deterreret. Philosophus, & Mathematicus, Theologiæ arcana perquisivit. Fuit & lectissimus moribus & animi candore, celebs vixit, ut virgo moreretur, modici cibi & potus. studiis & vigiliis fatigatus, juvenis interiit.

Uliſſes ex Darete ita describitur à Nepote,

*Ore*

*Ore hilaris, modiceq; humiles collectus in armos  
Dux Itachus prudens, consultum pendere, gnarus  
Obliquare dolos, doctus captare loquendo.*

*DE MORBIS, QUOS DAT MER-  
curius, & de Physicis rationibus.*

CAPUT XLI.

**I**Nquit Maternus. Patientur Mercuriales animi  
ægritudines, parvipendendo magna, & magni-  
ficando parva, cogitationes horribiles, & mentis  
inquietationem, & debilitationes, ut aliquando  
dementes videantur. Sed hi morbi non à stellis,  
sed flavæ bilis alumni sunt, Galenus libro de utili-  
tate respirationis. Ex flava bile fit phrenesis, ex li-  
bro de locis affectis, delinamenta.

*INFOELICIS MERCURII FORMA,  
mores, & morbi.*

CAPUT XLII.

**P**Tolomæus. Mercurius si fuerit Occidentalis,  
erit subnigri coloris, croceiq; participans, ma-  
cilentus, vocem habens exilem, & cava orbis, &  
erit ipsorum oculorum pupilla velut pupilla ocu-  
li caprini declinans rubedini. Leupoldus. Si Mer-  
curius erit Occidentalis, erit subniger, crocei co-  
loris, communiter macilentus, vocis exilis, comis  
orbatus, & pupilla est declinans ad rubedinem, ut  
capræ, siccitas in eo prævalet. Hali, Sed si fuerit Oc-  
cidentalis, erit ejus color inter bazum & croc eū,  
macer, subtilis vocis, oculorū profundorū, & eo-  
rum

rum pupillæ assimilantur pupillis caprarum, tendentium aliquantulum ad rubedinem. Et in ejus complexione vincit ficitas. Si verò planeta fuerit in diverso statu; producit natum fraudulentum, loquacem & vanum, hic etiam nititur aliis persuadere, quod ipse non credit, voluntatem & consilium suum sequitur, facile permutatur, levis in sensu, citò divertitur à proposito, stultus, multi erroris & manifesti, convertibilis in factis suis. Dicit alibi. Si fuerit malè affectus, vel si cum Saturno communitatem aliquam habuerit, inanibus artibus dabunt operam, neq; veræ, neq; legitimæ chymix, & à cōmuni lege seorsum variant, miras fabellas sibi fingentes, alias sibi narratas credunt, alias ipsi narrant, semperque in chimæris, & vanis cogitationibus versantur, libenterq; audiunt commenta de dæmoniis, ac spectris. Simulans meliorem esse, quàm sit, magis diligit amasias, quàm uxores, lasciviis illicitis deditus, & devotus, Maternus. Si maleficarum stellarum fuerit minaci constellatione consternatus, humoribus vitia decernit, & si Luna fuerit malè collocata, spatiosos, lunaticos, aut caducos facit, & mors illi, aut ex aquis, aut ex humoribus semper infertur. Hali. Facile corripuntur comitiali morbo, insania & lunatici efficiuntur, morbis contagiosis corripientur, impetigines, vitiligines, elephantiafes, lepras perpetientur. Dicunt præterea, quòd si Mercurius cum Hyadibus, & Pleiadibus, aut Orionis stellis simbola habuerit, quæ stellæ maleficæ sunt (Nos autem dicimus, si bilis illa flava cum atrâ melancholia juncta fuerit) erunt turbidi in-

genii, habebuntque turbidam, & obscuram mentem, non longè à mania: ob id inanibus, & nefariis artibus dabunt operam, in divinationibus Necromantiæ, Chymix, & ejusmodi scientiarum desiderio tenentur, semperque in chimæris, & vanis cogitationibus versantur, libenterque audiunt, loquunturque de spectris, strigibus & dæmoniis. Sed id non ex stellarum conjunctionibus, sed ex humoribus turbidis, atrabiliariis, melancholicis. Siccitatis enim & melancholiæ est trahere ingenium ad pejora. Suntque visu pallidi, crocei, macri, hirsuti, & horribiles. Contra verò qui clavis humoribus, ut bile, & sanguine scatent, nobilissimi ingenii sunt, Philosophiæ, Theologiæ, & Mathematicarum scientiarum secreta rimantur, iisque nobilissimis scientiis operantur. Hi nidulos ructus expectorant, sudorè insipidum exhalant, lotium pallidum, croceum ex terra reddunt. Si autem jungatur cum Luna, id est, cum humiditate, id est, cum pituita, videlicet humida de causa, fiunt convulsiones, & morbi lunares, ex Galeno.

*DE CORPORIS FORMA, QUAM  
Genethliaci Lunam præbere dicunt.*

CAPUT XLIII.

**P** Tolomæus Lunæ non tribuit formam, sed juvare in temperie, macie, vel humiditate: Eadem ab eo Leupoldus, & Maternus. Sed alibi. Bene disposita Luna facit homines corpore magnos, sed

sed tamen proportionatos scilicet, etsi corporatos, honesta tamen corporis pulchritudine venustat, multum cibum fumentes, paucopotu gaudentes, sed impeditos oculos facit. Corpus dat candidum, sed quadam macularum varietate signatum. Messahala. Luna Orientalis facit hominem album conjunctum cum roseo colore, vergentem in macilentiam, supercilia benevola, oculos non ex toto magnos, faciem rotundam, staturam ex toto pulchram. Abdila. Hominem facit mediocris staturæ, rotundæ faciei, habebit oculum percussum, vel erit strabo, vel oculorum orbis alter altero altior, tandem alter oculorum vitio carebit. Sed in mulieribus dexter oculus, in viris sinister. Hali. Luna facit albos, pulchræ faciei, pulchrum aspectum, pulchræ barbæ, clari coloris, & lati corporis.

### QUOD RECTIUS GENETHLIACI

*cælum aspicientes de lunari forma ex ipsius sideris aspectu decernere potuissent.*

#### CAPUT XLIV.

**S**ed quæ isti de Lunari forma decreverunt, & de moribus ab eo provenientius, quod diuturna experientia consecuti sunt, si altius inspexissent, illicò certiori & colorationi fortasse causa de crevissent. Quia magnum sui corporis specimē præbet inter planetas, ob id benè disposita, magnos corpore homines facere: & quia pfectæ globositatis, rotundæ, exactæq; circinationis & proportion-

portionis, ob id homines, etsi corpore magnos, proportionatos tamen, faciem rotundam, & oculos & magnos. Luna est facie albicanti, in qua non nihil palloris, totumq; corpus quibusdā maculis variegatum, ob id homines albos non conjuncto colore roseo, sed ad pallidum vergenti, & corpus quadam macularum varietate signatum, viros in quāmplurimis obfignavimus, & præcipuè sœminis, nam delicatioris cutis, & nitidioris candiditatis sunt. Velocissima est planetarum, nam vigintioctò dierum spatio suum perfecit orbem, diversisq; faciebus apparet, singulisq; hebdomatibus sui luminis vices semper variando disponitur. Primis septem diebus, veluti divisi orbis, excrescit, di chotomos Græcis dicta, altera totum orbem renascentes ignes colligendo jam cōplet, tertio item ad medietatem decrescendo cōtrahitur, quarto sui luminis diminutione minoratur, amphicortos, vel utrinque gibba. Unde nunquam in eodem statu permanet, ob id instabiles homines & mutabiles propositi facit, & qui variis rebus delectentur, quique semper peregrinari concupierint, idque ob id faciei mutationem, luminisq; & motus. Et quia albicantis luminis, humiditatis indicium, quod verò quippiam sit nigricantis, frigoris signum dicunt. Sæpissimè eclipsin patitur, lumineq; orbatur, ob id strabos efficit, vitiatos aut nebulosos oculos, aliquando orbatur tota lumine, aliquando ejus pars, ob id sæpissimè homines toto visu orbatos, aliquando strabos & lumine vitiatos. Ut idē facere videntur alia sydera nebulosa, ut Aselli, Pleiades, & similia.



**QUOD HUMANI CORPORIS DIS-**  
*positio non à Luna, sed ab ipso proveniat tem-*  
*peramento.*

CAPUT XLV.

**S**ed quam ipsi Lunarem corporis formam nuncupant, naturales rectius frigidam, & humidam, vel phlegmaticam temperiem dicunt: dum sapissimè talem usurpent complexionem: nam inter planetas varias habet qualitates. Ptolomæus verò, Artefius, & Archofalus dicunt: Luna à cōjunctione Solis usque ad primam quadraturam humida est, ad oppositionem deinde usque calida & inde usque ad aliam quadraturam sicca, & usque ad conjunctionem postea frigida. Sed Astrologi ejus formam describentes frigidam & humidam dicunt. Frigida igitur, & humida qualitas facit homines pingues, magnos, carnosos & rotundos: est enim humiditatis privilegium rotundare mēbra, ut diximus in Physiognomonicis, & ex frigiditate pilorum carentia, color albus: Sed si multa adsit frigiditas, albedo ad livitatem tendit, & facit ad coitum impotentes, parum comedentes, & minimè digerentes. Præterea humidi cerebro strabismum sapissimè patiuntur, generatur enim oculi ex humido, & ex humido constant. Est enim strabismus aliquorum musculorum resolutio, quam ex humiditate provenire Galenus libro de Symptomatum causis dixit. Et libro de dynamidiis dicit, quòd phlegma facit corpore compositos, vigilantes, intra se cogitationes, & canos produ-

producentes. Sed cur in mulieribus dexter oculus strabus, ita in viris sinister, querenda est causa. Dexter oculus dextra utriusque pars calidior est sinistra, fœminæ multò hominibus humidiores. Si viris strabismus acciderit, quia calidiores, in debiliore oculo patiuntur, id est, sinistro, si fœminis, quia humidissimæ, etiam dextro potest accidere.

Andromacha, claris oculis, candida fuit & formosa, corpore longa, moribus modesta, sapiens, pudica & blanda. Nepos.

*Forma, modus, pietas, sensus pudor auctius ornant*

*Andromachen, erecta humeris, visuq, serenam.*

Ut ex Darete habetur.

A Luna enim corporis candor, vel à phlegmate, & magna alicujus corporatura & formositas, & eodem phlegmate nulla Veneris tentigo, ob id pudica, mitis, blanda, & sapiens.

## DE MORIBUS, QUOS DAT

*Luna.*

### CAPUT XLVI.

**H**Ali dicit humidam complexionem dare, ob id bonos mores, & amantes quietis. Maternus. Lunæ significatio, forma, gaudium, gloriæ affectatio, debilis in sensu, tenuis memoria, mendacia, dilatationes, assentationes, multa edacitas, sed exigua Veneris tentigo. Significat etiam leves, rerum aquaticarum præcipuè negotiatores, negotiorum initia, & merita ex eis præmia, facultatum diversarum, honorumque consecutores; legum

ac bonarum artium diligentes, cultores, & omnium rerum excellentissimarum dignissimos exploratores: aquarum opera, terræ cultum, Principum ac primatum negotia, in prima maxima juventute summam religionem, sed minimè constantem, firmamque in ea perseverantiam. Abdila. Luna facit hominem nullius utilitatis, qui die, ac nocte ire desiderant huc, illuc, nec leviter stabit alicubi. Erit instabilis, & non perseverans, habet ex operibus legationes, opera, aquarum, & terræ cultum. Guelius dicit facere mulieres honestas. Maternus dicit facere homines inæquales vitæ, qui pro temporum mutatione mutantur, ut eorum patrimonium assidue augeatur, & rursus minuatur. Commorabuntur in aquosis locis, multum cibum comedentes, & paucò potu contenti: uxorum & filiorum amoribus non proni. Hali n. Honestus, itineribus pronus, vitæ variationis inæqualis, vivet extra patriam, induet vestes albas.

**QUOD EJUSMODI MORES NON**  
*ex Luna, sed ex humido, frigidoque*  
*temperamento.*

#### CAPUT XLVII.

**Q**ui frigidi, parum sunt in coitu potentes, ob id casti, & religiosi, odioque habent uxores & filios. Poëtæ fingunt Dianam, quam dicunt Lunam, esse virginem, horrere luxuriam, & Deam esse pudicitiae. Finxerunt etiam viarum præsidem, quia

quia viatores & legatos facit. Venatricem, cum venatores loco stare nesciant. Galenus phlegmaticis proprietatem esse facere homines castos, sine coitus desiderio, & tacitos. Et quia frigidi, cupiunt cibos, & quia humidi, spernunt potum. Quia frigidi & humidi, sunt complexionis mulierum, & mulieres timidæ & imbecilles. Mutabilis consilii, & propositi, & nunc stare, nunc ambulare desiderant, nunc bona augere, nunc minuere. Ex humiditate eorum taciturnitas, & morum bonitas, ut imbecilles, timidiq̃ue, nemini officere putantes. Diligunt loca aquosa, quia à suo simili quodcunque trahitur. Albis vestibus utentur, ex natura phlegmatica id evenit, quæ alba est, & alba videre desiderant, ob id suæ ad alba libenter trahuntur, quia phlegmate redundant. Sic biliosi croceis vestibus, ut cervi, & tauri rubeis, quia sanguinei, sic melancholici atris, ex humore, quo afficiuntur, ut latius in Physiogn: Sunt phlegmatici, mente leves, & ingenii celeris, ut diximus.

## *MORBI LUNARES QUI.*

### CAPUT XLVIII.

**J**ulius Firmicus corpus macularum varietate signare dixit, lepra, ut malignis ulceribus, in corpus ipsum assidua contorsione deformat. Senili debilitat imbecillitate, impedimentis oculi officiet, vel vulnere dedecorat. Dat epile

& vultus contorsionem, & quæ pertinent ad paralyfin, præfertim quæ fit in lingua, labiis, & oculis, & membrorum contorsiones.

*QUOD HI MORBI NON A LUNA, sed ab humiditate & phlegmate redundant.*

### CAPUT XLIX.

**G**alenus in libro de locis affectis, & aliis locis. Oribasius in octavo, Paulus Aegineta in tertio libro dicunt, quod origo vitii apoplexiæ, & paralyfis linguæ, oculorum, & aliorum membrorum fit ex frigidiore pituita, quæ principalissimos cerebri ventriculos repleat. Et Galenus libro de Symptomatum causis ait, linguæ paralyfis ex frigiditate, & crassis, lentisque humoribus. Sic & mandibulæ contorsio, ex eadem causa apoplexia, quasi totius corporis paralyfis. Et libro de oculis. Paralyfin oculorum ex humidissimis humoribus ad nervos defluentibus provenire,

JOAN.

JOAN. BAPTISTÆ  
PORTÆ NEAPOLIT.  
COELESTIS PHYSIOGNOMONIAE  
LIBER TERTIUS.

P R O E M I U M.

**D**IXIMUS de simplicium planetarū formis: nunc de compositis. Rarò enim, vel nunquam evenit, ut solus planeta genitura dominus sit, sed duo, vel tres, vel simul omnes de genitura disponent, & sic formati de omnibus formis participabit, unde non de uno solo, sed de simul omnibus iudicium futurum, sicut autem in imaginibus artifex pictor lineamenta membrorū ex varia mixturarū diversitate presignat, & temperatis coloribus corporis formā imitatione similitudinem facit: Sic & stellarū conjuncta radiatio societatis consensu pariter temperata vim quandam vicissim ex conjunctis sibi potestatibus mutuatur, & substantiā sibi ex diverso ignium colore collatam ad hominum mores & morbos, picturas inde aequalia societates moderatione depingit. Hec inquiunt Astrologi. Sed res se aliter habet, nam quæ ipsi ex planetis, nos ex humoribus dicimus: nam satius rarenter homo unius honoris erit predominium: nam interdum duo vel tres, vel simul quatuor omnes complicati, & eorum quoque genera, & formæ ex horum mixtione variabit, unde etiam & mores, & morum prognostica. Sed à Saturno incipiamus.

DE MIXTIONE SATURNI  
cum alijs planetis.

CAPUT PRIMUM.

**E**X Messahala. Si Saturnus fuerit compar cum Jove, etiam Orientali, facit hominem habentem faciem verè albam, crinis color castaneolus, vel mellinus cum laudabili decentia, oculi ejus subnigri, mediocris quantitatis, erit semicalvus, aliqui dentium non verè albi. Capilli semicrispi castaneæ coloris, pili non prorsus nigri, eruntque inter raros & crispas. Et si alter Orientalis, alter Occidentalis, erit aliquid infra hoc. Si uterque Occidentalis, multum infra hoc: & natus habebit colorem pulchriorem, quàm sit mellinus: tenentes oculos in terram eundo, pedes recurvos, & jungit eos, cum vadit, oculos non magnos, juncta supercilia, cutem non recentem, quasi siccam, labia grossa, venas apparentes, barbam non spissam, capillos asperos, multos. Hali verò. Si Saturnus fuerit in convenientia cum Sole, & in bono statu, & similiter Juppiter in bono statu, natum gignit religiosum, & qui ornat, & amat senes, & est mansuetus & quietus, boni consilii, ac bonæ opinionis, auxiliator, à Regibus & nobilibus cognitus & honestus: quod in animo habet, hoc vult ostendere, dator, bonus elector, amator aliquorum, intelligens, patiens, & Philosophus. At si hi planetæ fuerint in diverso statu à jã dicto, producant natum nescientem uti bono, ut qui caret perfectione sensus, & delectatur phantasmatis

tibus, & diligit Ecclesiis commorari, futura prædicat, abhorret filios, amicum habere non potest, non associatur hominibus, nullus confidit in eo, nescius, perfidus in rationibus, gloriatur sine ratione, honorem non diligit, amat plorare, malæ conceptionis & electionis, solitarius, patiens, laboriosus & tædiosus. Maternus ejusmodi mores decernere dicit. Vita claros, nobilem, omnemq; felicitatem, erit anima nati justa, senes decrepitos libenter honorabit, eritque sani consilii, aliis libenter subserviet, & juvabit, largitor, magnanimus, patiens, quietus, intelligens, amicorum amator, & Philosophus. Leupoldus. Si Saturnus Jovi assimiletur, erit natus commendabilis, justus, honorabit socios, & erit sani consilii, adjutor Regis, donator, bonæ memoriæ, dilector amicorum, quietus, intelligens, patiens, Philosophus.

Si Saturnus cum Marte participabit, facit hominem non benè rectum, semigrossum, color erit subniger, participans quadam non decenti rubedine, habebit aliquando in facie aliquas indecentes maculas, pili ejus semirari, capilli non multum nigri, imò erūt participantes quadam obscura rubedine. Hali. Si Saturnus compar fuerit cum Marte, & ambo in sua doryphoria, sicut diximus, procreant natum audacem, parvæ conceptionis, impium, nebulonem in rebus & factis suis, litigatorem, & qui se exponit magnis periculis, & infortuniis, nō considerat causam aut verba, quæ dicit, servat iram, ac inimicitias: non excusat se.



re, quæ accidit ei, facit homines laborare, vincere diligit, inobediens, exaltat se super Reges, & Principes, amat litigare & vincere, cogitationum profundarū, tenax in faciendo gratiam & serviuti, & in associando, insultor, & deceptor, ponderosus, factor mali, hominib<sup>9</sup> malefaciens, debilitat<sup>9</sup>, firm<sup>9</sup> nō pmutabilis, ponit se adversus magna & fortia pericula, & ab illis citō revertitur, festinans in rebus & factis suis, & generaliter prosper: Sed si ibi planetæ fuerint in diverso statu à jam enumerato, educunt natum deprædatorem itinerum, malum, abjectum, mali status, sequentem malum lucrum & turpe, non amicitiam habet cum aliquo, deceptorem amicorum, infidelem, homicidam, rixosum, turpium fornicationum, necromanticum, raptorem mortuorum bonorum. In summa malus est, malique status. Maternus. Facit moribus tristes, laboriosos, sordidos, humiles & gloriosos, & qui assidue lugubri tristitia sordidentur. Messahala. Facit hominem rubeum, capillos rubeos, faciem rotundam leviter eam dehonestantem, habentem oculos croceos, horribilem aspectu, audacem, habentem in pede signum, vel maculam. Dorotheus. Hominem dat aspectu acutū, participem audaciæ, perseverantem in superbia, negotiorum vanitas festinando. Abdila. Curvū habet corpus, & nasum, facit hominem schismaticum, id est, discordias seminantem, in cujus facie color rubeus, mixtus cum nigro, sed horribilis: habet aliquando in facie grana rubea, & raros pilos barba.

Satur-

Saturnus cum Sole junctus facit hominem habentem staturam declinantem potius ad latus majoritatis, quam ad latus minoritatis, cujus color erit quasi æmulus, ita quod videbitur quasi participare posse cum omni alio colore, potius tamen cum subnigro, eritque decentioris staturæ, quam cum aliquo aliorum planetarum, eritque semicarnosus, habens oculos semigrossos, barbamque semiplenam, capillos castaneolos, sive mellinos, inter semicrispos & extensos, & addit Sol aliquid de pinguedine corporis nati, atque pulchritudine & in ipsis forma præ cæteris planetis. Et si Sol fuerit Orientalis, addit aliquid de magnitudine corporis, & si fuerit in combustione, detrahit pulchritudini, atque formæ corporum: & dat gravia impedimenta atque miserias. Leupoldus. Si Jovi assimiletur Saturnus, erit commendabilis natus, justus, honorabit socios, & erit sani consilii, adjutor Regis, donator, bonæ memoriæ, dilector amicorum, quietus, intelligens, patiens, philosophus, & si contra, dic contra.

Saturnus cum Venere, facit ut nati color quasi subniger sit, sive mellinus, sive olivinus, decens tamen, erunt capilli nec verè glauci, nec castaneoli, facies ejus quasi rotunda, maxillæ mediocres, oculi sui laudabuntur pulchritudine, à majori parte videntium eos, nigredo ipsorum major, quam si Saturnus fuerit significator solus, competentes habens capillos, eritque semicarnosus ut plurimū. Maternus. Quia Venus fortuna est, reddit vita claros, nobiles, omnemque foelicitatem decernit.

perjuros, suorumque patrum atque parentum inimicos. Hali. Si Saturnus habuerit convenientiam cum Mercurio, & ambo fuerint in sublimitate, jam sæpè dicta, facit natum rerum inquisitorem, & quæsitorem legum, & chronicorum, amatorem Physicæ, custodem secretorum, cogitat etiam de rebus absconditis, & occultis, cupidum faciendi mirabilia, facit enim credere hominibus mirabilia, & hoc solo die credit, hilarem, boni cogitatus, subtilem in dividendo suo intellectu unam rem ab alia, ac si rem unam per aliam deducat, acuti spiritus, expertus inquisitor in suis petitionibus, amator intellectus & sensus, & generaliter foelix in omnibus factis suis. At si hi planetæ fuerint in diverso statu à jam dicto, faciunt natum iracundum, tenacem iræ, turbidi spiritus oppressum, abhorribilem consanguineis suis, labores diligentem, dolos cogitantem de nocte, deceptorem in factis & dictis, non gaudentem societate hominum, latronem, necromanticum, immiscentem se fraudibus, infidelem, & generaliter infœlicem. Leupoldus. Si Saturnus assimiletur Mercurio, & ipse sit boni esse, natus legum & rerum inquisitor, amabit Medicinam, mira faciet, sophista, erit acuti ingenii, si Mercurius erit contrariæ dispositionis, erit tepidus, laboriosus, nocte turbabitur.

Si Saturnus cum Luna participaverit, natus habebit colorem album, sed ejus albedo non erit clara, neque vera, quemadmodum nebula infecta, cū aliquali admixtione rubedinis, erit. *habēs*

pulchra supercilia, oculos nigros, faciem rotundam, pulchram staturam satis decentem, eritque aptæ coadunationis suorum membrorum, & id significabunt si erunt benè dispositi. Sed si malè dispositi, erit contrarium, & natus erit deformis, ineptus, fœtidus, horribilis, & vilis apparitionis, & inordinatæ suorum membrorum compositionis, atque coadunationis, & quantò magis deformis. Dixerunt Sapientes, quòd Luna adjuvat de temperie, & gracilitate. Maternus. Saturnus si in domo Lunæ, & fuerit lumine diminuta, tunc ei caput capillorum raritate nudabitur, ut facit Jupiter capillis defluentibus calvos, & quorum lumina repentinis cœcitatibus impediuntur, aut assidua suffusione aciem deperdant, facit pleuriticos, hydropicos, podagricos, & caducos. Hali. Saturnus cum Luna, vel Mercurio, & in bono dominatu, producit natum morigeratum, ac boni consilii, & profundi intellectus, & qui à seipso habebit consilium in rebus suis, & erit dives, charus Regibus & claris hominibus, dominus thesaurorum, compositus, non risor, nec tristis, nec invidus. At si Saturnus alio modo fuerit affectus, facit natum turpem, infirmum, parvæ existimationis, ut qui nec ipse sese existimet, nec cognitus est, consulit sibi per se ipsum, & est invidus, solitarius deceptor, ire diligit ad loca tristia & laboriosa, sine verecundia, semper diligit miseras, parat prodicionem, & fraudem sociis suis, lætitia & hilaritas nunquam invenitur in eo, abhorret amicos & æquales & socios. Leupoldus eadē. Saturnus dispositior

fitor cum Luna vel Mercurio, & in angulis, natus justos amabit, rigidus, erit profundi consilii, & in hoc fixus, laboriosus, disputator, sed quandoque à veritate declinabit, locuples, appetit nigrum, versipellis, thesaurizator, invidus occultus, & si contrariæ dispositionis, dicitur contrarium.

*QUOD EX HUMORUM MIXTIONE  
ejusmodi mores & formæ proveniant.*

CAPUT II.

**S**Ed, nos ut à principio diximus, formæ & mores non à syderibus, sed ex ipso proveniunt temperamento: nam sicut mixtura Saturni, & Jovis formam & alios mores ostendit, cum perniciosæ verò perniciosam temperiem, sic humorum diversorum mixtio aliam formam, & alios mores producit, vel præclaros, vel perniciosos ex utroque compositos. Diximus enim ex frigido & humido faciem & capillos provenire mellini coloris, mediocris crassitie, & oculorum, & ex calido, & humido album cum coloris commendatione, nigrorum oculorum magnorumque, recalvum, ac forma venerabili, ita ex utriusque mixtura faciei erit color albus, capillorum castaneolus cum laudabili decencia, oculos subnigros, mediocris quantitatis, statura decens, & plusquam mediocris quantitatis, semicalvus: nam frigiditas, & siccitas capillos retinet, caliditas & humiditas relaxant, & calvos efficiunt, ex utraque mixtione semicalvus. Capillos crispas siccitas, humiditas extēdit,  
e utra-

ex utraque mixtura, capilli fiunt semicrispi inter  
 extensos, & crispas. Vitium, si aliquo modo mitiga-  
 tur cum bono, optimum erit: si Jovis tempera-  
 mentum à Saturno fuerit, totum, regium tempe-  
 ramentum. Sanguis qui paululum admixtum ha-  
 bet melancholiz, quantum ad temperandum suf-  
 ficit superfluum sanguinis ardorem, & motum;  
 hæc humorum mixtura vultum dat venerabilem,  
 ac majestate plenum, dat sanam vitam & longam,  
 prouum facit animum ad iustitiam, clementiam  
 & magnanimitatem, possidebitque ipse magnifi-  
 cam quandam virtutem, quæ homines ad sibi ser-  
 uendum, & obtemperandum invitat, ob id in bo-  
 no utriusque statu producit iustos, honorantes se-  
 nes, diligentes amicos, nobilem & gloriosum.

Quæ isti etiam dicunt de Saturno & Marte, nos  
 ex frigido & sicco, & calido & sicco dicimus pro-  
 venire. Quia frigiditas & siccitas mediocrem da-  
 bant crassitiem, calidum & siccum idoneam car-  
 nositatem, ex hac miscella natus erit semicrassus.  
 Ex frigidityte, & siccitate, & caliditate, & siccita-  
 te corpus erat curvum, ex utraque curvum quo-  
 que erit. Frigidus dabat colorem carnis mellini  
 coloris, & nigredinem capillorum, caliditas ru-  
 borem, ex utraque erunt capilli obscuræ rubedi-  
 nis. Intensa caliditas dabat maculas indecenes,  
 & dehonestantes vultum, ideo & indecenes re-  
 tinebit maculas in ore. Caliditas & siccitas pilos  
 dabat in barba raros, Saturnus mediocres, ab u-  
 troque pili erunt semirari, Mores ex melancholia  
 erant tristes, serviles, & sordidi, à caliditate laborio-  
 si, gl'iosi & imperiosi.

Idem

Idem cum Sole copulatus, ejus caliditas & siccitas mitigatur à frigidityte Saturni. Quia à Sole corpulentia, à Saturno mediocritas crassitie, ideò ex utroque oritur mediocris statura, declinans potius ad latus majoritatis, quàm minoritatis. Frigidum & siccum dabat oculos mediocres, calidum & siccum magnos, ex utroque commixtio dat oculos semimaginos. Et quia frigidum & siccum turpem dabat formam, calidum & parum siccum formosam, utriusque mixtura dat pinguedinem, & pulchritudinem præ cæteris planetis. Frigidum & siccum nigros pilos, calidum & siccum flavos, utrorumque mixtio dat pilos mellinos, sive castaneolos. Facies frigidi & siccissimi mellini coloris, tendens ad nigredinem, calidi, & siccissimi, & parum humidi dat albi, ex utroque color æmulus, scilicet mellinum clarum. Sic mores ex frigido & humido, & calido & sicco cõpositi, vel ex melancholia & sanguine facit claros, nobiles ex utroque participantes.

Saturnus cum copulatur cum Venere, id est, frigiditas, & siccitas cum caliditate & humiditate, prædictam dabunt formam. Frigidum dat faciem mellini coloris, sed calidum & humidum album roseum fuscum: ex quorum miscella color mellinus sive olivinus, sed pulcher & venustus. Oculi calidæ & humidæ qualitatis erant subnigri coloris: nunc quia major quàm cum sola frigiditas erat significatrix. Sed à calido, & humido laudabantur pulchritudine à majori parte eum videntium. Frigidum & siccum dabat capillos nigros, calidum & humidum flavos, ex miscella, nec glau-

cos, nec castaneolos: calidum & humidum faciē dant rotundam, à frigidi, & sicci miscella mitigatur, & facies oritur quasi rotunda. Frigidum & siccum dabant capillos planos, calidum & humidum crispas, miscella dat temperatos capillos. Et quia Venus fortuna mitigat malignitatem Saturni, reddit homines in vita claros, nobiles, decernitque omnem fœlicitatem.

Si cum Mercurio Saturnus jungitur, id est, frigidum & siccum cum calido & sicco, vel frigido & sicco admisceatur, vel melancholia cum bile, mixta ex utroque dabitur forma. Frigidum & siccum mellinum, seu nigrum colorem, Mercurius dat pallidum, ex utroque compositus color erit subniger. Uterque dat corpus semicarnosum, moderatum, ideò in miscella erit decens, & mediocre corpus. Et quia Mercurius dat faciem longam, & nasum longum, & digitos longos, Saturnus detrahit aliquid sua siccitate, & frigiditate, ideò oritur facies semilonga, & digiti, & nasus. Et quia humor melancholicus pessimus & biliosus, ob id pronos facit ad peggioris mores, venefici, malefici, peggiori, & suorum parentum inimici.

Si Saturnus cum Luna commiscetur, scilicet frigidum & humidum cum humiditate, dabunt faciem albam, sed non veræ albedinis & claritatis, sed sub albidæ & pallidæ. Faciem rotundam ex humiditate, à Saturno longitudinem, ex siccitate non ita rotundam. A Luna provenit brevitās, & grossities personæ, ex utroque miscella erit statura decens, & pulchra, si scilicet benè fortunati &



nati & dispositi ambo fuerint, id est, si humores defæcati & puri. At si contrarium evenit, ut sint turbidi, & sæculenti, & infecti, contrariæ erunt formæ & morum, nam deformis, sæda, vilis, horribilis, maleque suorum membrorum coaptata modulatio, & quantò sæculentiores, tantò peiores. Hoc temperamentum omnium pessimum, & quod minùs in Principe desideratur, quod est phlegmaticum & melancholicum: nam ejusmodi temperamenti homines, potiùs serviles, quàm imperiosi nascuntur, scientiarum incapaces, est n. stupiditas prudentiæ adversaria; est enim segnitie, occasionum pessima comes, quæ in momento temporis consistit, longè ab hoc temperamento abest magnanimitas, animi vigor, generositas, ira, offensarum vindicta, sed horum vice timor, suspicio, & irresolutio. Infirmities ex pituita & humore frigido, siccoque lumina repentinis cæcitatibus impedi solent, & assiduas suffusiones pati, podagras, pleuritides, & caducum morbum,

## DE PARTICIPATIONE JOVIS

*cum aliis planetis.*

### CAPUT III.

**Q**UOD si verò Juppiter particeps erit cum Marte, erit in colore aliquantulum rubedo admixta, habebitque oculos aliquantulum grossiores, quàm cū Juppiter fuerit solus significator. Quòd si fuerit Mars Orientalis, habebit in pede dextro signum, si verò Occidentalis, aliud in sinistro, & hoc rarò fallit, Hali. Sed si Juppiter habu

venientiam cum Marte, & ambo fuerint in bono statu, sicut diximus, generat natum audacem, & exponentem se periculis, sapientem in litibus, bonarum cogitationum, & motum in litibus & praeliis, nulli humiliantem, nec habentem dominum militiarum, nec dominii. Facit sub hoc planeta natus magna facta, ac nominata, vincere diligit, dominatorem se constituit, verificat se in rebus & factis securè, quia non timet destructorem, & victorem, magnæ superbix, amatorem honoris, cognitorem irarum, præcipitat & prohibet. Sed si hi planetæ fuerint in statu diverso, & nō jam dicto, faciunt natum dehonestatorem, & insolentem, & non parcentem, sine verecundia, manifestatorem secretorum, defendentem se, & inobedientem, magnificientem se injustè, latronem, citò convertentem, levem in rebus & factis suis, pœnitentem, instabilem in omni re, loquacem multum, in vanitatibus multis versantem, non cognitorem, nec aliquid gratum habentem, pauci sensus, in factis saltuosum, accusatorem, dissipatorem, & generaliter permutabilem in omnibus rebus & factis suis. Leupoldus. Si Juppiter Marti assimiletur, & fuerit boni status, erit natus versutus, supplantator, bellicosus, nulli humiliabitur, & se ipsum dominum faciet, erit inventor rerū, & sciet veritatem, magnanimus, iracundus. Si mali status, erit è contra, blasphemator, impudens nullius, celator, hypocrita, superbus, leviter alleviabitur, & derisor erit.

¶ si verò Juppiter particeps fuerit cum Sole

Sole, significat quòd detrahit aliquid albedinis ejus, erit tamen decentior, quàm cum Juppiter fuerit solus significator, eritque statura ipsius aliquid minùs mediocris, conveniens tamen, atque decens, capilli ejus habebunt aliquid crispitudinis, ejusque oculi aliquid croceitatis. Mater-nus. Integra fœlicitatis ornamenta decernere dixit. Hali. Si Juppiter fuerit particeps cum Sole, significat hominem habentem colorem mellinum sive olivineum, sive castaneolum, quod quasi idem est cum aliquali albedine admixtum decentem, statum satis convenientem, capillos quodammodò in crispitudinem vergentes.

Quòd si cum Venere, natus habebit colorem declinantem ad nigredinem, veruntamen potius quàm ad alium colorem declinant, capillos pulchros, quasi mellinos, non tamen erunt determinati coloris, erit enim eorum color æmulus, pulchram dabit staturam, faciem semirotundam, maxillas non magnas, sed decentes, pulchros oculos, propter hoc, quòd eorum nigredo erit aliquid major debito, nec tamen erit indecens, faciem decentem atque pulchram, & erit semicalvus. Hali. Præterea si Juppiter habuerit convenientiã cum Venere, & fuerit in bono statu, sicut prædiximus, generat natũ splendidũ & vitiosum, & qui amatlympiditatẽ, & pulchritudinẽ, ac magisteria, & cõsiderat res ex cupiditate addiscẽdi, amat ludos & jocos, cõtentus est rebus benè factis, & bonis morib⁹, factorẽ boni & puri, bonæ volun-

ratis, & integræ, amat Deum, bonæ legis, bonæ fidei, amat defendere legem, & sensatum, diligit homines mansuetos, & gratum habet quod fit ei, amat inspicere libros, & versari in eis, & rem habet cum mulieribus secundum honestatem, & communem usum, & bono modo, diligit consanguineos, & amat jus, & justitiam, ornamentum & intellectum, & generaliter bonus erit & justus. Sed si hi planetæ fuerint in diverso statu ab eo modo dicto, faciunt natum diligere quietem, & honorem, vitam vitiosam, effœminati spiritus, ira inflammatur subitò, & ira ejus sicut ira mulieris, & pensatorem multum, & captum amore mulierum, & multum solitum jacere cum eis absq; conjugio, amatorem meretricum, dolentem, & conquerentem de parvo malo, & citò sensus ejus movetur, sicut sensus mulieris, immiscet se rebus Ecclesiarum, vult se proponi in rebus & factis, in quibus tractandis erit fidelis, non erit in eo ulla mala voluntas, cupiditatem habet associandi se, & adjungit se hominibus bonorum morum, judicare vult in rebus debentibus fieri ab homine secreto, & non detectore. Leupoldus. Si Veneri Juppiter similis est boni esse: natus est simplex, & amabit veritatem, jocos, & comestiones, & erit bonæ qualitatis animæ, Deum amabit, & illi serviet. Si est contra, dic contra.

Si Juppiter cum Mercurio erit particeps, natus habebit colorem purum discrepantem à primo, frontem semielevatam, faciem semilongam, nasum similiter & oculos decentes, non ex toto nigros,

gros, barbam nigram & raram, digitos semilongos, corpus semigracile, staturam mediocrem, labia subtilia.

Si cum Mercurio fuerit particeps Juppiter, & erit Orientalis, significat hominem habentem colorem declinantem ad quandam decentem nigredinem, capillos æmulos, faciem semiorundam, maxillas mediocres atque convenientes, pulchros oculos, in quibus nigredo prævalebit, faciem convenientem, atque pulchram, decentem staturā, semicarnosum. Mores ex supradictis possunt prælagire, ut monet Maternus. Sed Hali explicat. Porro si quando Juppiter habebit convenientiam cū Mercurio, & fuerit in bono statu, sicut prædiximus, facient natum multum in libris versantem, qui amat Dialecticam, Geometriam, & totum Quadrivium, est enim versificator, & legis prædicator, & scientiarum intelligibilis, mansuetus, boni consilii pro se, & pro aliis, bonorum morum, bona sequitur itinera, benefactor est, per sensum dirigit se, & per bonam cogitationem præsentium, amator est gentis, & ab ea diligitur, subtilis intellectus, fortunatus in factis suis, morigeratus, bonæ legis, Physicus Regis erit, vel nuncius, consanguineos amat, & bonorum est exemplorum, amat omnem scientiam & Philosophiam, intelligibilis, & laudatus. At si hi planetae fuerint in statu à jam dicto diverso, faciunt natum acutum ex ignorantia multorum errorum, abjectum, & accidit ei sensus amissio, quia adhæreo vult rebus divinis, & se servare cum illis. loquax

multum, prædicator fabularum, & vanitatum, credit se esse sapientem, cum sit pauci sensus, exultat se injustè, scit malos mores, rumorem facit, permutabilis in moribus, & factis suis, sectator novorum, & forsitan doctor puerorum, nec scit voluntatem suam celare.

At si Juppiter cum Luna conjunctus erit. natus non erit verè albus, cum quadam non vera rubedine, supercilia decentia, oculos non verè nigros, sed aliquando alterum altero majorem, vel vitiosum, faciem rotundam, staturam mediocrem. Maternus. Exercebit scientiam de aquis & aquæ ductibus, largus, venerandus, & justus.

**QUOD EX COPULATIS QUALITATIBUS FORMÆ ET MORES EVENIANT, NON EX INFLUXIBUS.**

#### CAPUT IV.

**F**ormam & mores, quos Astrologi ex copulatione duorum planetarum proficisci dicunt, nos dicemus ex copulatis qualitatibus, scilicet ex humiditate & caliditate cum aliis qualitatibus proficisci. Et primò qualitas resultans ex calido & humido cum calido & sicco, scilicet ex Jove cum Marte copulato, scilicet ex sanguine cum flavæ bilis admistione. Quia sanguis dabat album roseum colorem, bilis rubeum, ex utriusque miscella fit color carnis albus cum quadam rubedine biliosa. Juppiter, sive sanguis dat oculos magnos, ut diximus ex Dorotheo, & Mars, sive bilis facit oculos ossos, ex Messahala; ex duorum horum mixtio-

mixtione provenit oculus major, quàm si esset solus dispositus Juppiter.

Quando Juppiter calidus & humidus cum Sole calido & sicco conjunctus, natus ex hac mixtione optimorum erit morum & formæ. Erit color nati albus, sed non tam albus, quando solus erat Juppiter significator, sed cum quodam rubore, & croceitate, ob id pulchrior, decentiorque. Juppiter dat mediocrem staturam, & Sol, sive caliditas, & siccitas decentiam magnitudinis, ergò statura nati aliquid erit minus mediocris. Sed quia utraq; qualitates primæ sunt, erit semper forma decens, venusta, pulchriorq; Bilis dat croceos oculos, sanguis carpos, ergò ex utroque colore erit oculus, mitigata croceitate, aliquantulum croceus. Calidum & siccum capillos crispas facit, siccitas & humiditas planos, ex utraque miscella capilli erunt aliquid habentes crispitudinis. Ex utroq; primo temperamento non nisi optimi mores, ob id Maternus integra felicitatis ornamenta decernere dixit.

Forma Jovis & Veneris non erit alia, quàm calida, & humida, quia unusquisque eandem præbet, & uterque formam venustissimam. Diximus ex Messahala, carnem habere albam trahentem ad aliquam nigredinem, sed id non ad deformitatem, sed ut quid gratiæ, & leporis daret albedini: nam Juppiter albos faciebat, ex utriusque enim qualitate mellinus color: nam Venus pulchros facit capillos, faciem semitotundam, & maxillas non magnas. A Venere, ut diximus

ex Messahala, oculos nigros aliquantò debito majores, sed nō indecētes, sed pulcherrimos. Dat Venus semicalvitiem, quæ est nota caliditatis, & humiditatis, & luxuriæ, & Venus pulchram staturā, à Jove etiam apta, & moderata.

Forma verò Jovis & Mercurii, scilicet calidi, & humidi, & calidi, & ficci, habebit frontem semielevatam: nam à Mercurio frons elevata, à Jove pulchra, composita ergò erit semielevata. A Mercurio nasus longus, facies & digiti, & corpus gracile, sed à Mercurio pulchritudinem, & leporem, ergò facies semilonga, semilongi digiti, nasus semilongus, & corpus semigracile.

Mercurius dat oculos parvos, cavos, coloris caprini, vel crocei, ab utroque pulchri, non ex toto nigri, vel crocei, sed ab utroque decentes. Dat Mercurius barbam raram & nigram. A Jove statura apta & decens, à Mercurio modica & gracilis, ex hac miscella temperata erit statura. Mercurius dabat labia subtilia, ex utroque composita. Mores, ut Maternus, ex utroque compositi.

A Mercurio & Luna, id est, calidū & humidū cum frigido & humido, frigiditas retundit caliditatem, unde humidum remanet incolume. Color Lunæ albus cum quodam pallore, Mercurii albus cum quadam convenientia, ex utroque natus erit non verè albus, sed cum quadam non vera rubedine. Supercilia decentia à Luna, sed Jupiter nil detrahit, erunt ergò optimæ formæ. Oculos dat unum altero majorem, vel vitiosum. Quod est peculiare Lunæ, id est, cerebri frigidi, & humidi



humidi. Faciem rotundam à Luna : mediocrem staturam dat uterque. Magisteria de aquæductibus ex Luna , verecundia , justitia , & bonitas à Jove.

*DE PARTICIPATIONE*

*Martis cum aliis planetis.*

*CAPUT V.*

**S**I Mars cum Sole particeps fuerit, faciet hominem habentem colorem non verè album, nec verè rubeum, nec verè brunum, quasi quodammodò non verè rubeo colore tinctum, semicalvū, atque semigrossum. Staturam declinantem ad pulchritudinem, atq; decentiam, capillos declinantes ad glaucedinem potius, quàm ad alium colorem, oculos non verè nigros. Maternus, Si Mars sub radiis Solis fuerit, incendii, & publicæ adustionis decernit exitia, & in occasu positus, violentæ mortis discrimen indicat. Hali. Mars particeps cū Sole facit hominem habentem nigredinem, sed in rubedinē vergentem, parū distantem ab æmulo colore, staturam vix mediocrem, ipsamque decētem, semigrossos capillos, quasi glaucos, oculos semigrossos.

Si Mars cum Venere junctus fuerit, facit hominem semirubeum, cum quadam decentia albedinis, staturam mediocrem atque decentem, faciem semirotundam, maxillas mediocres, oculos decētes, erit nigredo eorum major, quàm oporteat, non tamen indecens, non benè carnosus ut possit

dici semicrassus, facies ipsius erit alacris, Mars cum Veneris participatione malitiæ suæ omnem deponit ardorem, ex Materno. Hali. Si Martis planeta convenientiam habuerit cum Venere, & fuerit in bono statu, procreant natum convenientem cum hominibus, mobilem, bonæ credulitatis, deceptorem amicorum suorum, hic enim vitam diligit vitiosam, quietem amat simplicem, pulchræ formæ, amat psallere, & saltare, amore corripitur, convivator est, jacet cum mulieribus contra legem, & in quo est peccatum, nihilominus foelix est, & sibi cavet in suis negotiis, sensatus, illusor, & deceptor, magnæ cogitationis, abstinet se à pueris & puellis, expensator, citò irascitur, & magnus est zelotypus. At si quando hi planetæ fuerint in statu diverso à modò dicto, faciunt natum appetere multum, jacere cum mulieribus sine aliquo respectu & verecundia, quoniam permutabilis in factis suis, vilipendit omnes homines, meretricator est, dehonestator, mendax, deceptor amicorum, sicut aliorum, facilis ad complendum voluntates suas, dehonestat, & corrumpit mulieres bonas, & virgines, sapiens in fraudibus, & proditiionibus, perjurus in suis sacramentis, insultor & deceptor, damnati sensus, forsitan dirigit puritates, mobilis in suis factis, & fornicationes turpes exercet.

Si verò Mars cum Mercurio particeps, significat hominem habentem corpus semigracile, staturam mediocrem, colorem declinantem potius ad colorem Martis, quàm ad alium, nisi conjunctio alio-

ctio aliorum planetarū cooperetur, barbam pulchram, licet raram, atque parvam, labia subtilia similiter & nasum. Hali. Rursus si Mars habuerit convenientiam cum Mercurio & fuerit in bono statu, ut diximus, faciunt natum dominū militum, intelligibilem, boni sensus, custodem ejus, quod habet, levis sensus & mobilem in suis factis, sollicitum, benè institutum, citò loquentem, sapientem in malis moribus, deceptorem facilem, non firmat se ad intelligendū, malæ credulitatis, & malorum factorum, amatorem rixarum, magni se æstimat, & nihilominus fœlix est, & boni amoris, ac conceptionis versus amicos suos, & cōmuniter malefactor erit inimicis suis, & benefactor amicis. At si planetæ fuerint in diverso statu à jam dicto, progignit natum dissipatorem, & deceptorem in dando & accipiendo, & pœnitentem ejus, quod fecit, mobilem in omnibus suis rebus, mendacem, furem, Deum non cognoscentem, perjurum in jurejurando, rixas diligentem & clamores, notum improbum, dehonestatorem, itinerum deprædatorem, & clam committit homicidia, & maximè proditorie.

Si Mars particeps cum Luna fuerit, erit homo habens pulchrum colorem, atq; album cum quadam admixtione semirubedinis, oculos semigrossos, pulchra supercilia, faciem quasi rotundam, staturam decentem.

Dares Æneam Rufum describit fuisse mediocris stature, oculis hilarib⁹ & pulchris, faciendū, affabilem

bilem, fortem in consilio, pium, venustum, ac suæ patriæ proditorem, Astrologi staturæ mediocris faciunt natum ex Mercurio & Marte, colore declinante ad Martis colorem, ruffum, vel igneum, dominum militum, pœnitentem ejus, quod fecit.

Erat Achillis forma, ex Darete, pectorosus, ore venusto, membris valentibus, magna vi brachiorum, benè crispum, clementem, cum armis acerrimum, vultu hilari, largum, dapfilem, capillo mirteo. Nepos verò.

*Audax, magnificus, hilaris, plus equat Achilles*

*Vultus Phœbii, animo Grandi vi, Pelea membris,*

*In pectus lateram luxatur culmen, in arctos*

*Crispatur cirros, coma mirtea, crinis in armos*

*Deprimitur, poplesq, gradus consurgit in altos.*

Composita est igitur ejus figura ex Sole & Marte, ex Sole venusta, & personæ magnitudo, capillo flavo cum quodam croceo, ac coma crispa. Ex Marte spissa & reliqua membra. Periit tandem morte violenta, & fuit maximè iracundus.

### QUOD EX MISCELLA QUALITA-

*tum calidi & sicci cum reliquis, proveniunt formæ  
& hominum mores, non è syderibus.*

### CAPUT VI.

**S**I Mars cum Sole particeps fuerit, id est, si qualitas calida, & sicca cum calida, & aliquantulum sicca. Quia Mars colorem dabat rubrum tendentem ad nigrum, Sol verò croceum tendentem  
etiam

etiam ad nigrum, ex hac miscella erit color nec croceus, nec ruber, sed quodammodò non verè rubeo colore coloratus. Sol capillos non verè rubeos, Mars autem rubeos, ex miscella capilli erūt declinantes ad glaucedinem potius, quàm ad aliū colorem. Mars dat raros pilos in barba, sicut spado, Sol plenam barbam, ex hac miscella natus erit semibarbatus. Mars dabat corpus idoneæ carnositatis, Sol pinguiusculum cum brevi statura, cum pulchritudine: ex miscella corpus semipingue, statura decenti cum pulchritudine. Mores & magisteria ex duobus calidissimis. Quia Sol omnia publicat, & omnia occulta obscura sua claritate revelat, potest significare ubicunq; præstiterit, Res publicas, mortes publicas, Magistratus, & honores publicos, claros, & propatulos.

At Mars cum Venere conjunctus, scilicet calidum & siccum cum calido & humido, faciunt optimum temperamentum. A Marte provenit faciei color rufus, à Venere subruber, niger & pulcher, ex quarum miscella fit homo semiruber cū quadam albedinis decentia. Mars dat staturam idoneæ carnosam. Venus longam & pulchram, ex miscella provenit composita statura & pulchra. Mars dat spissos capillos, & mediocres, Venus dat spissos, & molliter flexos cum quadam pulchritudinis venustate, ex miscella proveniūt capilli mediocriter crispi, multi & decentes. Mars dat faciē rotundam, & maculam leviter eam dehonestantem. Sed Venus faciem etiam rotundam, non tamen magnam, neque maxilla, ex hac miscella fa-

cies semirotonda, cum maxillis mediocribus. Venus dat oculos garzos fulgentes fulgore venustatis, quorum nigredo tendit ad album, major quàm in aliis reperiatur, tamen decens. Mars dat carnositatem idoneam. Venus crassitiem, ex miscella non benè carnosus, ut dici possit semicrassus. Ex Venere facies alacris, ex Marte horribilis, nullus enim planeta corrigere potest Martis opera, nisi Venus. Sic omne bonum significabit in ejus vita, & Mars suæ iræ multum deponit ardorem cum Veneris participatione.

Si Mars Mercurio hæserit, scilicet calidum & siccum vehemens cum remisso, Mercurius dat corpus gracile, & mediocris staturæ, Mars idoneæ carnositatis, ex utriusq; miscella corpus erit semigracile. Mars dat rubeum colorem. Mercurius dat croceum, ex utroque commixtio color erit ruber, quia croceus color intra rubros colores continetur. Mercurius dat raram, nigramque barbam, Mars raros pilos in barba, ut spado, utriusque mixtura dat raram, parvamque barbam. Mercurius dat labia subtilia, & nasum, Mars non deformat nasum, neque labia, ergo erunt labia, & nasus subtilis.

At si Mars cum Luna participabit, scilicet calidum & siccum cum humido & frigido. Mars dabit colorem ruffum declinantem ad nigredinem, Luna album conjunctum cum roseo, ex utroque fit color pulcher albus cum quadam admixtione rubedinis. Luna dat oculos non ex toto nigros, Mars nigros, ex utriusque mixtura erunt oculi semima-

semimagni, Mars non deformat supercilia, Luna honestat, ex utriusq; mixtura pulchra supercilia. Mars dat rotundam faciem, eandem dat Luna, ex utroque igitur non removetur faciei rotunditas. Luna dat staturam pulchram, Mars non deformat eam, ex utroque fit recens statura.

**DE FORMA ET MORIBUS, QUOS**  
*Astrologi Solem dare dicunt, cum inferiorum*  
*planetarum participatione.*

**CAPUT VII.**

**S**I cum Venere Sol particeps fuerit, facit hominem habentem staturam mediocrem, atque pulchram, colorem commixtum ex albedine cū rubedine semiclara, & decenti, capillos multos, atque convenientes. Videbitur in anteriori parte velle participare quadam calvitie, non tamen erit valdè calvus, faciem quasi rotundam, & latam, maxillas non magnas, pulchros oculos, carnositas talis, quòd dici poterit quasi pinguis.

Si verò Sol cum Mercurio participaverit, homo habebit colorem mellinum, participabitque color ejus cum colore, qui significabitur per planetam aspicientem eum, vel qui fuerit corporaliter cum eo junctus, pulchram habentem barbam, non tamen magnam, nec minùs spissam, oculos semigrossos & decentes. Hali. Si Sol convenientiam habuerit cum Mercurio, fueritque in bono statu, facit spiritum p̄pensionem ad justitiã, at si exi-  
radiorum jactu percussus fuerit in diverso statu

decentior videretur, miscella utriusque colorem dabit commixtum ex albedine cum rubedine semiclara, & decenti. Capillos dat Sol croceos & rubros, Venus pulchros & copiosos, miscella ex utroque dabit multos atque decentes. Venus dat rotundam faciem, Sol non deformem, miscella dabit faciem quasi rotundam & lætam. Venus dat maxillas non magnas, Sol non deformes, ergo erunt & decentes. Sol & Venus dant pulchros oculos, & decentes, ex miscella non alterantur. Sol corpus dat brevis staturæ & pingue, carnosumque, Venus dat pulchrum, ex utroque habetur corpus carnosum, quod quasi pingue dici poterit.

Si Sol cum Mercurio participabit, scilicet calidum & siccum cum minus calido & sicco. Quia Sol & Mercurius dant ruellinum colorem, ex miscella quidem orietur, vel illius coloris, cum quo aliquis humor associabitur, quod isti dicunt, cum aliquis planeta eum aspexerit, vel cum quo fuerit corporaliter commixtus. Sol dat barbam plenam, Mercurius raram & nigram, ex utroque oritur barba non nimis magna, neque nimis spissa. Oculos dat Mercurius quandoque magnos, cavos, & parvos, Sol pulchros, ex utroque semigrossi atque decentes.

Si Sol cum Luna copulabitur, scilicet calidum & siccum cum frigido, & humido, aliquod bonum nascetur, unde, si Sol dat colorem clarum & pulchrum, velut croceum, & Luna album cum quodam roseo, ex utroque natus habebit colorem pulchrum, atque decentem cum quadam



ra, & justorum, & assimilari vult illis, est loquelæ, ac ratiocinationis bonæ, expeditè loquetur, amatus, & in suis factis justus, amat addiscere legem suam, & sectam, notus, magnæ laudis. Sed quando hic planeta fuerit in diverso statu, gignit natum inconstantis sermonis, quia hic rem unam dicit, aliam alibi, nemini fidentem, profundarum cogitationum, nulli constantiam servat, etiam nec amico, magni clamoris, omnibus rebus se immiscet, nec fortè poterit eas perficere, & faciet facta diversa.

Si Venus particeps fuerit cum Luna, & ipsa Orientalis in mundo à Sole, vel benè disposita, significat hominem habentem pulchrum colorem, à quo albedo cum rubedine mixta prævalebit. Supercilia pulchra, & benevola, oculos ex toto nigros, faciem rotundam, atque decentem, staturam convenientem & pulchram, si fuerit Occidentalis, erunt infra hæc. Hali. Oculos non verè nigros, competentes, non ex toto æquales.

Polixenæ Trojanæ forma videtur cum Mercurio admixta, quippe à Venere coruscum, & candidum colorem habet, oculos pulchros, hilares, capillos flavos & longos, corpus benè compositum, à Mercurio personæ altitudinem, & gracilitatem, collum longum, crura, & pedes, qui eandem cum manu rationem habent, ob id casta, simplici animo, magnanima, & liberalis. Nepos.

*Iliadum populo victore Polixena vultu  
Præadiat, soli q. decus speciale meretur.  
Lactea membrorum series, videntis ocelli*

*Blanditiæ, pedes fulta brevi, proceræ venustæ,  
 Poplitis erecto vibrans vestigia gressu.  
 Articulos non æquat ebur, non lilia colli,  
 Ardua non rutilum pavonis simbria crinem,  
 Ipsa humilis, simplex, facilis, nisl turget herile,  
 Nisl varium fingens, nunquam frustrata potentes.*

**FORMAS NON EX PARTICIPA-  
 tione Veneris cum reliquis planetis, sed ex quali-  
 tatum mixtione provenire.**

### CAPUT X.

**S**ed quod isti ex syderibus provenire dicunt, nos ex qualitatibus miscella dicimus; nam Mercurius dat colorem mellinum, Venus colorem album, tendentem ad rubedinem, ut ex inde decentior videretur, ob id ex hac miscella nascetur color nati pulcher, & decens. Venus dat pulchram personam, atque decentem, & in omnibus formositatem, Mercurius faciem longam, nasum subtilem, frontem elevatam, pulchros oculos, non ex toto magnos, digitos longos. Ex miscella idem eveniet. Et si Venus cum Luna, quia Lunæ opera pulchriora redduntur, & Venus albedo cum roseo commixta, supercilia pulchra, & benè disposita, nec oculos ex toto nigros, faciem rotundam, & staturam decentem & pulchram.

**QUID ASTROLOGI DICANT DE  
 Mercurii forma cum Lunæ participatione.**

### CAPUT XI.

**S**I Mercurius particeps cum Luna fuerit, facit hominem habentem colorem ex albedine atque ru-

que rubedine mixtum, valdè pulchrum, supercilia decentia, oculos non verè nigros, staturam mediocrem, atque pulchram, oculos rotundos competentes, licet non ex toto æquales. Hali. Si Mercurius cum Luna conjunctus fuerit in finibus suæ latitudinis, auxiliatur, faciendo spiritus permutabiles, ac multarum artium, & inconstantem in omnibus rebus. Si in aliquo modorum, faciet spiritus subtiles, & acutos, levium motuum & bonorum, intellectum in rebus. Si Luna fœlix fuerit, faciet natum magis notum ac nominatum, in negotiis suis sollicitū. Si infœlix, faciet natum vilem, ac parvi nominis, tardum & pigrum in suis negotiis. Mercurius commercium habens cum Luna, & ipse benè dispositus, facit hominem habentem colorem compositum ex albedine, atque rubedine convenienti, pulchra supercilia, oculos seminigros, faciem rotundam cum decenti convenientia, staturam decentem, atque pulchritudine nobilitatam.

*QUOD ISTI DIXERUNT DE FORMA Mercurii & Lune ex qualitatibus provenire.*

CAPUT XII.

**Q**Uæ dixerunt de Mercurii cū Luna participatione de natis forma, nil aliud est, nisi quòd pulchriora omnia eveniunt, quia Veneris est addere pulchritudinem, quare evenit ex optima qualitate caliditate & humiditate.

JOAN. BAPTISTÆ  
PORTÆ NEAPOLIT.

COELESTIS PHYSIOGNOMONIAE  
LIBER QUARTUS.

PROEMIUM.

**D**ICTUM est de formis, quas dant planeta singuli per se, & cum aliis copulari, quibus presunt, reliquum est de illis formis agatur, quas dant signa: nam sicut planeta, sic & signa suas dant formae. Sed nā quilibet planeta, vel signū suū praebeſ formas completas, sed ambo simul, quia neque planeta sine signo, neq; signum sine planeta nato figurā praebere possunt, sicut nec pater sine matre, vel mater sine patre. Nemo enim nasci potest, quin aliquod signum ascendat, & quin aliquis planeta ei dominetur. Unde & planeta derogant signis, & signa planetis, & unusquisq; alterutrum iuvat.

ASTROLOGI COELESTES IMAGINES magna, parva, pulchra, & deformia humanum corpora producere dicunt,

CAPUT PRIMUM.

**H**umanæ figuræ constellationes tam intra signiferum, quā extra, Ptolomæus ait, conformia & temperata corpora producunt, sed quæ sunt alterius figuræ, deformant, & juxta suam  
uniuscui-

uniuscujusque formam hominis corporaturam, & quodammodò iis similia evadunt membra; vel magnitudine & parvitate, vel colore, & imbecillitate, & conformitate. Magnitudine, ut verbi gratia, Leo, Virgo, & Sagittarius; parvitate, ut, Pisces, Cancer, & Capricornus. Rursus ut Arietis, Capricorni, & Leonis priora quidem, & superiora ad valentio rem corporis constitutionē faciunt, inferiora, & posteriora ad infirmio rem; ita contra Sagittarii, Scorpionis, & Geminorū anteriora quidem ad imbecillio rem temperaturam juvant, posteriora verò ad robustio rem. Similiter Virgo, Libra, & Sagittarius conformitatem adducunt, & moderationem, Scorpio verò, Pisces, & Capricornus minùs sibi constantem temperaturam, & incommensuratam, & in aliis similiter, quæ quidem omnia contemplantes, & commiscentes propriam & exactam temperaturæ rationem assequemur. Ab eo Hali omnia transcribit, sed quia aliquam asferre possunt declarationem & indicium, ejus verba adducemus. Loca cœli, in quibus sunt formæ similes formis hominum, & formis, quæ sunt in signis, vel extra signa, faciūt corpora composita, & bene proportionata, sed aliæ formæ, quæ sunt aliarum conditionum, diversificant corpora, & inæqualia faciunt ea, ac faciunt assimilari membra membris suæ formæ, & fortè aliquantulum convertunt ad suam magnitudinem, vel fortitudinem, & debilitatem, vel ad pulchram proportionem, vel turpem, vel sensum aliquē inferūt, vel stultitiā.

Et formæ, quæ afferunt magnitudinem, sunt Leo, Virgo, Sagittarius, & quæ tendunt ad diminutionem, sunt Pisces, Cancer, & Capricornus. Similiter principium Arietis, Leonis, & Tauri, facit corpora tendere ad grossitudinem, & fines horum signorum faciunt corpora declinare ad macredinem, & debilitatem. Principia Sagittarii, Geminorum, & Scorpionis faciunt corpora vergere ad macredinem, & debilitatem, & fines eorum faciunt procedere ad grossitiem & fortitudinem. Similiter Virgo, Libra, & Sagittarius trahunt corpora ad æqualitatem, & bonam proportionem, Taurus, Scorpio, & Pisces faciunt corpora declinare ad densitatem, & diversam proportionem.

**QUALITER EX SOLA COELI INSPECTIONE, ex signorum, & stellarum physiognomonia poterant Astrologi hominum formam conjectare.**

## CAPUT II.

**S**ed quæ longa experientia & observatione didicerunt Astrologi, poterant illicò ex Zodiaci signorū conspectu consequi, nam signorū partes, quæ majori stellarū sequentia, & multitudine sunt constitutæ, atq; primæ magnitudinis, ea corpora hominū majora, præstātioraq; producere didicissent, ubi verò carētia vel raritas ex inde imbecilliora & infirmiora corpora nasci cognovissent, ut quisq; firmamētī imagines contēplando, quæ ab

Higinio

Higinio & aliis descripta sunt, sui voti compos efficiebatur. Verbi gratia. Leo tres habet in capite stellas, in cervicibus duas, unam secundæ magnitudinis: inter scapilio tres, pectore unam primæ magnitudinis, in pedibus duas, in extrema cauda unam primæ magnitudinis, in ventre claram unam, in posteriori genu unam secundæ notæ, in postremo pedis unam tertiæ notæ. Virgo in capite, humeris, alis, spica, primæ magnitudinis octo habet, in pedibus singulas primæ notæ. Sagittarii asterismus in anteriori parte quatuor & decem tertiæ magnitudinis, in cauda unam, in posterioribus pedibus unam, & genu alteram secundæ magnitudinis. Sed Leo vigintisepem habet sydera. Virgo vigintisex, sagittarius triginta & unū, & multitudo in his stellarum magna, & fulgentium, ideò magna corpora producere dixerūt. Contra verò Pisces, Cancer, & Capricornus. Sed Pisces vigintiquatuor, sed quartæ & sextæ notæ, novem quartæ & quintæ. Capricornus viginti octo, sed quartæ, quintæ, & sextæ. Præterea quæ superiora majora producunt, in superioribus earum partibus major stellarum multitudo, majorisque magnitudinis. Aries, Capricornus, Leo. Sed Aries habet in capite stellam unam, in cornibus tres, in cervice totidem, in pectore unā, inter scapilio quatuor, in lumbis unam, at in cauda unā, & posteriori pede unam. Capricornus eodem modo. Leo superius viginti continet stellas, inferius vix septē. Cōtra verò Sagittarii, scorpiionis, & Geminorum asterismi in inferioribus locis

mnes, sunt Martis & Saturni, & Mercurii. Idem de Piscibus, nam Martis, Saturni, & Mercurii parum, vel nihil de Jove, & Venere participantes,

**DE FORMA ET MORIBUS, QUOS  
dat Aries, & eorum physica rationes.**

**CAPUT III.**

**H** Ali Arietis formam ita describit. Aries est multorum capillorum, tendentium ad albedinem, incurvi aspectus, parvarum aurium, & longi colli. Natus erit mutabilis, habebit mutabilem hereditatem, qui parta dissipabit, & dilapsa recuperabit. Maternus. Si horoscopus in Ariete fuerit, hominem facit in juvenia floridum, dat hereditatem mutabilem, quæ parta dilabentur, mox dispersa recuperabitur, beneficia præstabit ingratis, ut nunquam par rependatur, eritque mutabilis, obnoxius capitis doloribus, quippe Aries capiti dominatur. Leupoldus. Qui nascitur in Ariete, respice in quota portione nascetur, nam in principio erit calidus, iracundus, & præ ira caliginosos oculos habebit, similiter & femina. Ob id finxerunt antiquiores in quarto Arietis gradu hominem adesse crispi capillitii, qui raro ditabitur, nam quæ pater acquisierat senex, ipse dissipabit, volens nimis dominari. In decimo septimo vir serico indutus, delicatulus. Sed physica rationes hæ sunt. Quia Aries signorum & veris principium est, ideo hominem dixerunt florere in prima



in prima juvenia, & multi capillitii nasci, quia in Arietis stellatæ formæ cornibus multæ sunt stellæ: sed capillus ex affluenti provenit caliditate, & ex eadem crispitudo, ut in Aethiopibus apparet. Ob intensam etiam caliditatem mutabilis erit consilii, ut diximus etiam de Aethiopibus. Et quia Aries signum mobile, quia movetur tunc annus ex veteri in novum, & maxima fit temporum mutatio, ob id etiam mutabilis consilii. Propensus capitis doloribus plus, quàm aliis ægitudinib' est, quia dicunt Medici calidum caput ejusmodi morbo molestari, longitudo colli, aspectus curvitas, aurium parvitas stoliditatem judicare diximus in Physiogn. ob id non mirum, si ejus substantia dilapidata dispergetur, & rursus dispersa colligetur, & si sua beneficia ingratis præstabit.

*DE TAURI FORMÆ CONSTITUTIONE, moribus, & Physicis rationibus.*

CAPUT IV.

**H** Alii dicit. Natus sub Tauro, erit altæ & amplæ frontis, longæ naris cum amplis foraminibus, magnorum oculorum, capillorum erectorum, & nigrorum, convertibilis in suis factis, grossi colli, nigrorum superciliorum, ac debilis corporis. Hali. Facit hominem habentem faciem amplam, quandoque curvam, & si non habuerit faciem amplam, habebit nasum grandem, & si nō talem nasum habuerit, tractu temporis possidebit per accidens: nares longas, oculos nigros, & grandes, capillos hirsutos, seu erectos, collum grossum

grossum & pingue, ferè plusquàm deceat, qui terram eundo prospiciat, honestè incedentem, non stabilem, quasi vagum. Maternus de ejus moribus hæc habet. In sua juvenia continnis laboribus fatigabitur, & quicquid in prima ætate fuerit consecutus, semper amittet, sed postea, quicquid amiserit, cum lætitiâ cumulabit, & augebit, & habebit fœlicitatis bonæ ornatum. Alibi pars quarta Tauri homines facit iracundos, & levi quacunque causâ minaces. Nona pars turpes facit. Leupoldus. In fine Tauri, qui nascitur, erit vilis, & pauper. Sed antiquiores dixerunt in septima Tauri parte ascendere formosam mulierem, & hominem superbum. In vigesimatertia hominem retrò in terram cadentem, quasi in omnibus infortunatû, in vigesimaquarta hominem fortè in factis suis, in subsequenti debilem. Sed id non ex stellis, sed naturalibus causis: nam isti ex bovinæ formæ aspectu hominem describunt. Sunt enim Tauri amplæ frontis, & latæ, longæ naris, cum amplis foraminibus, nigrorum oculorum, capillorum nigrorum, erectorumque, tardè incedunt, & incedendo terram aspiciunt (tardus enim bos figit pedem,) unde ob id Taurinis moribus, laboriosi, ut boves. Erunt in opibus acquirendis anxii, & ad eas perdendas proclives, ob id quicquid amiserint, cum lætitiâ cumulabunt: qui enim semper laborant, semper acquirunt, & qui bonæ fidei ut boves, semper bona parta deperdunt, & iterum defatigando cum laboribus & lætitiâ iterum cumulabunt.

**DE GEMINORUM FORMA ET**  
*moribus, & de eorum eventu rationes*  
*physicae.*

**CAPUT V.**

**H** Ali Geminorum formam ita describit. Gemini sunt æqualis corporis, ampli pectoris, pulchræ formæ, fideles sunt, quia fidem habent, & fortè producunt scribam, & qui Arithmeticis delectetur. Bonatus. Hominem facit mediocris staturæ, convenientis personæ, & ampli pectoris. Maternus. Si in Geminis horoscopus fuerit inventus, in primis vitæ constitutus initiis laborabit, & à parentibus illi solatium semper affertur: erit sanè cœlestibus facultatibus semper imbutus, & majorum virorum fidelibus amicitiiis astrictus, & qui patrimoniū dat. Et alibi. Quarta pars Geminorum maxima corporis pulchritudine facit speciosos, & quos amata pulchritudo Regibus commendet. Leupoldus. Qui nascitur per totum Geminorum signum, erit bonus, sed sterilis, iratus, & coloris sanguinei. Ex cœlesti physiognomonia, quia Geminorum signum multas habet stellas secundæ & tertiæ magnitudinis, & lucidas, ideò dixerunt æqualis corporis & pulchræ formæ. Quia in humeris quatuor sunt stellæ quartæ magnitudinis, ideò ampli pectoris esse formatum. Dixeruntque futurum scribam, aut qui Arithmeticis delectetur, & cœlestibus facultatibus ob Mercurium; quia quatuor habet stellas in pedibus, & in capitibus alteram Mercurialis naturæ

naturæ, & in scemoribus alterâ Saturninâ, quæ ad scientiam conferunt. Sed quia stellæ natura Mercurii, & Veneris, quæ calidæ & frigidæ & siccæ naturæ sunt, ad prudentiam conferunt, & ad fideles amicos: ob id non absque ratione, qui ejusmodi temperaturam sortietur, produnt fidelem, & scribam esse futurum. Præterea dixit ampli pectoris, qui omnes leonis similitudine liberales & magnanimi sunt, unde non immeritò in prima juvenia facultates, & patrimonium dissipabunt, sed ob suæ virtutis merita auxiliabuntur eis parentes,

**DE CANCRI SIMULACHRO, ET**  
*moribus, & de eisdem rationibus physicis.*

CAPUT VI.

**H** Ali. Cancer est demissus & humilis, grossorum membrorum, superiora membra grossiora habet inferioribus, magni corporis, dentaturæ obliquæ, & diversæ, capillorum crispum, tendit ad gnavum, parvorum oculorum, & humerorum amplorum, facit suaves, doctos, suas substantias ex publicis habebunt, & publicis negotiis occupati. Sed Bonatus dicit hominis producere corpus in compositum, cutim totius corporis grossam, redditque superius subtile, & inferius grossum, habentem dentes tortos, & oculos parvos. Leupoldus. Cancer totus bonus, guttur ejus ex abundantia humoris nodatur.  
Maternus.

**Maternus.** Si horoscopus in Cancro fuerit inventus, facit acutos semper ingenio, sed qui cuncta cum tarditatis moderatione perficiant, facit etiam hoc signum homines suaves, doctos, & qui graviter irasci consueverint, & qui malos omnes lece-  
 tis indignationibus prosequantur, fortes, moderatos, sed quorum indignatio facillimè indigneretur, & mitigetur. Habebunt sanæ vitæ substantiam ex publicis, vel ex regiis & publicis locis, quibus vitæ illis substantia conservetur, & erunt semper in publicis necessitatibus occupati, sed illi varia necessitate compulsi plurimi blandientur. Bonatus dicit producere hominis corpus incompositum, cutim totius corporis grossam. Sed isti Arabes ex marini Cancri physiognomonia sub eo nati corpus composuerunt, ob id dixerunt demissum, humilem, qui semper terram spectet, ut cū capite careat, sursum aspicere nequit, grossorum membrorum, & superiora grossiora membra, magni corporis, humerorum amplerum, nam Cancer totus est corpus, & humeri, cutim grossam & duram, quod crusta integatur, & oculos parvos, ut Cancri. Sed si superius inspexissent, vidissent profectò, quas oculos Cancri dixere stellas parvas, & nebulosas esse. Sed Bonatus & Hali, sibi contrarii sunt, ille namq; superiora majora inferioribus, hic autem inferiora majora superioribus. Sed rectius Hali, nam Cancer est eorum signorum, quòd parvam dat corporis formam, sed cū corpus & humeros magnos largiatur in cœlesti physiognomonia, plures sunt in corpore stellæ,

stellæ, quàm in chelis. Sed quàmplurimæ sunt stellæ natura Mercurii, ut quæ in oculis & in brachiis, sunt quoque Saturniæ, & Solares, id est, ejus temperamentum frigidum & siccum, calidum & siccum, ideò acutos ingenio producit, ex frigiditate, qui cuncta cum tarditatis moderatione perficiant; Facit enim hoc temperamentum suaves, eloquentes & doctos, & ex utriusque siccitate, qui graviter irasci consueverint, & ex Mercurio, scilicet, ex ingenio & prudentia, publicis & regiis negotiis implicitus, & in illis semper occupatus.

*DE LEONIS FORMA ET MORIBUS, quos dat natis, & rationibus ex natura productis.*

CAPUT XII.

**E**X Hali. Leo est flavus zarchus, bonæ formæ, boni & clari nominis, membra superiora habet inferioribus majora, ampli pectoris, cursor, magnæ & acerbæ iræ, acuti aspectus, subtilium crurum, maligni vultus, & malæ conceptionis. Quia fixum signum, ob id stabilem & firmum natum facit in suis rebus, spiritum rectum, veracem, justum, intelligentem, patientem, suppressorem inimiciarum. Maternus. Si in Leone horoscopus fuerit inventus, multis periculis, & laboribus implicabitur, sed per omne vitæ tempus erit omnibus notus, & erit semper ingenuus habendi liberam potestatem, & qui non in omnibus malitiæ vires exercere, vivendi & imperandi vota cō-

cipiet, & propriis laboribus acquirens substantiæ facultatem. Leupoldus. Leo totus bonus, fortis, sapiens, iracundus, dedecus sibi facientibus, femina virilis. Bonatus. Leo hominem industrium facit, notum valdè, & intelligentem, superiora majora, inferna verò graciliora, nec inde efficietur indecens, crura subtilia. Diximus ex Ptolomæo Leonem facere superiora majora, & inferiora graciliora, ob id dixit Hali, superiora majora, amplius pectoris, & subtiliù crurû. Leonis imaginè efficiunt quàm plurimæ stellæ, & primæ magnitudinis, naturæ ut plurimum Martis, ut duæ illæ in capite, & in corde Martis caliditate pollentes, Veneris & aliæ, & Joviæ, quæ nato caliditatem, & humiditatem præstant, ob id magnæ & acerbæ iræ, ut leo, magnanimum animal & notum, & ideò, ut diximus in Physiogn. notus sua fortitudine, libertatis cupidus, & qui aliis subjugari nequeat, imò imperandi, & bellandi luxuria laborabit. Divitias acquireret, ut qui eas facile largiatur, facile aliis auxiliabitur, ob regalem suum animum, ob id variis periculis implicabitur ex se, & laboribus.

## DE VIRGINIS CORPORATURA.

*& moribus, & rationibus physicis contra  
Astrologos.*

### CAPUT VIII.

**E**X Hali. Virgo, ut honestas dicet virgines, est pulchri corporis, bonorum morum, longa aliquid

liquantulum, benè instituta, non est pinguis, fidelis est & veridica. Esse potest doctrix scribendi, & bonæ institutionis, & quod his assimilatur. Bonatus. Virgo reddit hominem habentem pulchram personam, pulchros oculos, faciem decentem, & bonam voluntatem. Leupoldus. Virgo in omnibus bona, vir castus, amabilis, fœmina casta, bona, humilis, dives, bonis moribus præ omnibus prædictis. Maternus. Si in Virgine horoscopus fuerit inventus, erit multis laboribus, & multis sollicitudinibus implicatus. Erit sanè lætus, humanus, & apud quem pura amicitiae necessitudo permaneat, & ad quæ damni alicujus sollicitudo pertineat, multa sciens, & omnium disciplinarum secreta perquirens, omnia in claustra pectoris retinens, se præconio simplicitatis ornatos, & cui adhuc docti sermonis gratia, aut negotiationis officio, aut ex successione, aut ex sacris, aut ex virtute aliqua magna fœlicitas, & magna confertur substantia facultatis. Dicunt alii in nono gradu mulierem ascendere cum facie rubra, erit vir iracundus. In duodecima facie nigra, rubris vestibus indutus. In Virginis figura quàm plurimæ sunt stellæ Veneræ, eadem Mercuriales Veneræ, videlicet quæ sunt in cingulo, quæ in spica, & pedibus, in oris vestimèti Mercuriales, quæ in ala, in cingulo, in Vindemiatore, quæ Saturni quoque est, & ex suis qualitatibus, quas sæpius recitavimus, pulchri. n. nat. corporis, pulchri oris, & oculorum. Ex Mercurio multiscius, nihil non exploratum relinquens, omnia



investigans, omnia tentans, maximè præstabit in eloquentia, & legationis officio & gubernationis fungetur, & in negotiatione, ut ex inde magnæ felicitatis facultates comparentur.

*DE LIBRAE CORPORIS CONSITU-  
tione & moribus.*

**C**helarum asterismus est, ut inquit Hali, dissensionū mediator, est bonæ ac pulchræ formæ, mediocris, in carne & corpore, ac forma, alba in facie, & nigra in corpore, & est eorum, qui volunt esse versificatores, cantores, & benè loquentes: dicta sua benè componit, & est amatrix mulierū, & delectationum. Bonatus. Libra facit hominem habentem mediocrem faciem, mediocriter corpus carnosum. Leupoldus. Libræ caput malum in omnibus. Sed Libra in fine bona. Maternus. Si horoscopus in Libra fuerit inventus, habebit ægritudinem, & multis periculorū laqueis implicabitur, & assiduè illum adversariorum turba pulsabit, ac de veris, & definitis rebus habebit contentiosa certamina, cujus vita inæqualitatis semper varietate mutetur. Sed in omnibus invictus erit, & talis, ut nulla re videatur esse posterior, gloriosus. Sed locus filiorum erit mutabilis: nam nunquam ei integer filiorum numerus perseverat. Erit talis, qui in omnibus rectum velit habere judicium.

Quia Libra ex iis est, quæ conformitatem, & moderationem corporibus afferunt, ob id corpus medio-

mediocriter carnosum. Et quia in Australi, & Septentrionali ore Lancis duæ sunt fulgentissimæ stellæ primæ magnitudinis, & duæ aliæ inferius obscuræ & nebulosæ, ob id faciem albam, & nebulosum largiri corpus. Erit inæqualis vitæ, & numerus filiorum variabitur, qui sub Libræ mobili signo natus est. Et quia Libræ Venus est domina, & stellæ illius sunt Mercuriales, & Saturninæ, ob id mulieres amabit & carminum Poëta erit. Nos dicimus quia albicolores sanguinei sunt, & multi feminis, & ex Saturni & Mercurii complexione, integræ fidei, & sinceri iudicii: nam dixit Hali. Sunt benè eloquentes, & illius stellæ Mercuriales sunt, & complexio calida, & humida Veneris, cū sicca Mercurii, & frigida & sicca Saturni, nulla res prorsus infelix, quàm in liberis procreandis: horum cū aliquos procreaverit, numerus statim deficiet. Mutabilis conditio Mercurii, & suæ complexionis multis ægritudinibus, periculorum laqueis, hostibus & litibus implicitum reddet: inimicorum litibus affligetur, attamen de his semper post pericula maximo præfulgebit triumpho.

## SCORPIO QUAS DAT FORMAS

*et mores.*

### CAPUT XI.

**D**E Scorpione hæc habet Hali. Scorpious est zarch<sup>o</sup>, depressus & humilis, multorū capillorū, parvorū oculorū, parvæ faciei, longorum crurū, magnorum pedum, cursor & agilis, deceptor, arcerius, non contentus de re aliqua. Bonatus. Fa-

cit hominem habentem faciem rubicundam, & parvam, multos capillos, & oculos parvos, longa crura, pedes magnos, citò mutabilem, litigatorem. Leupoldus. Scorpio, bonum caput, in medio malus & fastidiosus, Maternus. Tertia pars Scorpionis homines facit vanos, gibbosos, deformes, atque ridiculos. Si horoscopus in Scorpione fuerit inventus, in prima ætate facit acutos, iracundos, agiles, sed hi per multa infortuniorum genera ducuntur. Verum postea fœlici licentia sublevantur, & erunt magnis lætitiis dediti. Si Juppiter aliqua radiatione respexerit, erunt gloriosi, & in alio loco, vel alia civitate suo studio transferentur, & erunt semper erecto spiritu sublevati, acuti proferentes ornamenta sermonis, erunt tales, quibus semper varietas placeat propter amicos, aut negotia, aut pericula semper occurrunt, & post multa ex amissione filiorum infortunia, rursus fœlici sobole gaudebunt. Hali. In decimo Scorpionis gradu invenias collo, ore, oculis, & toto capitis gestu tortuosa, idque contradicentem adversarium significare, cervicis fore indomitæ, opinionisq; obstinatæ futurum esse præfagiunt. Figuram, quam innuit Maternus, Homérico Tharsiti congruam judicamus, describit enim fuisse turpissimum, strabonem, claudum altero pede, & ipsius humeros curvos, & in pectus contractos, acuto capite, rara in barba lanugine. Erat enim loquax, argutus, contentiosus, ignavus, & ridiculus. Zarchus color est flavus ad rubedinem tendens, & est carbonis Martis color. Trium quæ in fronte sunt, sunt splendida, & media triū, quæ

in corpore, ut carbones splendent, & variæ sunt, & si quid ex ipsarum Physiognomonia divinare licet, Mercuriales viros efficit, rixosos, lites cum omnibus pro nihilo capientes, mutabiles, iracundos, agiles, acutæ iræ, qui per multa infortuniorum genera ducentur. Sed si Juppiter aliqua radiatione respexerit, id est, si eorum intensa caliditas, aliqua humiditate mitigetur, erunt optimæ temperaturæ, erunt gloriosi, & fœliciter sublevabuntur. Erunt erecti spiritu, acuti, & fœlices, cordati, ingeniosi, sagaces, rerumque omnium non inscii, ingeniumque ad disciplinas omnes idoneum possidebunt. Longa crura & brachia, audaciam significabunt, & roboris signum. Sed longa crura, magnum ventrem, & magnos pedes dat Scorpio, ut diximus supra ex Ptolomæo, qui inferiora grossiora, superiora minora dabat. Ex hoc fingeant antiqui imaginem in Scorpione facie multum tortuosa, innuentes hominem mutabilis opinionis.

## *DE SAGITTARII FORMA. MORI-*

*bis, & eorum physicis rationibus.*

### *CAPUT XI.*

**I**Nquit Hali. Sagittarius est flavi coloris, longorū crurū, & grossorum, faciei, ac barbæ longæ, acutæ mentis, subtilium capillorū, magni ventris, apparet à tergo pulchrior, quàm anteriùs. Leupoldus. Sagittarius habet caput bonum, fœmina morietur partu, vel sanguine, vel in aqua. Similiter in fine. Bonatus. Delectatur equitare. Maternus. Horoscopus in Sagittario multos adversarios

faciet, & collectum patrimonium, unde non speraverat, confertur: peregrinis frequenter rigoribus detinebitur. Grandem fluvium, aut grandē pelagum navigabit, erit semper in publicis conversationibus positus: in aquosis, aut ex aquosis locis vitam pariter habebit & fructum, plurimas artes & disciplinas consequetur, erit cordatus, ingeniosus, & omnium rerum scius. Quòd sit longorum crurum & grossorum, magni ventris, & posteriora pulchriora anterioribus, id est, inferiora formosiora superioribus, ut superius jam diximus, & stellæ, quæ in ejusmodi imagine quàm plurimæ Martiæ naturæ, & rubicundæ, & flavi coloris, ex Aristotele, Galeno, & Avicenna temperiæ arguit inter adustam & frigidam, ut in Physiogn. & hos fortes, & animosos, ac leonibus comparandos esse: ob id non immeritò adversarios multos habebit, & quia audax, in publicis conversationibus semper positus, ob temperiem bonum consequetur ingenium: unde multas artes, et disciplinas cōsequetur: ingeniosus, cordatus, & multiscius. Et quia Martius est, in varias regiones peregrinabitur, & multum equitabit: quia qui calidi, loco stare nesciunt, sed impatientes. Sed qui longorum crurum & magnorum sunt, & magni ventris, subtilium capillorum, Lunares sunt: nam stellæ quæ in acie jaculi sunt Lunares, scilicet humidi & frigidi temperamenti, & participabit sua complexio etiam de frigiditate & humiditate, ob id itinera eorum per aquas erunt, & in aquosis morabitur, & ex iis suos fructus conquiret.

**DE**

*DE CAPRICORNI CORPORA-  
tura & moribus.*

## CAPUT XIII.

**H**Ominem, scribit Hali, Capricornus facit subtilium crurum, sicci corporis, & quòd apparet in ejus facie capræ similitudinis aliquantulum: pars vultus & faciei est subtilis & acuta, & locus barbæ est valdè acutus, ac capillorum multorum. Maternus. Si Capricorni pars quinta-decima in horoscopo fuerit inventa, homines facit nanos, gibbosos & deformes. Sextadecima pars homines facit gibbosos, & qui sex digitos in manibus habebunt. De moribus verò. Si horoscopus in Capricorno fuerit, pro amicis puro exercebit amicitiam semper affectu. Erit subdolanus & lætus, & cum nihil desit ad vitæ subsidium, peregrinabitur, & quibus vitæ alimenta præstiterit, ipsi ei existunt semper ingrati, erit amabilis, parvi animi, & longis, & prolixis semper precibus molestus. Erit talis, cui abundet substantia facultatis, vitæ alienæ, aut absconsarum religionum secreta perdiscens. Leupoldus. Capricornus totus bonus. Astrologi inquiunt in vigesimo septimo gradu ejus ascendit vir canino capite, quòd scilicet litigiosus fuerit. Addit Hali. Peregrinabitur facile, quia instabilis, quia sub signo mobili natus. Facit Capricornus subtilia crura, ut diximus, ex stellarum carentia in inferiori sui parte. Dixitque facere faciem capræ, est enim ex iis signis, quæ deturpant natum, & deformem reddunt. Sed eadem

hircina facies subtilia crura, & tibiæ, mentum acutum, & barba subtus hirsuta, hircinum ostendit hominem. Sunt stellæ in ejus imagine, ut plurimum, Martiæ, & Venereæ, Saturniæ, & Mercuriales; id est, quod facit hominem calidæ & humidæ temperaturæ cum aliqua siccitate, & frigiditate. Ob id subdolos, lætus amicus, facili peregrinabitur, habebit ingratos, quibus alimenta præstiterit, pusillanimus ex frigiditate.

*DE AQUARII CORPORATURA  
moribus, & naturalibus causis.*

CAPUT XIII.

**E**X Hali. Aquarius dat alterum crus altero majus, apparentis sanguinis in corpore & colore. Est portarius, magni se existimans, bonæ famæ, liber, magni sumtus, vastator sui patrimonii. Bonatus. Facit hominem album, pulchram habens faciem, & coloratam, crus alterum altero majus. Leupoldus. Aquarius in medio bonus, in fine vit vilis, fœmina meretrix. Maternus. Horoscopus in Aquario, quodcunque consecutus fuerit, qualicunque rursus laceratione dilapidabit, & quicquid habuerit, vel quæsierit, rursus amittit, sed quod amissum fuerit, facili ratione plerumq; colligitur, multos suscipiet fovens, & multis vitæ alimenta præstabit, & erunt circa ipsum ingrati, quibuscunq; ab ipso aliquid fuerit fortè collocatum, & magnis viris erit bonis actibus notus. Quem album dicit Hali, & Bonatus coloratum pulchrum, nos in Physiogn. diximus candirubrum, qui color  
facie

facit hospitales, munificos, etiam erga maleficos, ut quæcunque consecutus fuerit, laceratione dilapidabit, & rursus quicquid amissum fuerit, facilitate cumulabit. Delectabitur nobilioribus artibus & scientiis, ob nobilissimam temperiem, & ob nobilissimos ejus mores erit Principibus charus & notus. Et quia præstantium scientiarum apicem tetigisse videbitur, invidia prosequetur.

## DE PISCIIUM IMAGINE

*& moribus.*

### CAPUT XIV.

**P**iscis, ut Hali scribit, est ampli pectoris, parvi capitis, pulchræ barbæ, magnæ faciei. Dejectus dormitor, albicoloris, rotundorum oculorû, & in forma sua habet maculam. Bonatus. Facit hominem habentem pectus amplum, caput parvum & pulchrum, barbam pulchram, atque florentem, malum faciei, respectu sui capitis amplum, album colorem, rotundos habentes oculos, & magnanimum. Leupoldus. Piscis est mediocris. Vir pauper, filiorum multorum, voce pauca, villicus, vel paralyticus. Si horoscopus fuerit in Piscibus, inquit Maternus, erit natus ingeniosus, cordatus, fidus amicus & necessarius, & ex quibusdam negotiis promovebitur, ita tamen, ut potestati ejus & honoribus, alia potestas præferatur. Habebit inimicos, & ex longis quibusdâ negotiis gloriam consequetur, sed processu temporis majoris dignitatis ornamenta consequitur, & magnæ habebit felicitatis augmenta, & assidue cum multorum



multorum notitia peregrinationibus notus. Sed rationibus naturalibus hæc eveniunt. Quia Piscis domus est Jovis, & quàmplurimæ stellæ in eo sunt Jovialis virtutis, ut quæ in corpore, & quæ in filo sunt Septentrionali, ob id fidus amicus, & ad dignitates sublevabitur; habebit & felicitatis augmenta, & ex longinquis quibusdā negotiis gloriam consequetur. Sunt & Martiæ quædam, ut quæ in corpore, & in nodo splendida. Sunt & Mercurii, quæ in capite sunt, in corpore, & in cauda, & in nodo: ob id erit ingeniosus, cordatus, fidus amicus, & necessarius, & peregrinationibus notus.

*DE SIGNIS MOBILIBUS,  
fixis, & communibus.*

CAPUT XVII.

**O** Portet primò præfari quædam, sine quorum notitia ignorarentur tum cœlestes, tum physicæ rationes: hominum formæ, & motuum. Sunt enim apud Astrologos signa aliqua Zodiaci mobilia dicta, alia fixa, alia communia. Sunt mobilia signa Arietis, Cancrî, Libræ, & Capricorni, dicuntur etiam hæc cardinalia, quæ quatuor zodiaci cardines constituunt, temporaque anni quatuor distinguunt. Aries vernum, Cancer æstivum, Libra Autumnale, & Capricornus brumale: dicunturque mobilia, quia quando Sol ad ea pervenit, mutatur de uno tempore in aliud, nam ad Arietem perveniens, mutatur tempus ex hyeme ad ver, &

ver, & sic de aliis quartis. Sunt & signa fixa Taurus, Leo, Scorpio & Aquarius, quia status temporis in illis firmatur, ob id fixa dicta: nam quando Sol erat in Ariete temperatus, in Tauro fit firmior, & temperatior, & si in Cancro ardens, adveniens in Leonem ardentior, si in Scorpione humidus, in Aquario humidior. Communia dicuntur Gemini, Virgo, Sagittarius, & Piscis, quia manifestæ sunt in his temporibus mutationes. Dicuntur etiam bicorporea signa, & hac de causa binis corporibus figurantur, nam dum sunt in eorum medio, vim præsentis temporis ostendunt, & dum sunt in fine succedentis, ponuntur quæ media, sive communia inter fixa & mobilia, quia ab extremo ad extremum absque medio non fit transitus. Quæ omnia à physicis rationibus non abhorrent. Hippocrates enim libro de aëre, aquis, & locis cœli mutationes esse in causa dicit, ut homines stabiles, mutabiles, & communes sint, nam ubi varia & instabilis est anni mutatio, vel Solis, & illic instabiles mentes, & varii mores existunt, ut illis accidit, qui sub Æquinoctiali morantur: binas n. æstates, hyemes, autumnos, & ver habent: & ex jam variis cœli mutationibus mentes leves fieri. Contra sub Septentrione, sex mensium æstas, sex verò hyems est, ob id stabiles & firmi in opinionibus: qui verò in media sunt zona, medio modo se gerunt. Non aliter evenire videmus in iis, qui sub mobili zodiaci signo nascuntur: nam mobiles, & varii mores, & inconstans vita videntur, par enim est ratio, & sic fixæ in fixis. Sed de his latius in nostris Phy-

stris Physiogn. Ob id Hali. Similiter commixtiones formarum Planetarum habentium magnam potentiam in hac re, ut dictum est, & faciendæ, & conferendæ sunt ad statum, quem habent cum Sole, & in angulis, similiter etiam ad statum, & proprietatem naturalem in cujuslibet eorum, & ad proprietates & naturas signorum, quia generaliter signa mobilia gignunt spiritus amantes, ad commune populi bonum pertinentes; & nitentes loqui, & agere de rebus cōmunitatis, & civitatū, diligunt etiam famam bonam, & quod bonum dicatur de se, sunt etiam temperati, nec facile moventur. Leupoldus. Signa mobilia faciunt diligere universitatem, unionem, laudem, dant ingenium, liberalē aliis, bonæ opinionis, & peritum in stellis. Ex Leupoldo. Signa verò communia pariunt convertibiles spiritus, & permutantes se ex re qualibet, non firmanur in re aliqua, diversarum conditionum, nec potest quis scire modum morū eorum, convertibiles sunt, & amatores, Musicam diligunt, & sunt vagabundi, intelligibiles, cupidi ejus, quod faciunt. Signa fixa producūt spiritū natū rectum, amatorem, veracem, non defraudantem, firmum in suis rebus, justum, contentum illius, quod habet, intelligentem, patientem, diligentem laborare, fortem, suæ voluntatis refrēnatorem, nec parentem cupiditati, & suppressorem inimiciarum, qui eam non ostendit, & est nobilitatis amator, constans in rebus suis, nec permutatur,

**DE VARIIS HOMINUM CORPO-**  
*raturis, & moribus, qui in quatuor anni quartis*  
*nascuntur, & primum de*  
*vernali.*

**CAPUT XVI.**

**D**Iximus de signis & moribus, quæ de signis nascebantur singulis horoscopantibus, nunc de quatuor mundi quartis dicemus. Ptolomæus ad corporum configurationes, & temperaturas conducere dixit quatuor anni quartas, quippe à verno Æquinoctio, & æstivo Solstitio vernalis quarta intercipitur. Vernam hanc dicit facere homines coloratos, staturosos, valentes, oculis nitidis, magis ad humidam, calidamque temperaturam accedentes. Leupoldus eadem. Ex quo Hali. Si quando nativitas fuerit quarta anni ab Æquinoctio vernali usque ad æstivale Solstitium, erunt nati boni status, corporis in longitudine & crassitie, sed quæ magis tendunt ad crassitiem, bonorum, & pulchrorum capillorum: vincet enim in ejus cōplexione caliditas & humiditas. Mores, qui ex his nascuntur, jam diximus de singulis ascendentibus signis, mox de mobilibus, fixis, & communibus, unde tædiosus essem iterum replicare eos. Sed hæc hominum forma, quæ ab Astrologis descripta est, ex anni, & stellarum Physiogn. capi potest. Vernante enim anno, Sol ad nos accedens, post gelicidia, tempestates, & ventos & nubila aer clarior jam factus, coloratior Sol, & formosior, & cætera sydera conspiciuntur, & clariori intermedio, per quod conspicitur, & quia augeſcentia omnia, &c

nia, & majora fieri conspiciuntur, quæ jam mortua, immobilia, & sine honore steterant, in magnitudinem crescunt, ob id corpora nostra majora nasci, & magis staturosa dixerunt, ex Solis nitiditate, stellarû, cæli & oculorum nostrorum nitidiora conjectantur. Sunt enim oculi corporis stellæ, hyems enim ex longitudine Solis excolor, vel albus videbatur, vere coloratior, & terra variorum florum conspicua, videbuntur corpora coloratiora fieri. Sed sic ad physicas rationes deveniemus. Existente tunc anni quarta calida & humida, aëre sic affecto, afficit corpora, quæ ambit, ut calida & humida fiant, & eorum semen calidû & humidum efficitur, ut, quæ tunc corpora gignantur, calida & humida fiant. Unde aliis non obstantibus causis, quæ hyeme nascuntur corpora pleraque vel omnia calida & humida nascuntur ob id staturosa, coloratiora, & robustiora eveniunt & ex ejusmodi optima tēperatura sunt optimi mores conjectandi, magnanimi, liberales, amantes, læti, cantores, hilares. Divites item, nobilia magisteria, magistratus, & ejusmodi mores cōspicati, & cætera, quæ de sanguineis, jovialibus, & Venereis diximus.

*DE HOMINVM FIGVRA ET MORIBVS, qui in æstiva anni quarta nascuntur.*

### CAPUT XVIII.

**P** Tolomæus, corpora verò, inquit, quæ inter æstivam conversionem, & autumnale Æquinoctium

noctium compræhenduntur, colore medio sunt, & conformi statura, valentes, oculis nigris, hirsuti, capilli crispî, ex temperamento calidiores, & sicciores. A quo Hali. Sed si in quarta fiet, quæ est à Solstitio æstivali usque ad Æquinoctium autumnale, facit mediocritatem in longitudine & magnitudine corporis, & tendit ad grossitiem, magnorum oculorum, capillorum multorum, villosum, & vincet in ejus complexione caliditas, & siccitas. Ex cœli Physiognomonie, & temperamento eveniunt forma nati, & mores. Cum n. Sol robur acceperit, facit corpora firma, & robusta, deficcando humores, non autem magna, unde augmenta quæ fecerant, confirmat, & consolidat, colores in nigrum tendunt, quia sicciores, & robustiores. Crispî capilli, & hirsuti, ex calido & sicco temperamento proveniunt, ut frondes in arboribus, quod sæpissimè diximus. Sed ad physicas rationes accedendo. Quia cælum æstate calidum & siccum est ex Solis accessione, calidum & siccum humanum fit semen, sic & homines in utero generati, unde & forma, quam diximus, & mores proveniunt, iracundi, & dedignosî, & similia.

**DE HOMINUM FORMA ET MORIBUS, qui sub Autumnali quartana nascuntur.**

**CAPUT XVIII.**

**I**Nquit Ptolomæus. Et quoniam inter Autumnale Æquinoctium, & conversionem hybernâ nascuntur, flavi, graciles, maculosi, rarique

corporis texturæ, capillamenti mediocris, debilibus oculis, frigidiores, & sicciore. Hali ab eo. Præterea si nativitas fuerit in quarta, quæ est ab Æquinoctio autumnali usque ad Solstitium hyemale, facit natum coloris mellis, subtilioris vocis, humerorum amplorum, macrum, capillorum extensorum, pulchrorum oculorum, & vincit in ejus complexione frigiditas. Physiognomonia hujus quartæ itidem ex anni Physiognomonia dependet. Quia in hac quarta arborum aspectus defectuosus est, nam partim folia amiserunt, partim retinent, ob id mediocris capillamenti, raræ corporis texturæ, & suam Sol deponens caliditatem & croceum colorem discedere incipiens, color nati mellei coloris, & oculi debiliores, à debiliore lucis splendore. Sed physica ratio cogit ex complexione frigida & sicca, natos coloris mellis, subtilioris vocis, macros, extensorum capillorum, raræ corporis texturæ, & corporis maculosi. Surgit enim, & crescit in corpore melancholia, cujus proprietas est corpus maculare. Mores jam sæpius diximus ex melancholia.

*DE NATURUM FORMA, ET MORIBUS eorum, qui sub hyemali quarta Zodiaci nascuntur.*

#### CAPUT XIX.

**S**ubjungit Ptolomæus. Qui à brumali Solstitio, & verno Æquinoctio continentur, nigri sunt, conformi statura, capillis rigidis, subtenuibus, temperatura frigida & humida. Ex quo Hali. At si nativi-

nativitas fuerit in quarta, quæ à Solstitio hyemali usq; ad Aequinoctiū vernale, erunt nati nigri coloris, æquales in magnitudine corporis, capillorum croceorum, & rarorū, membriorū benè proportionatorū, & vincet in ejus complexione frigiditas, & humiditas. Hæc hominū physiognomonie ex cæli facie descripta est. Cælum tunc caligat, & Sol nubibus, nebulis, & caligine obsitus, obscuri sunt dies sine Sole: ob id non immeritò nigri nascuntur, arborum calvities facit rarorum capillorum, arborum sarmenta, germina, & pullulationes annottinæ, tenues & rigidi, ob id capilli rigidi. Sed physica ratio cogit nos dicere, quòd frigida & humida sunt temperatura, conformi sunt statura, nigros oculos, & pilos rigidos & subtenues. Mores sunt, qui ex humida temperatura, timidi, imbecilles, misericordes, debiles, & phlegmatici.

*DE ALIIS IMAGINIBUS, QUAE  
extra Zodiacum reperiuntur.*

CAPUT XX.

**I**N vigesima Arietis parte hædus oritur. Sub hoc asterismo quicumque nati fuerint, ut Maternus habet, sunt aultera facie, proluxa barba, & obstinata fronte, ita, ut Catonis prorsus institutum imitari videantur. Sed totum hoc fucato mentiuntur affectu, & aliud ex fronte pollicentur, aliud latenter in moribus celant. Erunt imbecilles, timidi, & qui omne pugnarum periculum perhorrescunt. Manilius ad id libro quinto.



*Cumq; decem partes Aries duplicaverit ortus,  
 Incipient hœdi tremulum producere mentum  
 Hirtaq; tum demum terris promittere terga,  
 Qua dexter Boreas spirat, nec crede secreta  
 Frontis opus, signo structos, nec crede Catones,  
 Aut Brutū, atq; parē Tarquiniū, & Horatia facta.  
 Majus onus signi est, hœdis nec tanta petulcis  
 Conveniunt, levibus gaudent, lascivaq; signant  
 Pectora, & in luxus agiles, agilemque vigorem  
 Descendunt, vario ducunt in amore juventim.  
 In vulnus nunquam virtus, sed sæpe libido  
 Impellit, turpisq; emitur vel morte voluptas.*

In sexta Tauri parte Plejades oriuntur, quibus orientibus si qui orti fuerint, semper nitida & polita fronte erunt, atque accuratis vestibis prompti, quorum inflexi crines torqueantur semper in ostro, nec non & appositis alienis crinibus fictam, & compositam pulchritudinem mentiantur, totius corporis formam vario pigmentorum genere mollientes. Hi enim demtis pilis corpus suum in fœminei corporis imaginem transferunt, quorum vestes quoque ad muliebris cultus similitudinem excoluntur. Hi molliter ambulantes, vestigia sua cum moderata quadam moderatione suspendunt. Hos autem sic ambitio sollicitat, quem morbum sic appetunt, ut hinc putent virtutem sibi, & maximum gaudium fœlicitatis accedere. Hi præterea semper amabunt, aut se amare simulabunt, ac eos pœnitebit, quod viri nati sint, luxuriosis & lascivis voluptatibus occupabuntur, hos enim unguentis oblitos, & nimis deditos vinolentia

nolentia, petulantia vitia semper extollunt, quæ in conviviis, & cœtu hominum, alienas vitas amari sermonis licentia pulsant. Erunt sanè ad omne libidinis applicati, & qui falsi sermonis mordacibus dictis risus hominum assueverint concitare. Hunc a. locum si malevola stella forti radiatione pulsaverit, repentinis cœcitatibus opprimuntur, ita ut ex hac causa miseri efficiantur. Idè alibi. Si malevolæ stellæ hunc locum respiciant, aut ex venerea voluptate, aut ex nimio cibo inter epulas, sine aliqua lamentatione mors illi amara proveniet. De hac figura Manilius.

*Taurus in adverso præceps attollitur ortus,  
Sexta parte sui certantes lucis ad horas  
Plejades ducis, quibus aspirantibus almam  
In lucem educunt Bacchi, Venerisq; sequaces.  
Perq; dapes, mensasq; super petulantia corda,  
Et sale mordaci dulces querentia risus,  
Illis cura sui vultus, frontisq; decora  
Semper erit, tortosq; in flexum ponere crines.  
Aut nudis revocare, & rursus vertice denso  
Fingere, & oppositis caput emutare capillis,  
Pumicibus hæc cavis horrentia membra pulire,  
Atq; odisse virum, sterilesq; aptare lacertos,  
Fæmineæ vestes nec insunt tegmina plenis,  
Sed species, fieri qua placent ad mollioribus,  
Naturæ pudet, atq; habitat sub pectore cæco  
Ambitio, & morbum virtutis nomine vitant,  
Semper amare parum est, cupient & amare videri.*

Huc afferemus A. Gellii scriptum De P. Africano Pauli filio, qui P. Gallo homini delicato, inter

pleraque alia, quæ objectabat, id quoque probro dedit, quòd tunicis uteretur manus totas operientibus, qui quotidie unguentatus adversus speculū ornetur, cujus supercilia radiantur, qui barba vulsa foeminibus subvulsis ambulet, qui in conviviis adolescentulus cum amatore, cum chirodota tunica inferior accubuerit, qui non modò vinosus, sed virosus quoque sit, eum ne quisquam dubitet, quin idem fecerit, quod cinædi facere solent? Et refert Plutarchus, Archesilaū Philosophum verbo usum de quodam nimis delicato divite, nam cum vocem ejus infractam, capillorumque ante compositum, & oculos ludibundos, atque illecebræ voluptatisq; plenos videret, nihil interest, inquit, quibus membris cinædi sitis, posterioribus, an prioribus. Sunt etiam Sicilia viri, qui effoeminati dicuntur, imberbes, voce gracili, muliebribus vestibus induti, omnino se viros esse oblici, domesticis servitiis cum aliis ancillis intendunt, & virilia turpiter patiuntur. In decimaquarta parte Capricorni, oritur Cepheus. Quicumque hoc sydere nati fuerint, graves erunt, austeri, & omni severitatis atrocitate metuendi, & vultu semper ex morum austeritate fingentes, qui etiam Stoicā sectam vero sequantur affectu, tales enim apud veteres fuerunt Catones. Si verò hoc signum in Occasu fuerit inventum, in scopulis, in quibus aliquando periclitati fuerint, misera corporis jactura morientur, aut nati statim peribunt, aut propter incessum publica animadversione plebentur, ita, ut novæ iis & inauditæ mortis inferatur exitium. Manilius.

*Sed regione means Cephæus humentis Aquari.  
Non dabit in lusum mores, facit ora manere  
Frontisq;, aut vultus componit pondere mentes,  
Pascentur curis, veterumq; exempla revolvunt  
Semper, & antiqui laudabunt verba Catonis.  
Tutorisq; supercilium, patriuq; rigorem  
Component teneros etiam qui nutriet annos.*

*Qui etiam tragicopræstabunt verba cothurno, &c.*  
Quicumque prima Arietis parte oriente, in qua canicula, natus fuerit, quæ à Græcis syrión dicitur, vocem habebunt, crescentibus faucibus canum latratum imitantes, ita, ut sapius impetu, & furore commoti, aut dentes quatiant, aut attritos semper exacuant, effrænatos animos ad omne studium præposterè facinoris applicabunt, erunt ab omni humanitatis gratia separati, & qui libenter omnia violentiæ studia sectentur, furiosi, iracundi, terribiles, minaces, & quos oēs homines & oderint pariter, & metuant. Erunt præterea animosi, & verbosa sermonis affluentia inflati, & quos ad omne convitium incautus sermo impelat. Hi etiam nova causarum jurgia cogitantes, cor habent crebris agitationibus palpantes. In casu inventus, à lupis comedetur, aut à canibus, ex feris dissipati vitam suam misera laceratione consument. Et alibi. In ore canis, qui horoscopus habent, erunt turpi vita, inquinato ore, sed affluentia varii sermonis ornati. A quo Manilius.

*Cum verò in vastos surgit Nemeæ hiatus,  
Exoritur canis, latratque canicula flammæ  
Et rapit igne suo, gemitatque incendia Solis.*

*Qua subeunte facem terris, radiosq, movente,  
 Dimicat in cineres orbis, fatumq, supremum  
 Sortitur, languetq, suis Neptunus in undis.  
 Effrenos animos, violentaq, pectora fingit,  
 Irarumq, dabit fluctus, diumq, metumq,  
 Totius vulgi præcurrunt verba loquentis.  
 Ante os est animus, nec magis condita causis  
 Corda micant, & lingua rapit, latratq, loquendo  
 Morsibus in crebris, dentes in voce relinquit.  
 Ardescit visio vitium, viresq, ministrat  
 Bacchus, & in flamma sevas exuscitat iras.  
 Nec sylvas, rupesq, timet, vastosq, leones,  
 Aut spumantis apri dentes, atque arma ferarum,  
 Effundit suas concusso in robore flammæ.*

Si natus oritur, quando terræ motus fuerit, aut cœ-  
 lum tonuerit, semper corpore tremulus, & insta-  
 bilis erit, & qui dubio gressu trepidantibus vesti-  
 giis per omnia horarum momenta imminentium  
 culminum speret ruinas, & metuat. Huic oculi  
 micabunt, & cudenti omnium acie perhorrescunt,  
 nec ipsa verba certum ordinem servabunt, sed im-  
 peditus vocis sonus tremulum motivum exitila-  
 bit, ita, ut strictis faucibus, in quo semper exitu  
 verba deficiant, putabant enim semper tonare  
 cœlum, terramque moveri, omnia semper ruere,  
 ita ut caduci, mundi, terroribus cogitatis rectæ  
 conversationis ordinem perdant.

## PHYSICÆ RATIONES DE

*reliquis imaginibus.*

### CAPUT XXI.

**S**ED ad physicas rationes deveniamus, ut in  
 reli-

in reliquis fictamque Astrologicam scientiam detegamus. Hædus lascivum animal, imò omniū lascivissimum in nostris physiognomicis pronunciamus, cujus efferatam libidinem diximus: sunt enim angusta facie, artico sine barba sub mēto dependente, cujus qui physiognomoniam imitantur, ad eosdem mores prout erunt. Qui sub Plejadibus nasci dicuntur, comati, derafi, fucati-que ut mulieres, qui cū viri sint, se viros esse pœniteat, de his satis, superque diximus in nostris libris de Physiognomoniam, quos qui scire cupit, adeat locū de comatis, fucinis, & effœminatis. Cephæi imago ex Saturninis stellis concinnata est, hominemque melancholicum designant, ex quibus isti Catones in mundo nascuntur. Sed si sydus in Occasu inventum fuerit, id est, si viri isti melancholici, ex atra illa, & pessima melancholiæ specie erunt turbidæ & fœculentæ, omnium infœlicissimi, & miserrimi erunt. Caniculæ Martiales stellæ sunt, ob id temerarii, injuriosi, maledicentes, invidi, & violenti, imitanturque caninos mores, ut ex voce ad latratum vergente fit manifestum, & de iis non latius alibi. Denique qui terræ motu nascuntur, tremebundi sunt in vita, quod videtur ex utendi Physiognomoniam rectè desumptum, mulieres enim gravidæ, si ex desiderio alicujus rei (ut dicunt) imprimunt notas puerorum molliusculis corporibus, quid censendum in ipso terræ motu, in quo non mulierum animus, sed fortissimi cujusque trepidant: ut imprimere possit animo nati metum, horrorem, trepidationem

suam, in molliculis nati membris & voce, itaq; isti ex lyderibus, nos ex ipsa naturali causa etiam discernimus.

*SOL PER DUODECIM ZODIACI  
signa quos mores et formam largiatur.*

## CAPUT XXII.

**S**OL in prima Arietis facie, subruffos facit, & simos, ventre exili, & angusto, macilentos, atque signatos in pede sinistro, vel cubito. Amicos habebit plurimos ordientes malum, & persequentes quod optimum est. Hali. Sol in omnibus partibus Arietis, alios facit viles, deprimit dominos, & potentiam habet in victoriis. In secunda facie facit nigros, quæ nigredo non in vitium reputatur, sed in venustatem, & maximam civilitatē, erit temperatæ qualitatis, iracundi, suspiciosi, fraudulentī, cordati, septi pluribus inimicis, qui eos venantur ad mortem. In tertia facie interdum ruffos, croceo permixtos colore, solitarios, meditantē infidias frequenter & fraudes.

Hali. Sol in omnibus partibus Tauri, est Rex habens voluntatē interficiēdi, prælio vincēdi, faciēdi thesauros, ppter Venerē, cujus domus est Taur⁹, & conquirendi. Hali. In prima facie facit nanum, & prægrandibus aliquando oculis, labionem, signatum in cervicibus, verum festinum admodum, & in delitiis semper occupatum. In secunda facie lascivum, libidinosum, sed non usque adeo, ut in prima signi facie vagabundum, atque mutabilem. In tertia facie frigidiorē complexionē propter Saturnum, qui hanc ultimam faciem pos-

fidet, patietur aurium, ventris ac crurum dolores.

Hali. In omnibus partibus Geminorū est Rex infirmi spiritus, parvæ potentia, regit se ad voluntatem suam, & ad delectationem, & facit res, quæ vilem reddunt, & deprimunt ipsum. Hali. In prima facie Geminorum erit moderatæ staturæ, corpore pulchro, membris omnibus benè compositis, signatum in capite vel gubus, mansuetum etiam, laboriosum, & à mulieribus deformatum, ac communiter sterilem. In secunda facie minuit staturam, addit nigredinem, signat in cubito, in genitalibus, & quod in aliis diminutum videtur, in eloquentia reputatur. In tertia decrescere faciunt nati probitatem, & debitam membrorū proportionem, faciunt insensatum, & augarum disseminatorem.

In omnibus partibus Cancri Sol, ex Hali, est dominus, qui diligit cantiones, jocos, ludos, romantios, & fabulas lympidatas, separationem, & vitationem hominum. Hali. In prima Cancri facie facit corpore & pilis decentē, strictis superciliis, eruditi ingenii, signatū in brachio dextro, & cruribus. Præterea propensionem influit bonam, amicorū copiam. In secūda, ruffo capillitio, brevi statura, imberbem, signatum in oculis. In tertia crassum, hebetem, pilosi supercillii, pruriginosum, facie quasi insufflata.

Hali inquit. Sol in omnibus partibus Leonis est Rex ostendens arma sua, enses evaginos, ordinās suos equos, & suas militias ad vincendū, & impugnandū Reges, & vicinos suos. Hali. Sol in prima facie Leonis facit corpore venustos, rubicūdes



colore, modico permixto albore, oculis variegatis, corpore recto, pedibus autem morbidis, præcipuè in senio, fama & egregiis factis agnitum pluribus, simplicem, dilectum à Regibus, & Principibus terræ. In secunda facie pectore lato, testiculis & membris genitalibus, cordatum & honorabilem. In tertia facie staturam brevem colore roseo, permixto etiã albore, obnoxium etiã multis ægritudinibus, scortatorem, & mulierum amatorẽ.

Sol in omnibus partibus Virginis, ex Hali, est Rex, qui diligit jocularias cantilenas, stare tacitus, & ejus voluntas in comedendo, & bibendo, in rebus odoriferis quiescendo, & in omnibus vitiis corporis. Hali. In prima facie facit natum decentis staturæ, corpore procero, facie pulchra, sciolum, acutum, prudentem, crispo capillitio, comatulum, arguta, & sonora voce, multarum artium peritum, sed infortunatum in procreandis liberis. In secunda similiter facie venusta, parvis oculis, pulchro naso, doctum, probum, integrum, & laudis cupidissimum. In tertia facie simplicem, pulchrum, docilem, sensatum, prudentem.

Hali. In omnibus Libræ partibus Sol est Rex, qui tristis fuit, & etiam sublatum est regnum suum, & interfectæ legiones suæ, & vadit fugiendo de uno loco in alium, qui magnum timorem habet corpus perdendi. Hali. In prima facie Libræ facit natum facie pulchrum, simplicem, laboriosum, modestum, sauciandum aliquando in capite. In secunda similiter facie pulchra, sed oculis interdum lippis, nam vitium aliquod illis inerit. In tertia ho-

tia honorabilem, observandum, pulchrum, in extremo verò nullius, vel cujusque sexus, caveat, ne toxicum quippiam accipiat.

Hali. Sol in omnibus partibus Scorpionis est homo elatus, magnæ formositatis, cōpleti corporis &lympidi, pulchrarum vestium, incessus cōpositi, & qui valdè timetur. Maternus. Sol si in Scorpione fuerit inventus, quicumque siceū habuerint, homines erunt formosi, completi corporis, & ornati, magni nominis, & famæ, & qui ornatis vestibus delectentur. Erunt quoque tales, qui honorem, atq; existimationem à Regibus consequantur, hæreditates plurimas acquirant, & patrimonium augeant, unde ab aliis timentur. Hali. In prima Scorpionis facie facit deformem, in capite, vel scapulis signatum, vel sinistro pede, in brachio, pectore amplo, proferendis salibus lepidum, sobrium, & discretum. In secunda, capite magno, multiloquum, signatum in genubus, vel tergo. In tertia, statura pusillum, commotis oculis, comedonem, & scortatorem.

Hali. Sol in omnibus partibus Sagittarii est Rex potens, malefactor, malum facit hominibus, spoliat, & aufert sine jure, interficit homines absque ratione, destruit, & depopulatur loca celebria. Hali. Sol in prima parte Sagittarii facit provectæ staturæ, aulicum, studiosum bonarum artium. In secunda facie, decenti aspectu, pulchro, croceoq; superciliis conspersis, signatum in pectore. In tertia facie, procerum, pulchrum, lato & patenti corpore, signatum in pectore & pede.

Hali.

to, tribulationibus variis obnoxium. In tertia, statura brevi, vultu recto, signatū sub cubito, amatorē mulierum. Quænim in postremo gradu natus fuerit, tūc non solum in pportione corporis, sed in omnibus ejus actibus cæteris faciet disconvenientē

Sol in omnibus partibus Piscis, est dominus jocorum, joculariæ, risus, pigritiæ, standi in quiete, sequendi voluntates suas, sequendi, & adjungendi se rebus, quæ sibi malum videntur, & rebus, de quibus accidit malè sibi, ac timor, & est multorū morum, & malarum naturarum. Hali. Existente Sole in Piscibus, signum habebit in cubito, vel in pede, fortuna illius erit in Meridiem. Hali. In prima facie piscis facit corpore mollem, album, pectore albo, barbitio decenti, pulchra facie, clara voce, oculis patentibus, ac pulchris, carnosum atque honestum. In secunda, statura brevi, æquali, nigra barba, parū hirsutum, agilem, levem. In tertia facie, & membris omnibus decorum, venustum, dat & vocis clangorem.

*LUNA PER ZODIACUM SIGNA,*  
*quos mores & formas largiatur.*

CAPUT XXIII.

**H**Ali. Luna in omnibus partibus Arietis est Rex magnus, famæ, & potentiæ magnæ, formosus, & completus corpore, & aspectus compositi, & timetur. Maternus. Luna in Ariete invēta, quicumq; eam sic habuerint, Reges erūt aut Principes, divites, opulenti, magnæ famæ, summæq; potentiæ, formosi, venusti, membrisque, ac toto corpore

pore completi, vates, audaces, ab omnibus formidati, eruntque tales, qui suo ingenio multa cōquirant honorum insignia, etiam ex humili loco ad altum ascendant conditionis gradum.

In omnibus partibus Tauri est Rex ampli regni, benè compositus, negotia sua æqualia, & benè cōposita sunt, dilectus ab hominibus, & populo suo completus, & quadratus, & diligit quietes, & hilaritates, Maternus. Si Luna in Tauro inventa fuerit, qui, cum sic eam habuerint, erūt venusti aspectus morumque compositorum, & qui negotia sua modesto quodam consilio ad finem usque producant, tranquilli, & quieti, alacres, bonæ complexionis, & qui à populo maximè diligantur, nobiles similiter & principes erunt, ampli nominis, multæque famæ.

In omnibus Geminorū partibus Luna est pauper, & miser, membris debilis, sua negotia mala, & malè composita sunt, malarum vestium, malarum qualitatum in suo corpore, & victu. Maternus. Luna in Geminis si fuerit inventa, quicumque sic eam habuerint, erunt fœdi aspectus, corpore vitiiati, pauperes, miseri, & infœlices, resque suas, atque negotia, sine ullo consilio, vel moderatione tractantes, unde sibi dedecus pariant, & mala sæpenumero detrimenta facultatum. Erunt hi quoque viles, abjecti, rusticorum morum, fœdi, sordidique vestitus, angusti victus, & in omnibus penitus despecti, sed boni tamen sensus, acuti ingenii, & ad omnia, si voluerint, acta satis industrii.

Luna

Luna in omnibus partibus Cancri est Rex magnæ amplitudinis, alti gradus, ampli regni, dominus potentiæ præcipiendi, ac prohibendi, boni aspectus, honestus, pulcher, magnæ staturæ, timeatur, & habet dominium. Maternus. In Cancro Luna si fuerit inventa, quicumque eam sic habuerint, erunt pulchri aspectus, venustæ faciei, proceri corporis, & amabilis, & cum quadam benevolentia metuendi, erunt Reges & Principes, alique nominis, bonæ famæ, elati gradus, & amplæ dignitatis potentes, divites, locupletes, & quibus multi libenter obediant.

Luna in omnibus partibus Leonis est Rex nobilis, coronatus, vilipendunt eum gentes, & populi sibi præcipiunt, & prohibent in regno, & faciunt quod volunt sine eo, & absque mandato suo.

Luna in omnibus partibus Virginis est tristis, multarum cogitationum, & anxietatum, pannos habet fractos, & servit hominibus, dicendo romantios & fabulas, & mala impedimenta sibi conciliat. Maternus. Quicumque ortum in Virgine habuerint, erunt homines tristes, solliciti, anxii, multarum cogitationum, variique discursus, quærentes quo pacto sibi possint vitæ alimenta componere. Erunt tamen boni intellectus, acuti ingenii, & multarum artium exercitatione compositi, sed ob malam fortunam testium semper laceratione deformes, atque cantibus, & fabulationibus suis multum deservientes, ut victum inde sibi quaritare possint.

Luna in omnibus partibus Capricorni est no-

L

bilis, altus, magnæ laudis, nominis, & bonæ famæ, formosus, compositæ staturæ, bonarum vestium & lymphidus. Maternus. Luna in Capricorno si fuerit inventa, erunt formosi, venusti, decori, ac in omnibus membris ex toto corpore delectabili quadam proportionē compositi, ornatis vestibus, delectatoq; apparatu gaudentes, eaq; de causâ à multis dilecti, à plerisque etiam venerati, nobiles erunt, divites, & potentes, alti nominis, magnæque existimationis, & famæ.

Luna in omnibus partibus Piscis, est similis servo, & vili in habitu & vestibus suis, diligit venari, gaudere, ludere, ludis nihil sibi profuturis, stare quietus, & non cogitare de aliquo negotio suo. Maternus. Quicumque Lunam sic habuerint, erunt humiles, abjecti, pauperes, despecti, vestibus, & pannis obsiti, ac penitus servis similes, ociosi, inertes, nullarum cogitationum, venatores, aucupes, & lusores, & qui hujusmodi semper voluptatibus impliciti.

**SATURNUS PER ZODIACI SIGNA**  
*quam formam & mores largiatur.*

**CAPUT XXIV.**

**E**X Hali. Saturnus in prima facie Tauri, est effœminatus in suis factis, jacet cum juvenibus, & parvis pueris, & etiam cum puellis. In aliis ambabus faciebus est senex, membris debilis, mutilus corpore

corpore, fessus, damnata fortitudinis, & voces emittit in dolo super seipsum.

Saturnus in toto Cancro est turpissimi vultus, & mirabilis creatura formæ, & visionem suam ita expavescent, & mirabuntur de figura ejus quotquot eum videbunt, & audient loqui de eo. Martenus. Quòd si in Cancro Saturnus positus fuerit, aut secum habuerit Luna, aut etiam forti radiatione respexerit, filios denegabit, eruntq; aliquo colorum fœditate deformes, nigri quoque, & fellis abundantia colorati, à nigro felle assidua contrahentes incommoda. In ægritudinibus sanè desperabitur, ac post ægritudinem difficile convalescent, erunt tamen animo simplices, humani, misericordes, alienas angustias sublevantes, aliena quoque patrimonia suscipientes, atque ex his habentes vitæ subsidia. Erunt alienorum filiorum patres, absconsa vitia habentes, ac tali erunt præditi dignitate, ut etiam fratrum suorum domini esse videantur, erunt locupletes, pecuniosi.

\* Saturnus item in facie Scorpionis est mirabilis creatura fœda, multi mali, multarum rixarum, similis videtur viro, qui à Rasi, & Avicenna describitur, facies fœda, color cum quadam obscuritate rubeus, cutis faciei sicca, ac totius corporis jugosa macies, cacies capillorum nigredinis levitas, atque hic pessimorum morum erit. Avicenna, de contraria corporis compositione, & dissimili, & esse malo ingenio, intellectuque, ut in nostris physiognomon, De fatuo improbo.

Saturnus in omnibus faciebus Sagittarii est magnus, fessus, incompositus, vel multis membris, spinæ curvæ, vel apertæ, paupertatis, & miseriæ manifestæ.

*JUPPITER PER ZODIACI SIGNA  
quos mores, & formas det.*

CAPUT XXV.

**J**uppiter in secunda facie Tauri, est obcæcatus, debilibus membris, stricti colli, curvæ spinæ, malæ qualitatis, paupertatis apertæ, & est vilis. In prima Aquarii est venator, de bonis & pulchris pannis vestitus, formosus, compositus, lympidus & timetur. In tertia facie sicut prima, Maternus. Si Juppiter in Aquario fuerit inventus, homines venatores erunt, formosi tamen, benè compositi, & qui pulcherrimis, lautisq; vestimentis delectentur, ob eamque causam à plerisque metuantur, & diligantur. Erunt gulones, bibones, & qui posthabita omnis rei familiaris cura nil aliud affectent, nisi Epicuræorum more, sine laboribus quiete, & rerum ubertate vivere.

*MARS IN ZODIACI SIGNIS, QUOS  
mores & formas largiatur.*

CAPUT XXVI.

**H**Ali. Mars in tertia facie Tauri, est formæ mirabiliter turpis, abominabilis vultus, jocularis diligit, hilaritates, cantiones & vitia. Maternus.



nus. Si Mars in Tauro fuerit inventus, erit homo turpissimi, fœdissimiq̃ue aspectus, jociſq̃ue, jocularionibus continuè deditus, etiam edax, temerarius, obliguritor, hacq̃; de cauſa infœlicitate plurima defatigabitur.

Mars in facie tertia Geminorum, eſt vilis, pauper, defectivus, pauperibus ſervit, & habentibus membra debilia, & petentib<sup>9</sup> eleemoſynam. Maternus. Si Mars in Geminis fuerit inventus, cùm primùm genituræ loca Saturnus pertrãſierit, pauperes effecti, & fortasſe corpore vitiati, nec neceſſaria vitæ poterunt ſubſidia ſufficienti animo parare.

In ſecunda facie Cancri Mars, eſt homo inhoneſti vultus, mirabilis figuræ, mirantur homines, & rident eũ. Maternus. Mars in Cancro ſi fuerit inventus, quicunq̃; ſic eum habuerint, erunt fœdiſſimi aspectus, mirabilis formæ, & quos primùm omnes irrideant. Erunt equites, & qui balistarum, tormentorumq̃; jaculationibus delectètur, equos nutriunt, & beluas ad militiam pertinentes, erunt quoque milites, & militaribus negotiis impediti, unde ſibi honorem quandoq̃; & cæterorum militum timorem acquirant.

Fuit Attila inhumano lucidoq̃; pallore, ac effe-ri oris monſtruoſo ductu, torva oculorum niſtatione terribilis, ac tota forma ſævitiam ſpirans, ut terrifico nomine Dei flagellum appellaretur, fuit ſui ſæculi funeſta clades, urbiumq̃; portentofus e-vaſtator, ut ad humani generis excidium non alio lictore opus eſſet, ad immortalẽ potentiam, & ſæ-

vitæ gloriam supervectus est, tamèn sanguine per nares erupto, conjugale totum fœdavit, & suo sanguine strangulatus interiit.

Mars in secunda facie Leonis, apparet tristis, anxius, & doloribus plenus, percutit caput, propria manu dilacerat barbam suam. Maternus. Quicunq; Martem in Leone habuerint, erunt homines potentes, audaces, fortes, & qui equestri præapte jaculatione delectentur, facie tristes erunt, solliciti, & multum cogitabundi, & qui sæpius aliquo dolore perculsi, & caput plangent, & pectora pugnis obtundant, ac perplexi barbam manibus suis cogitationibus permulceant.

Fuit & Diomedes, ut Dares narrat, austero vultu, sed corpore honesto, quadrato, iracundus, bellax, audax, clamorosus, vividus & impatiens. Nepos.

*Voce ferox, animo princeps, fervente cerebro,*

*Ardentiq; iracundus, quadratus in artus,*

*Tytides plenius meretur tibi factis*

*Sic animo, sic ore fero, sic fulminat armis.*

Hali. Mars in prima facie Virginis, est turpis aspectus, mœsti vultus, diu servat iram. In secunda & tertia facie est cæcus, debiliū membrorū, mali negotii, semp̃ defectivus, vilis & senex. Maternus. Quicunq; Martem in Virgine habuerint, homines erunt turpissimi, fœdissimiq; aspectus, gravissimæ iracundiæ, sed eā intra pectus suū diutissimè continentes, & qui audaci semper animo in res quas cūq; ab aliis intentatas ferantur. Sed cū ad secundū genituræ trigonū Saturnus pervenerit, ad cœcitatem fortasse

fortasse, & membrorum læsionem aliquam devenient, erunt quoque pauperes, obscuri, malisque negotiis impediti, & qui vix sibi necessaria vitæ possint alimenta subministrare.

Mars in prima & secunda facie Libræ, emittet balistam, tenet arma, timetur, & est bonæ existimationis & honestus. In tertia facie jocationes, hilaritates diligit, cantiones, quietem, comedere, & bibere, Mars si fuerit inventus in Libra, homines erunt boni aspectus, pulchræ formæ, delitiis dediti, & qui armis præcipuè delectentur, atque equestri jaculatione laborent, sed cum ad alterum genituræ trigonum Saturnus devenerit, tunc joco sis conviviis, lævique sodalitiis versabuntur, tunc jocationes, cantusque exercebunt, tranquillo vitæ genere felicissimo perfruentes.

Mars in tertia facie Sagittarii erit effœminatus & derisor, assimilatur mulieribus in debilitate, pigritia, & loquela, vestibus, & se comando. Mater-nus. Si Mars in Sagittario fuerit inventus, homines erunt molles, effœminati, ac in actibus suis plurimum pigri, & inertes, vocis quidem fœminæ, debiles quoque, ac muliebri apparatu gaudentes. Sed cum Saturnus primum genituræ trigonum transierit, erunt audaces, fortes, magnanimi, & in magnis negotiis occupati, & qui viri-bus, & magnanimitate sua facile ab omnibus timetur.

**DE FORMA ET VIRIBUS VENERIS**

*in signis Zodiaci.*

**CAPUT XXVII.**

**H** Ali. Venus in omnibus partibus Arietis est.

defectiva, triftis, doloribus plena, anxia, pauper, defectiva, eveniunt ei impedimenta, & occafiones, gravamina, & cogitatus. Maternus. Venus fi in Ariete fuerit inventa, erunt homines triftes, folitarii, anxii, vitiati corpore, & animo pauperes, & mendici, & quibus plurima noceant diverfarum calamitatum impedimenta. Erunt hi quoque multæ cogitationis, & varii difcurfus.

Si Venus in Geminis fuerit inventa, ex Materno. Erunt formoso, delectabiliq; afpectu, omnibus maximè grati, homines erunt boni, bonamq; in omnes voluntatem habentes, & qui maximo quodam pietatis ardore omnibus hominibus & pauperibus, præcipuè & afflictis fubvenire conentur, erunt quoq; fapientes, aftuti, ingeniofi, faciendi.

Hali. Venus in omnibus partibus Leonis eft debilis membris, pauper, defectiva, malorum, & diverfæ formæ, ac naturæ. Maternus. Quicunque fic eam habuerint, erunt pauperes, neglecti, corpore vitiati, diverfæ, variæque naturæ, & qui diverfa ut plurimum fortuna conftituti, crebris fæpius laboribus fatigentur.

Venus in omnibus partibus Virginis, eft doloribus plena, anxia, triftis, debiliū membrorum, affociatur pauperibus, egentibus, ac habentibus membra infirma. Maternus. Homines erunt femper triftes, anxii, folliciti, luctuofi, & qui corpore & animo vitiati, egeni ut plurimum, & infirmis hominibus fociuntur.

Ven<sup>o</sup> in omnib<sup>o</sup> partib<sup>o</sup> Capricorni, diligit jocationes, bibere, inebriari, canere, res formofas, focietatem,

tatē, & est bonæ staturæ. Maternus. Si Venus in Capricorno fuerit invēta, homines erunt honesti, placidi, alacres, jocularum, cantuum, sodalitarumque amatores, bonæ staturæ, pulchri aspectus, & qui conviviis potissimum delectentur, resque formosas, & ornatas ament.

*DE FORMA ET MORIBUS MERCURII per aliqua Zodiaci signa.*

CAPUT XXVIII.

**M**ercurius in omnibus partibus Scorpionis est pulcher, compositus & bonæ formæ, timeatur, & est pulchrarum vestium, boni equitatus, ornatus & splendidus. Maternus. Mercurius si in Scorpione fuerit inventus, homines erunt satis pulchri, ac venusti, benè compositi, bonæ apparētiæ, & qui ornatis vestibus delectentur, benè morati, honesti, & liberales, & qui præcipuè timeantur à multis, & assiduis gaudeant equitationibus.

Mercurius in omnibus partibus Piscium, est pulcher, acutus, intelligens, ornatae formæ, formosarum vestium, corpore completus, & membris, honestus, honoratus, & fortis. Maternus. Si Mercurius in Piscibus fuerit inventus, homines erunt pulchri, acuti, intelligentes, legum, judiciorumque æquissimi cultores, venusti aspectus, corpore, membrisque benè compositi, ornatis vestimentis plurimum gaudentes, facundi, disertī, in multis scientiis eruditi, hac de causa ab omnibus honorati, à quibus multa conquirant subsidia facultatum.

Mercurius in Capricorno est pauper, diminutus  
 fatigatus, infirmus, debilis membris. Maternus,  
 Venus si in Capricorno fuerit inventa, pauperes  
 erunt, ignobiles, omnibus facultatibus denudati,  
 valetudinarii, membris vitiati, ac longis laboribus,  
 vitæque impedimentis continuè fatigati.

Finis Libri Quarti.

# JOAN. BAPTISTÆ PORTÆ NEAPOLIT.

## COELESTIS PHYSIOGNOMONIAE LIBER QUINTUS.

### PROEMIUM.

**A**M ad maculas deventum est, quæ in  
 variis corporum partibus reperiuntur,  
 vultu, pectore, manibus, pedibus, denti-  
 bus, ungulis & oculis. Opiniones A-  
 strologorum recensēbimus, refutabi-  
 mus, inde ad Physicæ rationes accingemur. Veteres  
 Astrologi has maculas secundas stellas vocabant, à su-  
 perioribus impressas, præmonstrantes, quæ ratione, pru-  
 dentiaq; reprimi queant, nulla tamen injuncta nostris  
 moribus necessitate, sed lubentia potius quadam &  
 proclivitate ex sanguine & spiritibus physicis. Exi-  
 mia dicunt esse gloriæ, potentie, & felicitatis signa,  
 Suetonius de Augusto memorat, fuisse corpore maculo-  
 so, dispersis per pectus, atq; alvum genitivis notis in ma-  
 dum &

dum & ordinem, ac numerum stellarum cœlestis urse. Seleucianulus fuit, in quo anchora effecta visebatur, cujus imago in fœmore posteris familie, nativa apparuit, sicut Thebis habere lanceam, genitivis notis Satorum nomini, & familie datum erat. Inter quos fertur brachio Dacorum notam originis quarto quoq; partu regenerari. Et Barletius in vita Scandebergi in dextro brachio ensis formam impressam esse, ut manufacta videretur, pulchrum, clarumq; bellici decoris signum. O insignem nature liberalitatem, vel nascentibus nobis subiicit documenta, & in corpore ipso figit insignia, quæ postmodum sint sequenda. Sed oportet, quæ siderum constellationibus assimulantur, macularum numerum stellis respondere, quæ, cum evidētia, pulchra, & absoluta fuerint, magnam non interruptam cum felici exitu gloriam significabunt, sed si exigua sint vestigia, eò minorem, si non pulchra, quãdam fortune inequalitatem, adversaq; multa, & non successibus parem significabunt, ac secundum corporis partes evidentiores habent effectus. In pectore primò, secundo in ventre, ut Augusto, dein dorso, ut in Scandebergo, quarto in brachio, in manibus, & in pedibus. Considerandum præterea, si in dextra, vel sinistra hominis parte, in dextro enim fœlicitatem, in sinistro infœlicitatem. Solinus de caninis dentibus loquens ait, si Gemini procedunt à dextra parte, fortune blandimenta promittunt, quibus ableva, versa vice.

DE MACULIS ASTROLOGORUM  
& Philosophorum sententiæ.

CAPUT PRIMUM.

**A**pparēt sæpissimè in humano corpore quàm plurimæ maculæ omnium generum quantitatē & formæ, & coloris, quippe maximæ, minimæ & mediocres, minimas nævos vocant, sed majores Medici ex humorum perversitate provenire, videlicet ex phlegmate albas, ex atra bile nigras. Nos primùm Astrologorum placita recensēbim⁹. Inquiunt enim, ex ascendentiū signorū qualitātibus, & ex planetis in eis dominantibus, ac ea loca signantibus, quibus dominantur. Humanum corpus in duodenas dividunt partes, secundum signorū numerum, & sic singula signa singulas partes retinent. Caput in signo Arietis est, cervix in Tauro, humeri in Geminis. Cor in Cancro, pectus & stomachus in Leone, venter in Virgine, renes & vertebræ in Libra, natura in Scorpione, fœmora in Sagittario, genicula in Capricorno, tibiæ in Aquario, pedes in Piscibus, & sic per hæc signa universa humana membra dividuntur, & sic de moribus, & de futuris eventibus certiori fide nos admonebunt: nam ubi planetæ in his signis in natalitio reperiuntur, hæc loca signāt, maculis, nævis, vel cicatricibus & planetarum coloribus. Ex his duodecim signis Sol & Luna singula signa sortiti sunt, cæteri verò quinque planetæ bina, in quibus imperium & domicilium constituta habent. Sol in Leone suum habet domicilium,



eilium, & potestatem. Luna in Cancro, Saturnus in Capricorno & Aquario sui imperii majestatem exercet, Juppiter in Sagittario & Piscibus, Mars in Ariete & Scorpione, Venus in Tauro & Libra, Mercurius in Virgine & Geminis. Denique Martem rubra signare macula, Saturnum nigra, Solem crocea, Venerem rosea, Jovem & Lunam alba. Mercurius varia dat etiam. Luna corpus candidum, multarum variatum macularum. Sed res se aliter habet, nam maculæ non ex planetis, vel ex signis, sed ex humoribus proveniunt: quippe non Saturnus, sed atra bilis atras profert maculas, & bilis croceas, sanguis roseas, & pituita albas, & ex humorum mixturis variæ exoriuntur, non ex Mercurio. Ex calefacto sanguine ruffæ vel flammeæ, non ex Marte, & ex variis bilis generibus variæ nascuntur, ex porracea virides, & ex flava flavescences, quæ in mulierum corporibus facilius percipiuntur, cum candidius, ac delicatius corpus habeant. Et hi humores ea præcipuè inficiunt loca, ubi residere solent, albæ plerumque in facie, ubi ex cerebro deveniant, nigrae in pectore, ubi lien, sanguineæ in alvo, ubi jecur, & croceæ per totum corpus, ut arquati, & in costis, ubi vesica residet fellea. Sunt & ejusmodi maculæ in cæteris animalibus, etiam

perpetua bonitatis & vitiorum  
testimonia,

*MEDI-*

*MEDICORUM OPINIONES DE  
pregnantium maculis.*

CAPUT II.

**E**A siquidem est imaginariæ facultatis vis, & potestas, ut ubi mulier fixius quid intueatur in conceptu, vel prægnans aliquid impensius exoptet, in tenello infanti corpore varias rerum formas, quasi sigilla, imprimit, veluti nævos, liturgas, verrucasque, quæ non facile elui possint, ac emaculari. Plerunque ex leporum obtutu infantes edunt cum bifido superiori labello. Simile quoddam in reliquis animantibus elaborare solent naturæ artifices, objectis sub ipso conceptus momento variarum rerum coloribus. Quo stratagemate usus est Jacob, passim stratis, objectisque virgulis, quibus cortices ademerat, maximam gregis partem, cum se inirent, maculoso tegmine, ac versicolore vellere præstitit, sic picturatas alites, sic canes, scutulatos equos, ac signatos perfecimus. Plinius. Compræhensæ, haustæque sub ipso conceptu imagines, tum subito oborta cujusque rei cogitatio effingere similitudinem, formasque miscere credatur, ideoque plures in homine, quàm in cæteris animalibus, differentiæ, quoniam velocitas cogitationum, animique celeritas, & ingenii varietas multiformes notas imprimit, cum cæteris animantibus immobiles sint animi, & similes omnibus, singulisque in suo cuique genere. Sic etiam videmus sylvestris suis carnem cum suis pilis in facie puerorum, rubras viri

vinum maculas, ac mori arboris fructus, & ejusmodi sexcenta alia, sed hæc non ex imaginatione mulierum fixa, aut ejus spiritibus omni conatu in cogitationibus conversis. Sed id alia de causa evenire putandum est, quippe ex redundantibus in corpore humoribus animalibus illis similibus. sic porcinam similitudinem in vultu referunt, & corpore: & Physiognomones ex eorum animalium vultus similitudine mores præsagiunt. Cum enim leporini humores, aut suilli, in corpore redundant (diximus enim in humana Physiogn. ex Aristotele, quod in homine sunt omnium animalium mores, sic etiam & humores, per mores & similitudines illas faciunt) naturæ impulsu, omni conamine facto, si prævalida sit, & robusta, ut proximius poterit, & citius expellere, vultu, pectore, manibus, aliisque partibus eiicit. Et nos ex ejusmodi notis non parum lucis nacti sumus in cognoscendis hominum moribus, quippe qui vini notas in corpore habent, ebrii, vinosique sunt, qui apri, sylvestres, & efferati, qui leporis, timidi, & sic de cæteris. Et quemadmodum de moribus multa coniciuntur, sic etiam de futuris, ut suo loco dicemus. Nos sæpius experti sumus, mulieres filios cum bifido labro genuisse, quæ nunquam leporem viderunt, & quæ filias vinosa facie, quæ vinum oderint: nec biberint, nec unquam concupierint. Sed cognovimus certissime mores illis animalibus similes retinuisse.

*CUR*

*CUR SINISTRÆ PARTES DEX-  
tris infœliciores.*

CAPUT III.

**I**N Astrologorum scholis sancitum est, Orientales partes fœlices & fortunatas esse, ac dextris dominari: secus autem Occidentales partes fœlices & fortunatas esse, ac dextris dominari: secus autem Occidentales, nam infœlices, ac infortunatas, ac sinistris præesse. Ptolomæus ait Solem dextræ corporis parti dominari, Lunam sinistræ. Alii dicunt Solem in viris dextræ parti præesse, in mulieribus sinistræ, Lunam verò fœminis dextræ, viris sinistræ. Messahala. Quando Mars erit significator nati, & fuerit Orientalis, signabit natum in dextro pede, si fuerit Occidentalis, in sinistro, & hoc nunquam fallere, quod & alii idem affirmant. Melampus de nævis scribens ait. Mas, vel fœmina, quæ à dextra corporis parte signa continet, fœlices erunt, unde & probi, & divites, secus autem evenit læva: nam calamitatibus omnibus obnoxii, & pauperes omnino reddentur. Sed hi falluntur, quod id stellis, non physicis rationibus ascribant. Dicunt enim Medici dextram hominis partem calidiorem esse, ob id robustiorem, vehementioremque esse: argumento mares in dextra uteri parte concipi, fœminas in sinistro, & dextras partes sinistris præpollere, ut superiores inferioribus, ut ex Hippocrate habetur. Et Galenus. Si dextra prægrandis mamilla grave-scit, abortit mulier, sinistrum testiculum in maribus, &

bus, & sinistram matricis partem frigidiorē esse, & sanguinem impurum, excrementosum, humidum, & fetosum recipere, & si sanguis purus, calidior, dextræ partes sinistris calidiores. Supera pars inferiori calidior est, quia calor sursum evehitur, ut ex Aristotele in Problematis habetur. Ex his habetur, quod dextra pars robustior est, & sua robustitate faciliè superfluitates expellit, sinistra verò minus: unde, quando utraque pars excrementosus & corruptos humores foras expellit, maxima in corpore & copiosa inest materia, ob id semper animi mœstias, infirmitates, & noxia gignunt, & infœlicia præfagiunt. Sed animadvertendum in iis, id verum esse, qui dexteram partem communiter calidiores habent: nam sunt scævæ, qui sinistras calidiores habent, & in his aliter se habebit iudicium. Sed sunt etiam ambidexteri, qui utraque manu æqualiter utantur, & de his etiam aliter sentiendum.

## *QUID SIGNIFICET NÆVUS IN*

*fronte.*

### *CAPUT IV.*

**H** Alii libro de astrorum judiciis docet ex signis facie apparentibus, quomodo abscondita in corporis partibus reperiuntur. Inquit enim. Si videris in homine notam, vel nævum in fronte, aliam notam habet in pendili, cuius rationem naturalem in Physiogn. attulimus. Melampus verò Græcus de nævis scripsit, & quæ bona vel mala præfagierint, exponit Astrologorū opiniones hoc

modo secutus. Nævus in fronte maris, dicit plurima bona possessurum, at in fœminæ fronte positus, regnaturam, vel magnæ potestatis futuram denotat. Sed quia hæc signa bona portendunt, ideo in dextra corporis parte esse oportet, nam in læva contrarium denotarent. Rationes ipse ex Astrologis quæsiuit, ut supra diximus, qui nævum in fronte habuerit, alium in pectore habebit, non in pendili, ut dixit Hali. Sed pectori præest Cancer, cui Luna dominatur. Erit igitur locuples, bonæ famæ, alti gradus, & amplæ dignitatis. Hæc Maternus, à quo Melampus. Sed naturalis ratio ita se habet. Frigidæ maculæ ad ima tendunt: nam frigidi est ad ima descendere, ad nates, coxas, & furas, at quæ ex calido eveniunt, in pectore, ac superiori corporis parte. Qui verò calidi cordis ac pectoris sunt, magnanimi sunt, fortes, viriles, nobiles, & optimè morati, unde non ab re erit, si ejusmodi homines, elati gradus, locupletes, & quàm plurima bona in vita possidebunt.

*DE NÆVIS IN AURE, ET FOEMORIBUS, & quid portendant.*

CAPUT V.

**I**dem quoque Melampus ait. Si nævus in aure maris apparebit, dives, ac celeberrimus fiet, eadem & fœmina, quòd nævo in fœmore signata eadem fortietur. Idem quoque Melampus, dum de fœmore ageret, ait. Tale signum in fœmore in utroque sexu, divitiarum exuberantiam denotabit

denotabit, ipseque rationes ab Astrologis deducere videtur: nam scemora Sagittarium possident, cui Juppiter dominatur: & existens Juppiter in Sagittario in sua domo, facit gloriosos, potentes, nobiles, locupletes, copiosos, doctos, hilares, & humiles, & qui aliena patrimonia possideant. Ac si in sinistra parte erit, scilicet, si infortunatus, vel Occidentalis, vel à Saturno, & Marte sauciatus eo loco constitutus, odiosos, turbatos, laboriosos, & quæcunq; complere voluerit, prosperum non habebit effectum. Præterea Astrologi quibuscunq; corporis partibus planetas præesse volunt. Ptolomæus Saturnū possidere auditum dextrum, splenem, vesicam, & phlegma, Jovem tactum, pulmonem, costas, cartilagineas, & sperma, Martem sinistrum auditum, renes, & testiculos, Venerem odoratum, hepar, carnem, Mercurius locutionem, deliberationem, memoriam, linguam, fel, & nares, Lunam gustum, deglutivam, stomachum, ventrem, mulierum pudenda, & omnia sinistræ partis membra. Unde, quia auris dextra à Saturno possidetur, promittere liberè potest sibi hæreditatem, & divitias ex nigro signo in aure dextra.

**DE NAEVO IN SUPERCILIO, ET**  
*in pectine, & extra supercilia.*

**CAPUT VI.**

**E**T Hali Abenragel ait. Si homini videris notam inter supercilium & palpebras, alteram

**M 2**

notam habebit in vultu inferiori, & alteram inter umbilicum & pendile, & hoc vaticinium ex astrologicis rationibus desumfit: nam pectini præest Scorpio, cui Mars dominatur, & Mars in Scorpione, ut ex Materno habetur, facit viros mulieribus deditos, ut omni posthabita pudoris honestate, & illis quandoque vim inferre conentur, & cum eis sæpius irati lites exerceant, demonstrat enim mulierosum hominem, & quibus vim inferre conetur, etiam usque ad nævum, unde multas ducturus uxores, & cum multis mulieribus tractabit, satis infœliciter. Dares Phrygius narrat Helenam notam inter duo supercilia habuisse. Cornelius Nepos ita vertit.

*Sola superciliis labes interfusararis*

*Audaci macula tenues discriminat artus.*

Hinc antiquitus orta opinio existimatur, quæ nævum inter supercilia habuerit, malè fuisse marito fida. Et ut ex Hali superius vidimus, si extra supercilium fuerit, aut supra illa, aut infra, & palpebras, non in pectine, sed infra pecten & umbilicū. Macula, quia rubra Martis erit, id est, sanguinis, & sanguinis notæ, optimæ, moderatæque.

**QUID NÆVI IN NASO RECTI  
& obliqui, & abditis; & quid demonstrent.**

#### CAPUT VII.

**S** Irutilus nævus in maris naso visitur, cum talē etiam in abditis habet. In naso verò fœminæ, sive in



sive in oculo conspectus, quod & ipsa illum in secretiori corporis parte contineat. Si marem vel foeminam in manibus naevum habentes videris, ille mares, foemina ab eo diversum sexum progenerabit. Hali. Si aspexeris hominem, & invenies in eo notam in nare, dic quod habet alium in virga virili, & alium in costis à parte sinistra, & alium in loco, vbi sunt capilli in pedili. Naturalis ratio eadem est, quam supra diximus, nam qui in luxuriæ membris aliquo signo notatus, & præsertim ignei coloris, haud dubio procul luxuriosissimus erit. Sequitur Melampus. Si tale signum in maris naso ex obliquo cõstiterit, per urbes hinc inde vagari demonstrat. In foemina ibidem positus, eam diversa à pedibus passuram judicium est, quoniam & in abditis naevum habet. Causam ab Astrologis deducit, per naevum in naso obliquum intelligit, quando erit in sinistra parte, vel ad sinistram partem vergens, unde Martem infortunatum indicat, & ob id infelicitates portendit, mobiles homines, peregrinos, & quamplurima in itineribus passuros dicit, ut diximus in capite de Marte. Sed in foeminis pejus erit: nam pedibus minatur, scilicet mala in pedibus, compodes, dolores, & ejusmodi similia, sed naturalis ratio est, quod complexio supra modum calida, quam Martiam diximus, homines mobiles, præcipitosos, instabiles, furiosos, & peregrinos facit, & in continuis motionibus, & itineribus sunt, non nisi mala in pedibus patientur, & in sinistra hominis parte, de pravationis naturæ signa diximus.

officiosus, & ejusmodi alia, ut multoties in hoc libro ex Materno replicavimus. Cardanus maculas in dentibus albas & nigras evenire dicit, quæ cum dentibus nascuntur, & abolentur duodecimum annorum spatio albæ & pituitæ redundantia, nigræ, ex melancholiæ.

*DE IIS, QUI IN MENTO ET  
liene nævum habuerint.*

CAPUT X.

**S**I nævum in mento mas habuerit, dives auri, argenteive efficietur, idem & de fœmina putandum, eò quod ad lienis partem alterum continebit. Et paulò inferiùs Melampus. Si uterque in ea corporis parte, qua lien nævo affectus fuerit, valetudinarii vitam peraget. Et paulò post. Si uterque sub alvo signabitur, eosdem valetudinarios fore contendas. Is ex Astrologis rationem petit: nam lieni præest Saturnus, melancholiæ dominus, & melancholia in splene residet. Saturnus infirmitates longas, vel chronicas largitur, & ob id semper valetudinarii. Sed naturalis causa est, quòd, quibus splen tumet, vel signatum nigrærit nota, ii melancholia semper abundabunt, & atrabiliarii morbi longævi sunt, & nunquam desinentes, ob id valetudinarii. Ob eandem etiam rationem paulò inferius subdit. Qui in splene signati, valetudinarii. Sed prius, ubi dixerat. Qui in mento nævum habent, divites erunt, auri, & argenti: quod in liene alterum habeant, ne videantur hæc dicta simul adversari. Sciendum,

signati, magnanimi sunt, liberales valde, & optimatum amici, & iis divitiæ, ut sæpius hoc opere meminimus, & nummi nunquam deerunt.

*NÆVUS IN COLLO, ET VENTRE  
quid portendat.*

CAPUT XII.

**S**I in collo mas nævum possidebit, ditissimum indicat, & fœminam etiam eandem fortunam consecuturam. Collo præsidet Taurus, cui dominatur Venus, & cui Taurus ascendit, & si sua bona in juventute prima amiserit, postea cum lætitia ea denuò cumulabit, & augebit, & habebit bonæ fœlicitatis ornatum, ex Materno. Sed ego non divites, sed voraces dicerem: nam quibus locis nævi foras expelluntur, in his potissimum robustitas & caliditas naturæ, augurarer, & qui calidam & robustam habent gulam, semper esurientes & edaces sunt. Præterea, ut in superiori signo jam diximus, qui in gula, vel collo nævum habent, & alium in alvo, vel ventre habebunt, & qui in ventre habuerint, demonstrant ibi robustitatem & naturæ caliditatem in concoquendo, & qui rectè concoquunt, voraces sunt, & gulones. Ob id Melampus, In ventre, ait, tam maris, quàm fœminæ nævus constitutus, voracem utrumque, & gulonem designat. Et nos universo hoc volumine vidimus: quando Natura instrumenta corporis signat, ea signa ad suam operationem exercendam, & hominis qualitates designandum apposuisse.

Mercurio minimum. Alii majoris digiti pars, quæ extra tumet, Marti & quæ indicem respicit, Lunæ, colorem Saturno nigrum ascribunt, Lunæ album, Marti rubeum, Soli croceum, Jovi & Veneri roseum. Sed hæc futilia, & anilia sunt. Colores enim non à planetis, sed ab humoribus corporis pendent, ut sæpius decantavimus, melancholiæ nigrum, phlegmati albū, sanguini roseum, flavæ bili croceum, incensæ album. Astrologi dicunt. Si macula in digiti ungue Martis accideret, peregrinationem ostendit. Si miles, cum gloria & utilitate. Si nigra erit, noxia demonstrat, lites, rixas. Si Veneris alba, munera, & victorias ex ludo; at si nigra, luctus, fastidia. Si index albas ostendit maculas, lucra, utilitates, nummos, inopinatas utilitates; at si nigras, bonorum amissionem, infœlicem fortunam, & similia. Pars altera mediū digiti, quæ hæret indici, Saturno datur, altera Lunæ. Si in Saturni parte macula erit alba hæreditates possidebit, donationes, ædificia; si nigra, justitias, & melancholicas passiones, & ærumnas. Si in alia parte erit macula alba, utilitatem, honorem, negotia aliena, itinera; si nigra, quæ diximus in Luna, demonstrabit. Si in ungue annularis punctus albus conspicietur, rotundus & clarus, dignitates demonstrat, bonorum augmentū, honorum, & boni nominis, & si minor punctus, minores dignitates; sed si niger, ærumnas, exindie honores, & similia.

Si in minimo punctus albus, ostendet merces, scribas, senat; si niger, afflictiones, et ejusmodi res.

*At si*

At si lineæ albæ erunt, demonstrant vitæ mutationes, secundum planetarum significationes. Si autem virides, manifestas, si obscuræ, obscuras, si magnæ, magnas, & si parvæ, parvas. In dextra magnis parte ex industria, in sinistra ex fortuna.

Quando exierit macula ab ungue, incipit effectus, quando autem in medio, erit in augmento, & sic de fine. Sed hæc ridicula sunt, & quæ ex astris isti evenire contendunt, physica ratione oriuntur. Sunt enim excrementa cordis : est enim cor validissimum viscus: quod à se noxia omnia propellit, sed minùs nobilia membra cum conatu, & minùs visibiles: quæ in unguibus eveniunt, maximè visibiles, quia transparentes, unde in his, & oculis faciliùs observantur. Unde quando ex aliquo intenso, & vehementissimo timore, labore, mœstitia, cor nobilissimum membrum obsidetur, sua pellit robustitate. Si atrabiliaris humor, nigras maculas ejicit, & cætera, sed præcipuè in annulari, ibi enim ex corde venæ sunt, ex hoc Medicorum jussu aurei annuli in eo gestantur digito, ut cor lætificetur, unde priùs adversa, postea maculæ ostenduntur, sed ob observantium imperitiàm non animadvertuntur : nam maculas videndo, suarum ærumnarum meminerint præsentium, & futurarum. Sed ego ex paterna hæreditate cum adversa aliqua, & maximè melancholica paterer, unde exilia, & persecutiones sufferrem, nigerrimæ maculæ in unguibus per totum septennium apparuerunt, ob sollicitudines, labores, honoris timorem, & exilia, quæ sustinebam, quæ jura cum molestiis

molestiis evanuerunt, & hoc verum observavi. Albæ nimirum ex phlegmate, cùm corpus ea redundat, & maximè in unguibus emergunt, cùm corporis partes cæteræ non ita conspicuæ, cum phlegmaticis considerationibus stimulamur.

*MACULAE IN OCULIS QUID.*

CAPUT XV.

**M**aculæ in oculis duplices sunt, aut in albo, & tunc eveniet, quando melancholicus humor multum abundat, ut v. detur aliquando in moribundis, vel quando ejusmodi oculi maculosi sunt nigris maculis, & habitu sunt melancholico, unde animi passiones subsequi certum est. Vel sunt maculæ in oculis, ut grana milii, vel quadrangulæ diversorum colorum, ignitæ, rubræ, ceruleæ, iridis coloris, quæ veneficos, & efferatos homines indicant, unde horribiles eventus, & pessimas mortes pronunciant, ut diximus in Physiognomoniam.

*DE NÆVIS IN MANIBUS, PEDIBUS, & VIRGA QUID PORTENDANT.*

CAPUT XVI.

**N**ævus in manibus utriusque fecundos in sobole procreanda monet viros & fœminas. Ex Melampo. Idemque. Nævus in pedibus utriusque conspectus liberorum plurimæ in ipsis fecunditatis signum est. Sed quemadmodum diximus in Physiogno-

Physiognomonicis, brachia, & crura eandem subeunt rationem, sic manus & pedes, & qui in manibus signatus erit, idem & scroto, sed qui in scroto signati, luxuriosi & fecundi sunt. Mars etiam in ascendente dat signum in pede dextro, occidente in sinistro. Et Hali dixit. Si videris notam in manibus, aliam videbis in scroto, & pendilibus.

### NAEVUS IN LUMBIS QUID

*portendat.*

#### CAPUT XVII.

**S**Itam maris, quam foeminae naevus in lumbis adhærebit, uterque inopia, & generis infelicitate premetur. Ipse ab Astrologis causam petit, lumbis enim Libra præest, uti Venus dominatur. Sed si in sinistra parte signatus erit, Venerem demonstrabit infelicem, & qui eam contrariam habebunt, non mediocria patientur detrimenta, & adversitates, idque ex rebus Venereis. Possumus & astrologicam causam adducere ex Materno. Ait enim. Juppiter in Libra, dat quoddam signum in corpore. Idemque de Jove loquens in Libra.

### NAEVI IN PECTORE QUID

*notent.*

#### CAPUT XVIII.

**M**Elampus ait, cum naevum in pectore uterque gestat, paupertatis obnoxios fore judicabis. Hali Abenragel ait. Si aliquis notam habuerit in superciliis, aliam notam habebit in pectore.

**Core.** Legimus item apud Messahalam, quòd Saturnus in Leone signat in quadam corporis parte, quod non alibi, quàm in pectore esse potest, cui præest Leo, & Saturnus dat paupertates, & ærumpas, damna, & funilia.

**SI NÆVUS SUPRA COR APPA-**

*ruerit, quid sperandum.*

**CAPUT XIX.**

**S**INÆvus in parte sinistra, facinorosum notat, cordi Leonem præesse judicandum, quòd videlicet viri sint ignei, & præfervidi cordis: Naturalis causa esse potest, quia quando cor signatum est, igneæ, & præfervidæ iræ sunt viri, ideò præcipientes, sine consilio irruentes, ob id saucii, exules, ac carceribus detenti, vitam finiunt, derelicti, & ab omnibus odio habiti.

**DE IIS, QUI HABENT NÆVUM**

*in ventre, quid præsagiendum.*

**CAPUT XX.**

**I**N ventre tam maris, quàm fœminæ nævus consistens, voracem utrumque, gulonemque designat. Astrologi imò ventri & pectini dicunt Scorpionem præesse, uti Mars dominatur, qui calidissimus est, & qui ventrem calidum habent, voraces sunt, & gulones.

**DE NÆVO IN GENIBUS.**

**CAPUT XXI.**

**M**Elamp<sup>9</sup>. Si mas in genub<sup>9</sup> nævū obtinebit conjugem divitem obtinebit, In fœminæ dextro



genu signum hujusmodi probitatis, in lævo verò liberorum fecunditatis indicium interpretaberis. Genua Capricornus obtinet, cui dominatur Saturnus. Vel si in dextra parte signati sunt, denotat fœlicem Saturnum in Leone, & ibi perveniens à tempestatibus liberatus, ad serenitates & læticias & divitias deveniet. Sed audiendi non sunt. Ratio naturalis est, quòd virtus expulsiua debilis, & humores pessimi sunt & melancholici, & ex se ipsis cadunt in partes inferiores, unde materie paucitas demonstratur, & quòd corpus hujusmodi humoribus vacet, & qui ita signati sunt, probi sunt.

*DE NÆVIS, QUI IN TALIS; QUID?*

CAPUT XXII.

**N**Ævum si mas in pedis talo gestitat, uxori vestium usum, fœmina verò viri potestatem intercipiet. Juppiter Piscibus dominatur, qui pedibus dominatur, & ipse homines sapientes, legum peritos, & multarum scientiarum solertes inquisitores, ob id non mirum, si eorum uxoribus vestium usum intercipient, & si in mulieribus in sinistro genu, prudentes, decoras, honestasque producet, ob id non mirum, si virilis potestas sibi adsciverit.


*Finis Libri Quinti.*

**JOAN.**

# JOAN. BAPTISTÆ PORTÆ NEAPOLIT.

## COELESTIS PHYSIOGNOMONIAE LIBER SEXTUS.

### PROEMIUM.

 *Uperest optima nostra Cælestis Physio-  
gnomonie pars, scilicet, quæ ex defecti-  
bus, & excessibus humani corporis  
partium, aliqua de moribus, & ven-  
turis presagiri possimus. Difficillima  
nempe pars, & quæ reliquas difficultate superabit, vi-  
debiturq; aliquibus sciolis quasi prepostera Astrologia,  
quæ non nisi ex Medicina, & Philosophia fontibus  
hausta sunt.*

*FACIE PULCHERRIMI QUID  
portendant.*

### CAPUT PRIMUM.

**L** Oquemur de pulcherrimis, mox de deformi-  
bus ratio habebitur, si corpore pulchri sint, &  
animo pulchriores, vel deformes moribus, & si  
fortunatos, vel infelices eos reddant, qui cum illis  
consortium inibunt. Sed principio Ptolomæi  
placita videamus. Ipse enim à Jove, & Venere  
venustatem homines sortiri narrat, & demunt,  
adduntque Sol stellarum princeps splendorem, di-  
gnitatemq; ingerens se Luna, ut superius libri in-  
tatio quoq; vidimus. Juppiter facit albos cum qua-  
dam coloris cōmendatione, oculos nigros & ma-  
gnos, & forma venerabili, & Venus similia his fa-

genu signum hujusmodi  
 liberorum fecunditatis  
 Genua Capricornus ob  
 turnus. Vel si in dextra pa  
 foelicem Saturnum in Le  
 tempestatibus liberatus, &  
 & divitias deveniet. Sed au  
 naturalis est, quod virtus ex  
 mores pessimi sunt & melan  
 cadunt in partes inferiores,  
 tas demonstratur, & quod co  
 moribus vacet, & qui ita figr

*DE NAEVIS, QUI IN*

*CAPUT X*

**N**ævum si mas in pedis tal  
 stium usum, foemina ve  
 intercipiet. Juppiter Piscibus  
 dibus dominatur, & ipse homin  
 peritos, & multarum scientiaru  
 sitores, ob id non mirum, si eo  
 stium usum intercipient, & si in  
 nistro genu, prudentes, decoras,  
 ducet, ob id non mirum, si virili  
 sciverit.

*Finis Libri Quinti*

us, magisteria, & officia  
gis calida & humida ad  
divitiæ, & omnia vitæ

## RE DEFORMES

sent.

### I I.

Philosophus, quorum  
item deformia ha-  
m est, ut contem-  
e, aut non ita ele-  
so, statim vene-  
ut si duo aliqua  
magis existime-  
que etiam sen-

virtus.

ucturam in-  
bra distor-  
& passioni-  
iri. Ob id  
compan-  
ngredere-  
nulli cor-  
is pravitatē,  
nq; sequatur.  
deformia, sed  
cuipiam distor-  
oni. Brutus apud Brutu.

N 3

N 3

signati, magnanimi sunt, liberales valde, & optimatum amici, & iis divitiæ, ut sæpius hoc opere meminimus, & nummi nunquam deerunt.

*NÆVUS IN COLLO, ET VENTRE  
quid portendat.*

CAPUT XII.

**S**I in collo mas nævum possidebit, ditissimum indicat, & fœminam etiam eandem fortunam consecuturam, Collo præsidet Taurus, cui dominatur Venus, & cui Taurus ascendit, & si sua bona in juventute prima amiserit, postea cum lætitia ea denuò cumulabit, & augebit, & habebit bonæ fœlicitatis ornatum, ex Materno. Sed ego non divites; sed voraces dicerem: nam quibus locis nævi foras expelluntur, in his potissimum robustitas & caliditas naturæ, augurarer, & qui calidam & robustam habent gulam, semper esurientes & edaces sunt. Præterea, ut in superiori signo jam diximus, qui in gula, vel collo nævum habent, & alium in alvo, vel ventre habebunt, & qui in ventre habuerint, demonstrant ibi robustitatem & naturæ caliditatem in concoquendo, & qui rectè concoquunt, voraces sunt, & gulones. Ob id Melampus, In ventre, ait, tam maris, quàm fœminæ nævus constitutus, voracem utrumque, & gulonem designat. Et nos universo hoc volumine vidimus: quando Natura instrumenta corporis signat, ea signa ad suam operationem exercendam, & hominis qualitates designandum apposuisse.

Mercurio minimum. Alii majoris digiti pars, quæ extra tumet, Marti & quæ indicem respicit, Lunæ, colorem Saturno nigrum ascribunt, Lunæ album, Marti rubeum, Soli croceum, Jovi & Veneri roseum. Sed hæc futilia, & anilia sunt. Colores enim non à planetis, sed ab humoribus corporis pendent, ut sæpius decantavimus, melancholiæ nigrum, phlegmati albū, sanguini roseum, flavæ bili croceum, incensæ album. Astrologi dicunt. Si macula in digiti ungue Martis accideret, peregrinationem ostendit. Si miles, cum gloria & utilitate. Si nigra erit, noxia demonstrat, lites, rixas. Si Veneris alba, munera, & victorias ex ludo; at si nigra, luctus, fastidia. Si index albas ostendit maculas, lucra, utilitates, nummos, inopinatas utilitates; at si nigras, bonorum amissionem, infœlicem fortunam, & similia. Pars altera medii digiti, quæ hæret indici, Saturno datur, altera Lunæ. Si in Saturni parte macula erit alba hæreditates possidebit, donationes, ædificia; si nigra, justitias, & melancholicas passiones, & ærumnas. Si in alia parte erit macula alba, utilitatem, honorem, negotia aliena, itinera; si nigra, quæ diximus in Luna, demonstrabit. Si in ungue annularis punctus albus conspicietur, rotundus & clarus, dignitates demonstrat, bonorum augmentū, honorum, & boni nominis, & si minor punctus, minores dignitates; sed si niger, ærumnas, ex indice honores, & similia.

Si in minimo punctus albus, ostendet merces, scribas, senatus; si niger, afflictiones, et ejusmodi res.

At si

At si lineæ albæ erunt, demonstrant vitæ mutationes, secundum planetarum significationes. Si autem virides, manifestas, si obscuræ, obscuras, si magnæ, magnas, & si parvæ, parvas. In dextra magnis parte ex industria, in sinistra ex fortuna.

Quando exierit macula ab ungue, incipit effectus, quando autem in medio, erit in augmento, & sic de fine. Sed hæc ridicula sunt, & quæ ex astris isti evenire contendunt, physica ratione oriuntur. Sunt enim excrementa cordis: est enim cor validissimum viscus: quod à se noxia omnia propellit, sed minus nobilia membra cum conatu, & minus visibiles: quæ in unguibus eveniunt, maximè visibiles, quia transparentes, unde in his, & oculis facilius observantur. Unde quando ex aliquo intenso, & vehementissimo timore, labore, mœstia, cor nobilissimum membrum obsidetur, suæ pellit robustitate. Si atrabiliaris humor, nigras maculas ejicit, & cætera, sed præcipuè in annulari, ibi enim ex corde venæ sunt, ex hoc Medicorum jussu aurei annuli in eo gestantur digito, ut cor lætificetur, unde prius adversa, postea maculæ ostenduntur, sed ob observantium imperitiam non animadvertuntur: nam maculas videndo, suarum ærumnarum meminerint præsentium, & futurarum. Sed ego ex paterna hæreditate cum adversa aliqua, & maximè melancholica paterer, unde exilia, & persecutiones sufferrem, nigerrimæ maculæ in unguibus per totum septennium apparuerunt, ob sollicitudines, labores, honoris timorem, & exilia, quæ sustinebam, quæ jura cum molestiis

molestiis evanuerunt, & hoc verum observavi, Albæ nimirum ex phlegmate, cùm corpus ea redundat, & maximè in unguibus emergunt, cùm corporis partes cæteræ non ita conspicuæ, cùm phlegmaticis considerationibus stimulamur.

*MACULAE IN OCULIS QUID.*

CAPUT XV.

**M**aculæ in oculis duplices sunt, aut in albo, & tunc eveniet, quando melancholicus humor multum abundat, ut v. detur aliquando in moribundis, vel quando ejusmodi oculi maculosi sunt nigris maculis, & habitu sunt melancholico, unde animi passiones subsequi certum est. Vel sunt maculæ in oculis, ut grana milii, vel quadrangulæ diversorum colorum, ignitæ, rubræ, ceruleæ, iridis coloris, quæ veneficos, & efferatos homines indicant, unde horribiles eventus, & pessimas mortes pronunciant, ut diximus in Physiognomoniam.

*DE NÆVIS IN MANIBUS, PEDIBUS, & VIRGA QUID PORTEANT.*

CAPUT XVI.

**N**ævus in manibus utriusque fecundos in sobole procreanda monet viros & fœminas. Ex Melampo. Idemque. Nævus in pedibus utriusque conspectus liberorum plurimæ in ipsis fecunditatis signum est. Sed quemadmodum diximus in Physiogno-



Physiognomonicis, brachia, & crura eandem sub-  
eunt rationem, sic manus & pedes, & qui in ma-  
nibus signatus erit, idem & scroto, sed qui in scro-  
to signati, luxuriosi & fecundi sunt. Mars etiam  
in ascendente dat signum in pede dextro, occiden-  
te in sinistro. Et Hali dixit. Si videris notam in  
manibus, aliam videbis in scroto, & pendilibus.

### NAEVUS IN LUMBIS QUID *portendat.*

#### CAPUT XVII.

**S**Itam maris, quam feminae naevus in lumbis  
adhærebit, uterque inopia, & generis infœlici-  
tate premetur. Ipse ab Astrologis causam petit,  
lumbis enim Libra præest, uti Venus dominatur.  
Sed si in sinistra parte signatus erit, Venerem de-  
monstrabit infœlicem, & qui eam contrariam ha-  
bebunt, non mediocria patientur detrimenta, &  
adversitates, idque ex rebus Venereis. Possumus  
& astrologicam causam adducere ex Materno. Ait  
enim. Juppiter in Libra, dat quoddam signum in  
corpore. Idemque de Jove loquens in Libra.

### NAEVI IN PECTORE QUID *notent.*

#### CAPUT XVIII.

**M**Elampus ait, cum naevum in pectore uter-  
que gestat, paupertatis obnoxios fore judica-  
bis. Hali Abenragel ait. Si aliquis notam ha-  
buerit in superciliis, aliam notam habebit in pe-  
ctore.

**Core.** Legimus item apud Messahalam, quòd Saturnus in Leone signat in quadam corporis parte, quod non alibi, quàm in pectore esse potest, cui præest Leo, & Saturnus dat paupertates, & ærumpas, damna, & funilia.

**SI NÆVUS SUPRA COR APPA-**

*ruerit, quid sperandum.*

**CAPUT XIX.**

**S**INÆvus in parte sinistra, facinorosum notat, cordi Leonem præesse judicandum, quòd videlicet viri sint ignei, & præfervidi cordis: Naturalis causa esse potest, quia quando cor signatum est, igneæ, & præfervidæ iræ sunt viri, ideò præcipientes, sine consilio irruentes, ob id saucii, exules, ac carceribus detenti, vitam finiunt, derelicti, & ab omnibus odio habiti.

**DE IIS, QUI HABENT NÆVUM**

*in ventre, quid præsagiendum.*

**CAPUT XX.**

**I**N ventre tam maris, quàm fœminæ nævus consistens, voracem utrumque, gulonemque designat. Astrologi imò ventri & pectini dicunt Scorpionem præesse, uti Mars dominatur, qui calidissimus est, & qui ventrem calidum habent, voraces sunt, & gulones.

**DE NÆVO IN GENIBUS.**

**CAPUT XXI.**

**M**Elamp<sup>9</sup>. Si mas in genub<sup>9</sup> nævū obtinebit cōjugem divitem obtinebit, In fœminæ dextro

genu signum hujusmodi probitatis, in laevo vero liberorum fecunditatis indicium interpretaberis. Genua Capricornus obtinet, cui dominatur Saturnus. Vel si in dextra parte signati sunt, denotat felicem Saturnum in Leone, & ibi perveniens à tempestatibus liberatus, ad serenitates & læticias & divitias deveniet. Sed audiendi non sunt. Ratio naturalis est, quòd virtus expulsiva debilis, & humores pessimi sunt & melancholici, & ex se ipsis cadunt in partes inferiores, unde materiei paucitas demonstratur, & quòd corpus hujusmodi humoribus vacet, & qui ita signati sunt, probi sunt.

*DE NAEVIS, QUI IN TALIS; QUID?*

CAPUT XXII.


**N**ævum si mas in pedis talo gestitat, uxori vestium usum, fœmina vero viri potestatem intercipiet. Juppiter Piscibus dominatur, qui pedibus dominatur, & ipse homines sapientes, legum peritos, & multarum scientiarum solertes inquisitores, ob id non mirum, si eorum uxoribus vestium usum intercipient, & si in mulieribus in sinistro genu, prudentes, decoras, honestasque producet, ob id non mirum, si virilis potestas sibi adsciverit.

*Finis Libri Quinti.*

**JOAN.**

JOAN. BAPTISTÆ  
PORTÆ NEAPOLIT.  
COELESTIS PHYSIOGNOMONIAE  
LIBER SEXTUS.

PROEMIUM.

 *Uperest optima nostra Cælestis Physio-  
gnomoniam pars, scilicet, quæ ex defecti-  
bus, & excessibus humani corporis  
partium, aliqua de moribus, & ven-  
turis præfagiri possumus. Difficillima  
nempe pars, & quæ reliquas difficultate superabit, vi-  
debiturq; aliquibus sciolis quasi præpostera Astrologia,  
quæ non nisi ex Medicina, & Philosophia fontibus  
hausta sunt.*

*FACIÆ PULCHERRIMI QUID*

*portendant.*

CAPUT PRIMUM.

**L** Oquemur de pulcherrimis, mox de deformi-  
bus ratio habebitur, si corpore pulchri sint, &  
animo pulchriores, vel deformes moribus, & si  
fortunatos, vel infelices eos reddant, qui cum illis  
consortium inibunt. Sed principio Ptolomæi  
placita videamus. Ipse enim à Jove, & Venere  
venustatem homines sortiri narrat, & demunt,  
adduntque Sol stellarum princeps splendorem, di-  
gnitatemq; ingerens se Luna, ut superius libri in-  
tatio quoq; vidimus. Juppiter facit albos cum qua-  
dam coloris cômendatione, oculos nigros & ma-  
gnos, & forma venerabili, & Venus similia his fa-

cit, quæ Juppiter, nisi quòd elegantiora, & plausibilia, muliebremque magis habitum decentia omnia habitiora, succulentiora, ac denique teneriora. Peculiariter oculos dat decenter sublucidos, opitulantur autem unicuique horum configurati, Sol quidem ad formam decentem producendam & habitiozem, Luna ad majorem conformitatem, & robur, ac temperaturam vividioram. Rursus matutinæ stellæ & apparentes. Præterea paviculatim constellationes, tam intra Signiferû, quàm extra humanæ formæ conducunt: nam Libra, Virgo, & Sagittarius conformitatē addunt, & moderationē, & vocantur hæc signa humanæ cōfigurationis. Ad id Hali. Virgo, ut honestas decet mulieres, dat pulchrum corpus, aliquantulum longum, benè constitutum, non pingue. Libra pulchræ formæ, mediocris in carne & corpore, alba in carne. Idemque de Sagittario. Sed quæ longo temporis curriculo, longaque annorum serie Astrologi contemplati sunt, & observârunt, & in eorum dogmatibus sancitum est, si oculos in cœlū elevâssent, brevi temporis momento poterant idem assequi ex ipso syderum aspectu, situ, motu, & quantitate. Quid formosius in cœlo Jovis, aut Veneris sydere? Juppiter amœno colore præfulgens, magna splendoris prærogativa, ac majestate ad se oculos allicit, trahitque, ut vix ab eo possis distorquere, Venus roseo, albicanti, aureo, blandoque colore radians, manè cœlum exornat, ut nil, demtis Sole & Luna, in toto cœlo ea venustius. Sol & Luna luminum magnitudine, affluentia & decore omnia superat sydera,

ut tanquam Reges aliis lumen, dignitates, & prærogativas communicent. Dicunt etiam propter situm divitiarum eorum abundantius polliceri, nam Orientales splendidiore, ac lumine auctiores cōspiciuntur, ut Venus mare phosphoros dicatur, quasi Lucifer, contra Occidentales, lumine orbati, ac veluti viles & dejecti, cadentes dicantur. Formam, quam à signis provenire dixerunt, non aliunde provenire conspiciunt, quàm à primæ, vel secundæ magnitudinis stellis, atque à Jovis & Veneris naturis, quippe eodem lumine, colore, & pulchritudine refulgent. In Geminorum pedibus stellæ sunt, quorum naturæ Veneris & Mercurii. In Virgine stellæ sunt in ala, in spica, in extremis pedibus, & vestibus: & sic de reliquis. Unde ad rem redeunt, se ejusmodi formæ in stellis conspiciuntur, coloratæ, splendentes, scintillantæque, & læto aspectu conspicuæ, ex iis optimi mores, & fortunati eventus evenire conjiciuntur. Sed his, quæ diximus, antiquorum historiæ contrariæ sunt, in quibus varii leguntur viri formæ conspicui, sed pravorum morum insignes, quemadmodum Alcibiades fuit, qui oris pulchritudine, & totius corporis compositione omnes sui temporis natos superavit. In pueritia viros ab uxoribus abstulit, in juventute uxores à maritis, sed moribus fuit contentiosus, incontinens, luxuriosissimus, omnibus voluptatum generibus maximè proclivis, qui & de occupanda patriæ libertate cogitavit. Idem de Pseudomate alibi diximus, qui omnium formosiss. erat, atq; omnium flagitiosissim⁹. Fuit &

speciosus Diocles, sed omni virtute refertus, qui ne sua pudicitia à Demetrio contaminaretur, cum ab eo nudus in balneo deprehensus esset, inventem aquam se conjecit, & mori maluit, quàm pollui. Scipio Aphricanus eximia fuit forma, eximiae quoque virtutis, ut ambigendum sit, num forma boni quidpiam, vel mali adferat. Nos hanc quæstionem ita absolvemus. Duplicem dicimus esse formam, jocundam alteram, delicatam, teneritudine, succulentia, carniùm lævitate; alteram elegantem, & partium concinnitate, decora majestate, ac divina quadam gratia plena, ad eam reverendam, obsequendamque hominès cogit, hæc Jovia erit, altera Venerea, hæc ob Veneris dominium, luxuriosos, tripudiis, voluptatibus, cantilenis, conviviis, & delitiis deditos, & intemperantes facit; illa dignitates, Magistratus, honores & Magistratus consequitur, optimaque morum prærogativa Principibus, Optimatibus, & Magnatibus familiaritate devincit, ut quàm plurima ab eis bona consequatur. Hujusmodi erat Alcibiadis, & Pseudomanti pulchritudo; altera Dioclis, & Scipionis Jovia erat. Sed nos physicas rationes assignabimus & cœlestes, utpote commentitias & illusorias confutabimus. Præstantissima Veneris & Jovis compositio ex nostri corporis crasi resultat, calida, videlicet, & humida temperata, sed Jovia paululum ad bilem vergens, ad humiditatem, ob id hæc optimis moribus, prudentia, scientia, & omnibus animi dotibus insignis. Unde facilè ex ejusmodi moribus, Magnatum & Principum familiari-

miliaritates & congressus, magisteria, & officia nanciscuntur; altera magis calida & humida ad luxuriam prona, ex alia divitiæ, & omnia vitæ commoda proveniunt.

*FACIE ET CORPORE DEFORMES  
quid præsent.*

C A P U T II.

**P**orphyrus Platonius Philosophus, quorum animi iniqui sunt, corpora item deformia habere dixit: nobisq; natura datum est, ut contemptui nobis sint, qui turpi corpore, aut non ita eleganti: contra, qui corpore formoso, statim veneremur & diligamus, usque adeò, ut si duo aliqua animi dote insigniti sint, longè magis existimemus in formato, quàm in turpi. Idque etiam sensit Virgilius,

*Gratior & pulchro veniens in corpore virtus.*

Pythagoras existimabat corporum structuram ingeniis non dissimilem, & distorta membra distortum ferre animum, eumque pravitate & passionibus immutatum, corpus conforme sortiri. Ob id scholæ suæ apposuit titulum, ne quis eo compagne malè constructa, deformique vultu ingrederetur, pro certo habens, naturæ secreto, nulli corpori vitium accidere, nullaque corporis pravitatē, quin animi vitium, intemperantiamq; sequatur. Nec solum mala existimantur, quæ deformia, sed inauspicatissima sunt, occurrens cuiquam distortus, mali ominis, si formosus, boni. Brutus apud



Philippos infaustum pugnae exitum sibi significari praedixit, cum praecedentibus aciebus deformi Aethiopi occurrisset, ut ex Plutarcho habetur. Simile accidit Hadriano Imperatori ex occurso distortissimi Aethiopis, omnia sibi extrema ingruere conjecit. Ad id Juvenalis:

*Et cui per mediam nolis occurrere noctem*

Legitur etiam de Agesilao Spartarum Rege claudo, cui ab oraculo pronunciatum est belli exitiū.

*Sis invicta licet tibi dico comparta cavebis,*

*Ne claudo victrix patiare incommoda Rege,*

*Includent subito multo cum tempore morbi,*

*Et saevo bellum prosternens omnia fluctu.*

Sed accedamus ad Astrologorum placita. Ptolemaeus. Saturnus Occidentalis natos facit macilentos, parvos, & nigros, sic Mars rubentes, ac exiguo capite. Praeterea Occidentales imbecillia corpora, dignitate prorsus nulla, similiter Scorpio, Pisces, & Capricornus incommensurata staturam constituunt. Sed si quis cœlum aspiciat, videbit Martis sydus obtuso ignis splendore rutilare, & Saturni lurido pallore, & horribiliter minaci, ut nemo sit sanæ mentis compos, qui ex solo eorum aspectu non conjiciat hominibus noxia sydera; & minimè salutaria esse. Ita etiam Occidentales stellæ, splendore orbatæ, minimæ magnitudinis, ac omni honore & dignitate cadere cōspiciuntur, & stellæ, quæ in Scorpionis fronte sunt, Saturniæ & Martiæ naturæ sunt, & qui in corpore græco nomine, Martis, & in nexu dorsi, Saturni, quæ in ipsa cauda Mercuriales, & gyros etiam nebulosus, &

Marcus

Martius est: & quæ in cornibus Capricorni, Martis, quæ in pedibus, & alvo, Martis, quæ in cauda, Saturni quippiam, quæ in cauda, Saturni, Quæ in capite Piscis habet, Saturni quippiam, quæ in cauda Saturni, quæ in spica Martiæ, quæ in filo Septentrionali Saturniæ, quæ in nodo Martiæ. Ex his igitur stellis, quæ non solum deformes, sed horribiles sunt, non immerito deformes, & incommensuratos homines producere dixerunt. Sed ut superius diximus, etiam historiarum fides nobis adversa est, nam sunt & deformes multi, & vitiorum pleni: sunt etiam & turpes laudabilium morum, & conspicuarum virtutum. Fuit & Therfites protenso capite, deformi vultu, ac nimium brevi statura, quem non minus reprobis moribus Homerus eum describit, quem sine iudicio, & mensura locutum esse dixit. Aesopus omnium suæ ætatis hominum deformosissimus fuit, acuto capite, pressis naribus, depresso collo, prominentibus labris, niger, ventricosus, valgus, & incurvus, tandem sui temporis omnium sapientissimus fuit: nam, ut sæpius diximus, rem citò absolvemus, est deformis facies, cadentium, & Occidentalium Saturni, & Martis, quæ ultra deformitatem habet, vilitatem, dejectionem, & abominationem, est tamen utrorumque altera deformis, sed partium concinnitate non adeò incongrua, sed suas habet quodammodo dignitates, & venerationes, uti erat Aesopi illa, altera erit Therfitis. Sed ad naturales qualitates deveniendo, est Saturni qualitas frigida &

ficca, Martis illa calida, aridaque vehementer, quæ omnium pessimæ sunt, ex his nō nisi paupertates, carceres, miseriæ, exilia eveniunt, ut sexcentis in locis epilogavimus, & hæc non ex cælorum, & planetarum influentiis, sed ex ipsa pessima eorum temperie; & morum institutione.

## UTRUM CORPORE VITIATI,

*sint moribus vitiati.*

### CAPUT III.

**A**strologi ad stellas referentes, quæ ex naturalibus causis eveniunt, inquirunt, corpore vitiatos esse etiam moribus vitiatos & infœlicissimæ vitæ, quibus infortunata omnia eveniāt. Ptolomæus corporis vitia accidere solere dixit, cum maleficæ stellæ fuerint Orientales, & planetæ Orientales potentiores sint, & quantò maleficæ potentiores, eò deteriores, quia plus affligunt. Martenus autem Venerem in Leone corpore vitiatos reddere, & propterea pauperes, neglectos, varios, & natura diversos, malisque facinoribus semper intentos, crebrisque sæpius laboribus fatigatos. Eandemque in Virgine non solum corpore, sed animo vitiatos facere, semper tristes, anxios, sollicitos, luctuosos, & qui infimis hominibus semper associantur, hi igitur, ut à stellis corporis vitia, ita & animi, & fortunæ accidere dicunt. Nos autem secus: nā & causæ naturales sunt, & non ab astris: videmus enim naturam aliquando in facillimis aberrasse, & ideò non mirum, si in difficillimis, ut cum mutilos videamus, naturæ vitia videamus, &

mus, & si circa corpus aberravit, facile anima, quæ ipsum informat, vitari solet, & fortuna hominis mores sequitur, si fortuna est: nam cæca & oculata hominis providentia fortuna est: nam ignoti, improvidique sunt, qui infortunati, providi verò scælices & Physiognomones semper præcavendum censent ab oviatione, & societate infortunati hominis, per opus naturæ superioris, scilicet ab homine, cui aliquod præcipuum organicum membrum deficiat. Et Aristoteles ad Alexandrum scribens ait, cave, præcave ab homine infelice, & diminuto in aliquo membro, sicut ab inimico, ut proverbio abierit, Cavete à signatis, ne confidatis homini, cui aliquod membrum deficiat. Et septimo Politicorum ultimo, dixit exponendos esse pueros natura orbatos, id est, vitiatos, & non nutriendos, quasi id lege sancitum sit, impossibile existimans à corpore malè organizato laudabiles actiones oriri posse, unde ad benè esse & ad benè vivendū congrua, & sufficiens organorū vel partiū cōpositio. Videm⁹ quod homo partes magis congruas, benè dispositas & formatas habet, quàm scæmina, ob id justior, virtuosior, perfectiorque, scæmina injustior, dolosior, magisque imperfecta. Ex optima complexione, optima provenit corporis compositio, sic ex humorū distemperantia, mala corporis & morum congruentia: virtus formativa, quando in ortu valida, robusta, & perfecta est, dominatur humoribus & naturæ, tunc omnia optimè disponit, & cogit obedire, secus autem in imbecilli. Dicunt Astro-

logi, quòd in decimo Scorpionis gradu ascendit homo facie, collo, oculis, & toto capitis gestu tortuosus, & contradicens, cervicis indomitæ, & obstinatæ opinionis. In prisca Romanorum Theologia à consecratione arcebantur manci, quique corpore debiles, aut membro vitiati, censebantur enim indigni, qui sacra tractarent, & M. Sergium ob pravitatem, diminutionemque corporis à sacris fuisse amotum. Et Dominus ad Moysen locutus, jussit, ne claudus, vel parvo & grandi naso, vel torto, vel fracto pede, aut manu, nec gibbosus vel lippus, nec albuginem habens in oculo ad sacerdotium assumatur. His assentire videtur Augustinus sanctus, qui dixerit, corporis incompositionem mentis inæqualitatem indicare. Regnorum libro Rex David inquit. Non ingredieris huc, nisi abstuleris cæcos, & claudos: & proposuit præmium, qui abstulisset cæcos & claudos, & iccirco proverbio dicitur, cæcus & claudus nò intrabunt in templum.

*MONSTRUOSOS CORPORIBUS ES-  
se & moribus & fortunis monstruosos.*

CAPUT IV.

**E**T si id cum superiori adsimile videtur, Pto-  
lomæus tamen differens fecit, demoni atque  
ex tribus colligi debere, primò, ut luminaria ca-  
dant ab angulis, nulla familiaritate cum ascendē-  
te hærente, secundò, ut maleficæ sint in angulis,  
& maximè in ascendente, & decima, ultimò, ut  
dominus loci conjunctionis, vel oppositionis na-  
tivita-

tivitatem præcedentis, neque ascendenti, aut loco Lunæ, neque genituræ domino aliqua familiaritate jungatur, unde maleficis dominantibus, & in angulis constitutis, necesse est esse malorum morum, & pessimæ fortunæ. Maternus verò dicit. Ut nil iste appetat, nullam rem audeat, cum sciat, se sic posito Sole in omnibus suis actibus infelicitè impediri. Sed vulgò à Philosophis decantatum est, monstrum in corpore, monstrum in anima, quòd monstrum in anima, quid ex eventibus consequi potest, nisi mala, & infortunia.

Unde sancitum in Philosophia esse judico, qui aliquo deficit membro & principali, & monstruosum esse, & malè fortunatum, & ei aliquid deficere de præcognitione & prudentia, & eis, qui malè morati, & minimè prudentes, semper noxia eveniunt, cum nec prævidere nec præcavere cognoscant, & hominū fortunæ & infortūæ sunt præcognitio, & ignorantia. Maternus hæc habet. Si malevolæ stellæ in cardinibus fuerint collocatę partiliter, Sol verò, & Luna in cardinibus positi diametra se radiatione percutiant, & benevolæ stellæ neque in cardinibus positæ, aut radiis Solis absconsæ sint, aut quadrupes, aut monstrum nascetur. Si Mars aut Solem, aut Lunam, aut horoscopum quadrata, aut diametra radiatione respiciat. Si Luna in contortis signis fuerit, Geminis, Tauro, Ariete, Piscibus, Aquario, aut Capricorno. Sed poterant Astrologi in cælum respicientes, videre signa tortuosè ascendentia in Zodiaco, judicare, quòd nati sub eis, non nisi tortuosi esse poterant,

poterant, sed tortuosè ascendentia signa sunt, quæ breviori tempore peroriuntur, cum in eorum ascensione plus de Æquatore, quàm de Ecliptica, & hæc computantur, ut à medietate Signiferi descendente à principio Capricorni usque ad finem Geminorum. Contra signa, quæ directè ascendunt, rectos homines progignere, & benè dispositos. Signa bicorporea sunt Gemini, Sagittarius, & Capricornus, dixeruntque Astrologi bicorporea, quòd in eis quàmplurima reperiabantur sydera, natura bonorum planetarum, quòd oculis & coloribus poterant divinare, sine tanti temporis curriculo. In Geminorum pedibus stellæ sunt natura Mercurii & Veneris, in capite duæ Mercurii & Martis, in cuspide Sagittarii, Lunæ & Martis, in arcu, ubi manus, Jovis & Martis, in ore, Solis & Martis, in dorso, Jovis & Mercurii, in pedibus Jovis & Saturni, in cauda, Veneris & Martis, in ore, Saturni & Veneris, in pedibus & alvo, Martis & Mercurii, in cauda, Saturni & Jovis. Summa igitur Astrologorum erit, Si malevolæ stellæ in cardinibus positæ, vel Luna & Sol inimica radiatione eas sauciabunt, sine auxilio fortunarum, sunt causæ monstruosorum. Sed quid optimi, vel boni saltem in moribus, in fortuna & vita portendere poterant? Sed ad physicas rationes reducendo, tanta humorum, complexionû & qualitatum discrepantia, & contrarietas, ex qua monstra, & non naturæ ordine generata, quomodo bonos mores, vitam, fortunas portendere poterunt? Legimus in historiis, monstra illicò nata regni

regni amissionem prædixisse, mortes, pestes, prælia, sanguinis effusiones, & tunc expirasse, idque naturali evenit ratione, nam præter naturæ ordinem nati, brevissimæ sunt vitæ, & anima, quicquid longo tempore factura erat, hoc brevi temporis intervallo demonstrat, & melancholici etiâ propè morituri futura solent divinare.

*DE LONGIORIBUS ET BREVIORIBUS viris.*

CAPUT V.

**L**Oquendum de iis hominibus, qui longitudine super alios attollantur, & de breviori statura præditis, quid morum, & vitæ contingentium portendant. Ptolomæus in Centiloquio. Dominus genituræ in sublimitatibus, & horoscopi ipsorum in signorum principiis, & in signis rectæ ascensionis, longioris staturæ natos producit.

Hæc quoque ex cælesti Physiognomonie apparent, & à similitudine quoque desumptum est: nā quando Sol, vel alter planeta in sui deferentis auge, in sublimi orbis elevatione, quia maximè à nobis longè abest, longos homines facere, & cum in opposito augis, atque propè nos est, breves corpore facere. Et in signis rectæ ascensionis videntur rectè ascendere: ob id rectos facere, & longos: in tortuosis verò breves. Idem quoque initio signorum. Rectæ ascensionis signa sunt, quæ, dum in sphaera obliqua ascendunt, plus temporis occupât, quàm cum minori arcus Æquinoctialis, quàm Eclipticæ peroriuntur, & sunt ab initio Cancri us-



criusque ad finem Sagittarii. Sed hoc non ex astrorum principiis, sed naturæ. Planetæ autem, quæ longe à nobis absunt, leviùs operantur, & sunt effectarum virtutum, ob id languidos, imbecilles, & emasculatos, contra autem breves, quia virtutes arctius coguntur in corpore, fortiores, & validiores, & robustioris virtutis. Physica ratio est, in brevibus corporibus sanguis parvo loco continetur, unde motiones veloces, & operando & intelligendo satis sunt celeres, & in brevi corpore breve est inter cor & cerebrum iter, ubi spiritus accenduntur: ob id fortiores & fortunatiores quoque, contra autem in magnis corporibus existentem magnam lationem spirituum, tardiùs ad supera, & ad operationes accedunt, ob id in his non vividi spiritus, & illustres apparent, sed effecti & debiles, unde omnes debiles, timidi & infelices in votis consequendis, quam breviores, ut latius in nostris Physiognomonicis.

## DE CORPORIBUS MAGNIS, ET parvis.

### CAPUT VI.

**D**icemus de corporibus magnis & parvis. Dicimus magna corpora, non longa, ut paulò antè diximus, sed lata, & magna, & parva corpora, quæ macilenta & imbecillia sunt, Ptolomæus. Sol & Luna maximè opitulantur ad decentiorem formam producendam, & habitiolem. Inter planetas reliquos Juppiter & Venus, quia reliquis majores

maiores. Saturnus verò, & Mercurius parvi. Præterea maturinæ stellæ apparentes ingentia efficiunt corpora, & præeuntes moderata. Et quarta vernalis scilicet Aries, Taurus, & Gemini staturosos efficiunt, magis ad calidam, humidamque naturam accedentes. Præterea signa, quæ corpulentos faciunt & staturosos homines, esse Leonem, Virginem, & Sagittarium. Contrà verò, cum stellæ Occidentales constiterint, imbecillia corpora, dignitate prorsus nulla. Et autumnalis quarta Libra, Scorpio, & Sagittarius, graciles efficit, & sicciore, & signa, quæ parva producunt corpora, Piscis, Cancer, & Capricornus. Tandem in Cæloquio. Domini genituræ macilentorum hominum latitudinem non habet, quod si latitudo Australis, agiles erunt, sin Borealis, pigri. Hæc ex superiorum syderum Physiognomonie addisci poterant; nam Sol & Luna sunt omnium planetarum maximi, ideo imaginari poterant ex eorum magnitudinibus corporum quantitates posse provenire. Præterea Orientales planetæ, manè per interpositos humores conspiciuntur, ideo videntur solito majores, imò decuplo ampliores, Occidentales postea macilentos, dejectos. Et verna quarta, quia hilaris annus, rident omnia, videntur floridiores homines gigni, & pinguiore: contrà autumnalis mœsta, nebulosa, & tristis, quia arbores fructibus spoliantur, & videtur mundus veluti mœstus. Omnes planetæ ab Ecliptica latitudinem magnam habentes, videntur corporis latitudinem gignere, & quæ latitudine caret, macilentiam.

Et

Et signa corpulenta, quæ major stellarum caterva decorat, videntur etiam habitiora, opulentioraq; corpora largiri: sic ubi minor stellarum numerus, minùs pinguedinis. Sed ad phsyicas rationes redeundo, non ex astris, sed naturali ratione provenire. Vernalis quarta ideò homines corpulentiores facit, quia, qui sub ea nascuntur, sæpenumero ex calida humidaque complexione constant, & nos hic sæpiùs, & alibi diximus, qui calida, humidaque constant temperie, pingues, carnosì, & qui sub autumnali quarta, frigidi, & sicci, & qui ejusmodi temperie constant, sicci & macilenti. Præterea Luna frigida & humida, ex quibus pinguedo, & Sol calidus & siccus, fit ex his temperies ad corporis habitudinem. Et in reliquis planetis Venus & Juppiter sunt etiam calidi & humidì, & ideò efficiunt staturòsos, ex Marte & Saturno calido & sicco & frigido & sicco minor pinguedo. Planetæ latitudinem habentes faciunt homines pingues, quia minùs calidi, ex qua macies, sed latitudo Australis, quia calidior, agiles facit, Borealis tardos & hebetes, quia magis humida. Ex his igitur colligunt Astrologi Jovem & Venerem dominantes in horoscopo planetas Orientales, latitudinē habentes, & in vernali quarta, & in signis, Leone, Virgine, & Sagittario, præcipua, & fortunata signa, quæ in suis domiciliis Jovem, Mercurium, & Solem recipiunt, natos faciunt benè moratos, amatos, gloriosos, dignos, fideles, & hujusmodi similes, contrà, signa à Marte & Saturno dominata, in latitudine Septétrionali, Occiden-

Occidentalia, & cadentia, natos formare immo-  
rgeratos, macilentos, tristes & infælices, & qui  
corpulenti, desides, ad acquirendas opes minùs pa-  
ratos, & ex sicca & frigida, & calida temperie ma-  
lignos, & pessimos.

*DE EUNUCHIS, ET QUID*

*portendant.*

CAPUT VII.

**I**Nquit Ptolomæus. Si Venus masculina, &  
luminaria, & Verna Occidentalis, maleficæ  
proximè sequentes partes ascendant, mares evi-  
rati nascuntur, & testium vitiis affecti, præcipuè  
in Ariete & Libra, & aliquando ab oculorum vi-  
tiis non liberi. Quod Ptolomæus dixit, maxi-  
ma evenit ratione: nam Venus malè affecta, geni-  
talia officit, & ratione luminariorum malè affe-  
ctorum lumina malè officiuntur. Maternus. Si  
Luna cum Saturno fuerit partiliter collocata, &  
Venus eam qualibet radiatione prospexerit, & Sa-  
turnus in finibus Veneris, aut Venus in finibus Sa-  
turni, nec Juppiter Lunam aliqua radiatione re-  
spiciet, Eunuchi fiunt. Sol & Luna in fœmininis  
signis inventi, aut simul positi, adversis locis collo-  
cati, & Venus in fœminino constituatur. Luna  
& Mars in quocunque cardine partiliter collocati  
Eunuchos faciunt. Si Mars aut Luna diametra  
sibi fuerint radiatione contrarii, Venus in dextro  
eorum quadrato fuerit, & Venus de diametro Sa-  
tæurnum respiciet per sinistrum quadratum, Lunã,  
& Martem pulsaverint, ut Venus de diametro

Lunam & Martem de quadrato respicient, Eunuchi nascuntur. Sed Physica nos admonet ratio, frigidos & siccos, vel frigidos & humidos minimè salaces esse, & si virilia habent, frugi non sunt, sed complexio calida & humida, vel calida & sicca luxuriosos reddit. Luna frigida & humida, Saturnus frigidus & siccus, & hi planetæ contrarii sunt luxuriæ, & sauciaverint Venerem, id est, complexionem calidam & humidam de opposito, id est, maxima oppositione, nam calidum oppositum frigido, & siccum humido, aut quadrata radiatione, scilicet calida & humida Venus, calidus & siccus Mars, cum in una qualitate discordant, in altera consentiunt simul, ut sint apertæ inimicitie. Ex his sæpè orbamur lumine, nam sicut inordinati coitus visum debilitant, sic superfluum sperma in corpore retentum venenum generat.

DE COECIS, ET QUID PORTENDANT.

CAPUT VIII.

**P** Tolomæus. Oculorum orbitas à luminaribus causatur, malè in cœlo constitutis. Videlicet si in angulis prima, & decima constituentur, in anaphoris infortunarum. Si Luna in ascendente solitaria, alterius oculi orbitatem portendit cum Sole congregiendi, aut ex adverso posita, ambobus oculis orbat. A quo Maternus. Sol in ascendente, Luna in medio cœli in angulis infortunarum, & ab hinc longè absint beneficiæ stellæ, cœcos, aut lumi-

luminibus vitiatos reddit. Ptolomæus, Vel si eadem luminaria in stellis nebulosis Signiferi reperiuntur, ut in Plejadibus Tauri, asellis, Cancricuspide sagittæ Sagittarii, in urna Aquarii, vel Leone, vel Bereniceis crine, vel nebulosis stellis extra Zodiacum lactea via, stellis occultis, aut nebulosis, vel obscuris stellis nubis naturæ, Martis & Solis. Et in Centiloquio. Si Luna Soli adversa in nebulosis stellis adjungitur, erit in nati visu malū. Qui enim sub eclipsi nascuntur, oculis turbabuntur. Præterea Saturnus & Mars minantur etiam luminibus. Si sunt in Occiduo cardine, & ambæ maleficæ stellæ in cardine Orientali, & Sol quoque in cardine, oculis capietur. Præterea si Mars aut Saturnus, Lunam in angulis sitam Occidentalem, & hi ipsi in centrīs constituti Solem accesserint, utriusque oculo minantur. Mars quidem à plaga, aut pulsatione, ferro, aut actione cœcitatem adducit. Si Mercurius concitatus in palæstris & gymnasiis, aut malorum hominum incurſibus, Saturnus per suffusionem, frigus, glaucomata, & similia. Et in Centiloquio. Si Luna in Occiduo cardine, ambæque maleficæ stellæ in cardine Orientali, & Sol quoque cardinalis, natus ipse oculis capietur. Ab eo Maternus. Saturnus & Mars in cardinibus pariter constitutus, vel Sol & Luna in horoscopo, & Mars in septima, & benevolæ non aliqua radiatione respiciant. Sed quæ Astrologi ex variis experiētijs emendicati sunt, poterant ex stellarum physiognomonie illico edocere. Quis non videt Solem & Lunam esse, veluti cœli

oculos? ut enim oculi nostrum corpus illuminant, ita & luminaria hæc magna cælum & mundum illuminant. Quid in homine illustrius quàm oculus? quid in cælo nobilius, quàm duo hæc luminaria? ut oculi hominum stellæ, ita & stellæ sunt mundi oculi. Aequum igitur erat, ut cum ea luminaria in cælo lumine orbarentur, ut in eclipsi, ut qui sub ea nascerentur, essent & luminibus orbati, & qui sub stellis illis nebulosis, obscurisque nascerentur, & oculi quoque eorum caligarent. Sunt enim Plejades in Tauro, aselli in Cancro, nebulosæ & obscuræ, ut cæcos & lumine orbatos diceres: Et quia in cælo lactea via conspicitur, non aliunde lac illud evenit; nisi ex obscuris stellis, & vix visuperceptilibus, ut in metheoris nostris latius explicavimus. Sic & Martis sydus retusè rubet, & Saturni plumbeo colore livescit, ut non immerito hominum luminibus impedimenta minentur.

Sed ex eorum scriptis colligere poterimus, luminaria, ut potissimum in angulis infelicitè collocata portendunt natos maxima difficultate Magistratus, officia, & dignitates consecuturos, cum ipsi sint, qui ejusmodi dignitates largiantur. Item Saturnus & Mars infesti, infirmitates, vulnera & ignes decernunt, & eorum aspectus infortunati, violenta etiam morte necati minantur. Idemque promittitur ex Luna in ascendente infelicitè collocata. Sed hæc non ex cœlesti influxu portendi: sed ex ipsa morum qualitate, nam qui cæci sunt, ex affecto cerebro malum provenit, & maximus defectus in maximo viscere, maximum est, unde

unde & maximè, eorum actiones læduntur, & qui ejusmodi viscere vitiati sunt, scelesti sunt, unde facile in rixas & mortes perventuri sunt. Unde non infoeliciter dictum fuit; Cavete à diminutis, quia infortunati. Et per diminutos maximè omnium intelliguntur cæci, & gibbosi, quia diminutio cecidit circa principalia viscera, cerebrum & cor.

*Quæ dicta sunt de corporibus cælestibus, aut naturali temperamento qualitatum, aut humorum, sic sunt accipienda, ut intelligatur, posse quidem humanam voluptatem ex his moveri ad eum modum, quo movetur ab exteriori objecto, non tamen quantum ad exercitium actus, ut explicat S. Thomas 1.2.9.4.*

*ater, 5. Unde & Aristoteles ait, Sapiens dominabitur astris.*

FINIS.











R. SALVAREZZA  
RESTAURO  
a Val Sassina, 58  
Tel. 899.228

oculos? ut enim oculi nostrum corpus illuminant, ita & luminaria hæc magna cælum & mundum illuminant. Quid in homine illustrius quàm oculus? quid in cælo nobilius, quàm duo hæc luminaria? ut oculi hominum stellæ, ita & stellæ sunt mundi oculi. Aequum igitur erat, ut cum ea luminaria in cælo lumine orbarentur, ut in eclipsi, ut qui sub ea nascerentur, essent & luminibus orbati, & qui sub stellis illis nebulosis, obscurisque nascerentur, & oculi quoque eorum caligarent. Sunt enim Plejades in Tauro, aselli in Cancro, nebulosæ & obscuræ, ut cæcos & lumine orbatos diceret. Et quia in cælo lactea via conspicitur, non aliunde lac illud evenit; nisi ex obscuris stellis, & vix visu perceptilibus, ut in metheoris nostris latius explicavimus. Sic & Martis sydus retusè rubet, & Saturni plumbeo colore livescit, ut non immeritò hominum luminibus impedimenta minentur.


Sed ex eorum scriptis colligere poterimus, luminaria, ut potissimum in angulis infelicitè collocata portendunt natos maxima difficultate Magistratus, officia, & dignitates consecuturos, cum ipsi sint, qui ejusmodi dignitates largiantur. Item Saturnus & Mars infesti, infirmitates, vulnera & ignes decernunt, & eorum aspectus infortunati, violenta etiam morte necati minantur. Idemque promittitur ex Luna in ascendente infelicitè collocata. Sed hæc non ex cœlesti influxu portendi: sed ex ipsa morum qualitate, nam qui cæci sunt, ex affecto cerebro malum provenit, & maximus defectus in maximo viscere, maximum est, unde

unde & maximè, eorum actiones læduntur, & qui ejusmodi viscere vitati sunt, scelesti sunt, unde facilè in rixas & mortes perventuri sunt. Unde non infoeliciter dictum fuit; Cavete à diminutis, quia infortunati. Et per diminutos maximè omnium intelliguntur cæci, & gibbosi, quia diminutio cecidit circa principalia viscera, cerebrum & cor.

*Quæ dicta sunt de corporibus cælestibus, aut naturali temperamento qualitatum, aut humorum, sic sunt accipienda, ut intelligatur, posse quidem humanam voluptatem ex his moveri ad eum modum, quo movetur ab exteriori objecto, non tamen quantum ad exercitium actus, ut explicat S. Thomas 1.2.9.4.*

*ater, 5. Unde & Aristoteles ait, Sapiens dominabitur astris.*

FINIS.




FINIS











R. SALVAREZZA 1978  
RESTAURO 120 0  
a Val Sarsina, 58  
Tel. 099.223

